





Francfurti, apud Mart. Hallervord.

BIBLIOTHECA  
MUSEI  
HISTORICO-NATURALIS  
FRANCOFURTI

MEMORIAE  
MEDICORVM  
NOSTRI SECVLI  
CLARISSIMORVM  
RENOVATAE  
DECAS PRIMA,  
CVRANTE  
M. HENNINGO VVITTEN,



FRANCOFVRTI,  
Apud MARTINVM HALLERVORD  
Typis JOANNIS ANDREAE.

---

Anno M DC LXXVI.

*APULEIUS LIB. IX. METAM.*

**NEC CONSILIO PRUDEN-  
TIS, NEC REMEDIO SAGACIS,  
DIVINÆ PROVIDENTIÆ FATALIS  
DISPOSITIO SUBVERTI VEL  
REFORMARI POTEST.**





VIRO

NOBILISSIMO, AMPLISSIMO,  
EXCELLENTISSIMO,

DN. NICOLAO  
VVITTEN A  
LILIENAU,

MEDICINÆ DOCTORI EXIMIO,  
SAC. REG. MAJEST. SUECIÆ  
ARCHIATRO,

INQUE PATRIA PHYSICO PRIM.  
AC LONGE MERITISSIMO,  
MEDICO,

CUI, NEC AD DIGNOSCENDUM  
PRUDENTIA,

NEC AD CURANDUM FORTUNA;  
COELESTIBUS ANIMATA SUCCESSIBUS,  
HACTENUS DEFUIT,

DOCTRINA ATQUE MEDENDI USU  
FAMIGERATISSIMO,

DOMINO AC PATRUELI  
SVO

ADMODUM DEVENERANDO,

(A) 2 . QUOD


QUOD  
 ADFFECTUM IN SE VERE PATERNUM  
 UBIVIS LUCULENTISSIME DEMON-  
 STRAVERIT,  
 ET IN HOC IPSO QUOQUE OPERE  
 DE PRÆCLARIS ALIQUOT ERUDITO-  
 RUM LUMINIBUS  
 MULTA VALDE APPOSITA  
 PROMTE HILARIQUE VULTU  
 COMMUNICAVÉRIT,  
 HOC ADDICTISSIMI ANIMI TEKMHPION  
 OFFICIOSE SISTIT,  
 EIDEMQUE SIMUL  
 SANAM IN CORPORE SANO  
 MENTEM,  
 LONGAM IN HAC BREVITATE  
 VITAM,  
 MEMORIAM IN ORBE IM-  
 MORTALEM,  
 ÆTERNAM DENIQ; IN COELO  
 FELICITATEM  
 TOTO PRECATUR PECTORE,  
 QUI EX IPSIUS INCOLUMITATE  
 SUAM DUCIT,  
 Et AD QUÆVIS OFFICIORUM GENERA,  
 CONSANGUINITATIS JURE,  
 SE IN PERPETUUM OBSTRINGIT,  
 M. H. VVITTE.



*SERIES MEDICORVM*  
*PRIMAE DECADIS.*

Obiit anno

1609. Carolus Clusius, Doct. & Profess.  
Lugdun. Bat.
1613. Ernestus Sohnerus Doct. & Profess.  
Altorph.
1619. Hieronymus Fabricius ab Aqua-  
pendente, D. & Profess. Patavinus.
1629. Caspar Bartholinus D. & Profess.  
Hafnienfis.
1636. Gregorius Horstius D.
1637. David Herlicius Doct. & Poliater  
Stargard.
1638. Daniel Sennertus Doct. & Profess.  
Witteberg.
1640. Petrus Kirstenius Doct. & Profess.  
Upsalienfis.
1644. Joh. Baptista Helmontius Philos.  
per Ignem.
1648. Caspar Hoffmannus D. & Profess.  
Altorph.



EVERHARDI VORSTII

Medicinæ Professoris

ORATIO FUNEBRIS

*In obitum*

V. N. & CL.

CAROLI  
CLUSII,  
ATREBATIS,

*Habita fuit in Academia post ductum funus,  
die VII. April. Anno clæ lxx IX.*

**S**enatores Academici, Professores CLmi, Illustres ac generosi, Barones, Viri Amplissimi, doctissimi & reverendi, juvenus ornatissima atque Reip. Spes florentissima;

Recens ac nuperum Academiae nostrae fatum, alius nunc iterum longè acerbissimus excepit casus. Extulimus paucis ab hinc diebus Josephum Scaligerum, temporum nostrorum Phœnicem; hunc brevi adèò intervallo subsecutus est Carolus noster Clusius; vix dum dolor noster aliquantè subsederat, ecce novo percellimur luctu, malumque paulò remissum rursus integratcit. Nec enim uno contenta Scaligero ( in cujus tamen jactura totus ingemuit orbis ) mox & alterum hoc nobis subduxit ornamentum invida Parca. Huic Venerando Seni hodiè pro vestra pietate parentastis, hujus honorandæ memoriæ huc frequentes convenistis; hujus defuncti gratia foris sordidatos, intus mærore obsessos vos mæstus intueor; hujus denique causâ in hunc locum, non tam meâ voluntate, quàm vestrâ, Patres Academici, petitione atque impulsu ascendi. Quàm durum susceperim onus, non me fugit. Dicturus enim sum de eo Viro, cujus virtutes, eruditio, in remp. litterariam merita, omnem meam dicendi vim, omnem supellectilem excedunt longè: dicturus sum in eo loco, in quem nihil adferri solet, nihil debet, nisi perfectum ingenio, elaboratum industriâ, & quod demorsos sapiat ungues. A quo dicendi

dicendi splendore tametsi quàm longissimè hanc meam orationem abesse probè sciam, vestrà nihilominus fretus benevolentia multus in me excusando apud vos non ero. Excusabit me Senatus Academici Decretum, quod dicendi hanc imposuit necessitatem. Excusabit pietas, quà defuncti manes prosequutus, extremum hoc officium à me desiderari passus non fui. Excusabit vitæ ac professionis meæ genus, quod ab amœnioribus istis litteris & eloquentiæ studiis multum semotum est. Excusabit demum temporis angustia, quæ meditationi accuratori spacium perexiguum concessit. Quare si non ex dignitate omnia dixerò, & ex tam multis pauca solùm delibavero, haud spero apud Auditores tam æquos judicia mihi ulla fore parata iniqua. Favere igitur conatibus, Auditores humanissimi, favorisque vestri auram tantisper mihi concedite, dum quæ de tanto viro ab aliis aliquando ornatius dici aut felicius scribi poterunt, ego *ὡς ἐν τύπῳ* crassâq; , quod ajunt, Minervâ, adumbrare studeo.

Qui Viros præclaros laudandos sibi suscipiunt, à solo natali in quo orti, in quo primùm hauserunt cœlum, orationes suas auspicari solent non immeritò; huic enim tantum à majoribus est tributum, ut parentis Sanctissimum nobiscum commune habere voluerint, nihilq; prorsus esse, quod à nobis vel fortiter geri, vel prudenter agi, vel sapienter dici possit, cujus patria sibi non arroget jure suo partem, æquissimi rerum æstimatores censuerunt. Atrebatum urbs Galliæ Belgicæ ad Scarpum fluvium antiquissima est, ampla, elegans, amœna, aëre saluberrimo, ingeniis ac nobilitate florens, totius gentis Metropolis jam olim habita. In hac Clusius noster nascitur anno Salutis millesimo quingentesimo & vigesimo sexto, mense Febuario, Patre Michaële del'Escluse, Domino de Watenes, & Consiliario Curiae Provincialis: Matre Gulielma Quineaut, rari exempli fœminâ. quo in loco parentes simul cum anima illi tradiderunt, patriam non obscuram, familiam non poenitendam, domum innocentem, opes honestas, ingenium liberale, studiisque optimarum artium capellendis aptissimum. Quare ut primùm ex ephæbis excessit, Gandavum à parentibus missus, sub optimis præceptoribus iis artibus, quibus ætas illa ad humanitatem informari solet, ritè imbutus est. Quo quidem tempore multa neque ea vulgaria spectatæ indolis edidit specimina. Ætate jam grandior factus, ad graviores



disciplinas & imprimis jus civile discendum, Lovanium totius Europæ florentissimum tunc Gymnasium, ac litterarum Emporium ablegatur: Ubi celebriores in omni scientiarum genere Viros publicè docentes cupidissimè audivit; privatim etiam quibusdam ex præcipuis & familiariter usus, assiduâ illâ doctorum hominum consuetudine effecit, ut brevi admodum insignem optimarum rerum peritiam, nomenque inter æquales clarum sibi compararet. Erat enim ea tunc in urbe summus præstantissimorum Virorum & adolescentum concursus ex omnibus Europæ provinciis; & docentium discenſiumque studia ad æmulationem æquè fervebant. Anno ætatis vigesimo secundo Lovanio digressus, ad uberiorem ingenii cultum capiendum, & externarum regionum visendarum cupidine flagrans, in Germaniam contendit, & Marpurgi apud Chattos aliquandiu subsistit, ubi Oldendorpium clariss. apud suos & externos Jurisconsultum, diligentissimè audivit: ibidemque in familiaritatem incidit Andreae Hyperij, magnæ existimationis ac famæ apud Germanos Theologi. Hujus consilio anno insequente Wittebergam Saxonum adiit, potissimum ut Philippum Melancthonem videret, audiret & coram cognosceret; virum mehercle egregium, qui scientiarum orbem universum vel solus, vel cum paucis apud populares suos intellectione complexus est; & ob id, dum viveret, Germaniæ suæ Oraculum habitus. Circa annum Christi cl. l. l. Wittebergâ profectus Francofurtum, indeque Argentinam petiit, ubi paullulum commoratus, cum Galliæ lustrandæ teneretur desiderio, per Helvetios & Allobroges Lugdunum pervenit, hinc Montepessulum: in qua urbe certo consilio triennium totum egit, Gulielmi Rondeletij Medici celebratissimi contubernio ac mensa usus. Hoc primum in loco illum cepit Medicinæ stirpiumque noscendarum amor, quo ad extremum usque vitæ diem raptus, juris Civilis professioni nuntium remisit, seque totum sacræ artis, & præcipuè simplicium medicamentorum cognitioni tradidit, insito quodam naturæ ductu. Assiduus ac sedulus Rondeletij, cui unice carus & acceptus erat, auditor, ex ore docentis excepit methodum curandorum morborum particularium, quam postea typis vulgavit Laur. Joubertus. Rei herbariæ studio supra modum delectatus, sæpissimè in agrum & circumvicina loca prodibat, totamque Galliam Narbonensem

per

perreptabat: neque, quod multi peregrinantes hodie faciunt, perfunctoriè aut veluti canis Nilum lambit, exteras regiones obibat, verùm pensiculatè minutissima etiam quæque animadvertibat; nec solùm rerum naturalium ibi nascentium indagacione contentus, quicquid præterea ad situm, antiquitates & populorum mores spectaret, mente & oculis attentissimis observabat. Cui inter cætera fidem facit Tabula illius chorographica Galliæ Narbonensis, quam theatro suo Geographico Abrahamus Ortelius inferuit. Dum apud Montepeffulanos degeret, Petrum Lotichium, Poëtarum Germaniæ principem, cognovit, & inter reliquos amicos familiarissimè coluit. Hujus ad Clusium versus aliquot & Epistolæ cum reliquis ejus operibus leguntur. Porro in studio Botanico, cujus incredibili flagrabat amore, ita brevi profecit, ut vel tunc Rondeletio, Scyronio alijsque Academiæ illius Doctoribus liqueret, quantus in illa professione aliquando futurus esset: non obscuris quippe indiciiis collegebant, ad rem herbariam ornandam augendamq; natum atq; unicè factum; utpote cujus animo altissimè infixum hærebat grave illud dictum, quod apud Galenum extare novimus, & ab Oribasio repetitum legimus, simplicium medicamentorum & facultatû, quæ eis insunt, cognitionem ad eò Medico necessariam esse, ut sine ea nemo ritè mederi queat. Equidem ita judico, si Medici alioquin eximii animum herbarum notitiâ spoliaveris, mentemque nativâ stirpium specie nudaveris, licet cælo dejectus, licet Æsculapius ipse fuerit, licet omni Musarum choro stipatus, Physica, Anatomica atque Chirurgica callens, placere tamen posse ne Apollini quidem suo, utpote herbarum scientissimo. Fuit sanè hæc sapientiæ pars quæ stirpium historiam complectitur, non ita multis ab hinc annis in obscuro planè posita, densissimisque involuta tenebris. Nam præterquam quòd per se sat difficilis esset, temporum longinquitas & crebræ populorum migrationes, in causâ fuerunt, ut pleræque, ne dicam omnes, plantæ veteribus abjectis nova sæpius induerint ac commutarent nomina, ita ut pristina nomenclaturæ nec vola nec vestigium appareat ullum. Hinc etiam morosior ac scrupæa prorsus reddita, quod prisca materiæ medicæ scriptores, stirpium, quas pro vulgò cognitis habebant, paucas inter describendum, non rarè nullas tradiderint notas, quibus à posteris recognosci possent.

(A) 5

Quibus

Quibus & tertium accessit incommodum, quod recentiorum quidam ad primam quamque vel levissimam notam à veteribus appositam, alienas ac nonnunquam contrarias supponunt plantas, adeò ut loco salutarium remediorum, venena etiam quidam nobis surrogarint nocentissima, dam-nabili prorsus atque sceleratà incitià. Quibus malis ne diutius conflictaretur Ars medendi, Summi Numinis providentià factum, ut patrum nostraque memorià multi præ-clari exorti sint viri, qui hanc Philosophiæ partem illu-strandam sibi sumpserunt; inter quos primas obtinuit Leo-nicenus, Ruellius, Matthiolus, Fuchsius, Tragus, Dodo-næus, Dalechampius, Lobelius, Caspar Bauhinus, Clusius denique hic noster; de cujus in hoc studiorum genere ex-cellentia & singulari peritiâ non est quod multis apud vos disseram; res ipsa loquitur, & quæ omnium manibus te-runtur, Viri eminentissimi Scripta id abundè testantur. Inde enim apparet duo sibi potissimum proposita habuisse, ut ab antiquis descripta aut memorata, altaque jam caligine merfa, erueret atque in lucem protraheret; nova verò aliisque indicta ipse reperire posset, repertaque optima fide bono publico omnibus communicare. Utrumque felicissi-mè peregit, & cum immortalis nominis sui gloria perfecit. Verùm ad reliquum de Vita optimi nostri Senis sermonem regredior. Montepeffulo, post gradum, ut vocant, Li-centiæ in Medicina adeptum, discedens per Galliam Lug-dunensem, Genevamque, iterum Basileam pervenit, ubi exquisitissimis honoribus ab ordine Academico exceptus, secundo Rheno vectus Coloniam usque Agrippinæ, inde terrestri itinere Antverpiam petiit, & ab anno quinquage-simo quinto supra millesimum quingentesimum usque ad annum sexagesimum tertium in Belgio ferè hæsit, nisi quod Lutetiam Parisiorum semel excurrere illi visum. Vertit interea temporis in sermonem Gallicum Vitas Hannibalis & Scipionis à Donato Acciaivolo Latinè priùs editas, quæ inter opera Plutarchi Gallicè evulgata hodie leguntur. Do-donæi præterea Plantarum historiam in eandem linguam convertit. Anno verò sexagesimo tertio Augustam Vin-delicorum petiit, proximòque repetiit. & inde in comitatu Illustrium fratrum Fuggetorum per Belgicam, ceteramque Galliam Oceano proximam, in Hispaniam profectus est; quam universam peragravit & accuratissimè perlustravit à Pyrenæis montibus ad fretum usque Gaditanum: quo in itinere



itinere ad Calpen equo dilapsus os tibiæ confregit. Olysi-  
pone cùm esset, incidit fortè fortunà in Dialogos Gartiae  
ab Orta Lusitanicà linguà conscriptos, Aromatum apud  
Indos nascentium descriptionem complectentes, quos cùm  
avidè percurrisset, dignosque qui toti orbi innotescerent  
judicasset, Latine vertit, & parergis amissis contraxit, addi-  
tis etiam Notis. Hos primùm anno septuagesimo quarto  
Christophori Plantini typis Antverpiæ publicavit: Quibus  
adjunxit Nicolai Monardis, Medici Hispanensis, de simpli-  
cibus med. novi orbis Librum, ex lingua itidem Hispanica  
in Latinam traductum. Hispanià torà discursà in Belgium  
reversus est, & in eo usque ad annum septuagesimum com-  
moratus est, amicitia multorum præstantium Virorum  
usus, Boysotti, Brancionis, Laurinorum fratrum, Plan-  
tini, Raphelengij & aliorum. Hoc tempore ex sermone  
Italico in Latinum transtulit Antidotarium, ut vocant,  
Florentinum, quod anno LXVII. apud Plantinum edi cu-  
ravit. Anno verò LXXI. in Britanniam navigavit, indeq;  
redux biennio exacto ab Imper. Maximiliano II. Augusto  
Viennam Pannoniæ honestissimis conditionibus evocatus  
fuit, & numero familiarium aulicorum adscriptus, com-  
missa illi etiam Horti Cæsarei curà: In quo munere ad an-  
nos circiter quatuordecim duravit, in Summa Maximi-  
liani Augusti & Rudolphi F. existimatione ac gratia. Quo  
tempore Pragam unà cum Imp. Maximiliano profectus est;  
quo ibidem vità defuncto, à Rudolpho Successore pristi-  
num illi munus confirmatum fuit. Hungariam etiam, to-  
tamque Austriam peragravit. Britanniam etiam permissu  
Imp. iterum adiit: ubi in familiaritatem incidit generosissi-  
mi Viri Philippi Sidnæi, & Francisci Drake, a quo socijsq;  
ejus navalibus permulta didicit, quæ ad Exoticorum histo-  
riam spectant. In aula Cæsarea quamdiu fuit, totum in-  
vestigationi stirpium se dabat, ejusq; rei causa sæpissimè in  
vicinos Pannoniæ agros montesque excurrebat. Hyberno  
verò tempore, & quoties otium illi esset, assidue aliquid,  
quod ad studium hoc pertineret, commentabatur. Edidit  
enim anno LXXVI. typis Plantinianis, Hispanicarum stir-  
pium à se observatarum Historiam; præter Gartiae ab Or-  
ta Dialogos, Christophori à Costa Historiam Aromatum,  
& Nicolai Monardis Novi Orbis Simpl. med. Anno au-  
tem 83. Plantarum Pannonicarum observationes. Versa-  
bantur eodem tempore in aula Jo. Sambucus, Jul. Alexan-  
drinus,

drinus, Crato, Dodonæus, alijsq; non pauci Viri doctissimi; quos omnes amore sibi devinctos habuit. Patuit etiam illi aditus in multorum principum & illustrium Virorum amicitiam; inter quos potissimum colebat, maximèque familiares habebat Comitem à Serotin, & Baronem à Bathyan, Hungariæ Proceres. Aulicæ tandem vitæ pertæsus, anno LXXXVII. Francofurtum ad Mœnum concessit; ibique per annos fermè sex privatim egit, sibi que vixit: nisi quod interdum ad Principem Guilielmum Lantgravium comœare soleret: cui tantoperè acceptus fuit, ut annuo illum honoraret stipendio, tantoperè familiaris, ut eadem cum illo veheretur rhedâ, intimèque consuesceret. Complures etiam alios in hoc secessu, ut erat lenissimæ consuetudinis homo, comparavit sibi amicos, magni nominis regum ac principum legatos. Illic cùm esset, vertit è lingua Gallica in Latinam P. Bellonij Observationes, quas anno LXXXIX. publicavit addito ejusdem Bellonij libello de neglecta stirpium cultura. Demum anno XCIII. ab Academiæ nostræ Curatoribus honorificis litteris & stipendio invitatus, huc venit. Ita enim judicabant Viri prudentissimi, à tam clari hominis præsentia, non minimum splendoris Academiæ huic accessurum: nec opinione sua frustrati sunt: quamdiu enim apud nos fuit, quâ publicè quâ privatim utilis esse nullo unquam tempore destitit. Scripta sua omnia ad incudem hîc revocavit, extremamq; manum addidit, & in duos tomos digessit, titulis Historiæ Rariorum Plantarum & Exoticorum: additis etiam alijs quibusdam libellis, Epistolis & Observationibus. Nec solum scriptis æterna memoriâ dignis illustre reddidit Gymnasium hoc: sed quotidianis sermonibus omnes, qui ad ipsum ventitabant, erudiebat, benignèque omnia sua monstrabat atque communicabat. Adeo ut cui conferre cum illo liberet, non inter plantas versari, sed in Philosophiæ sinu quiescere sibi videretur. Erant quippe in hoc viro præter stirpium cognitionem exactissimam, complures aliæ & insignes dotes Linguarum præter Græcam & Latinam, Hispanicæ, Italicæ & Germanicæ callentissimus fuit: & qui Italiam nunquam viderat, optimè tamen illius gentis loquebatur & scribebat linguâ, Historiarum & Geographiæ peritissimus; memoriæ tam felicitis, ut quæcunque inter peregrinandum etiam minutissima quæq; observasset, ad unguem teneret & tanquam in numerato haberet. Pietatis in DEUM atque homines



homines non obscura reliquit indicia: Ipse cùm major natus esset, fratri tamen minori cessit ultrò feudo ac dominio Watenesij; exemplo nostris hisce moribus raro. Attritis præterea suorum ob bellum nostrum civile opibus, liberali manu subvenit ex eo quod frugali sua & cœlibe vita reliquum sibi fecerat: cibi enim potusque desiderio naturali, non voluptate, modus illi finitus erat; ab eorum ingenio procul, quorum corpora in sagina, animi in macie & veterno obtorpescunt. Tranquillitas porrò animi ac serenitas in illo incredibilis, quam longo usu sibi pepererat ex bona conscientia, rectis atque honestis actionibus, contemptu fortuitorum, placido vitæ & continuo tenore, unam eandemque perpetuo premente viam. Temporis tam diligens dispensator, ut nunquam deprehensus sit, extremâ etiam illâ ætate, quin aut legeret aliquid aut commentaretur. Amicorum cultor religiosissimus; quos illi plurimos omnis ordinis conciliavit, præter doctrinam, multa ejus atque rara virtus animique mansuetudo. Ita ut vix dies præteriret, quo non aut ipse litteras daret, aut ab aliis acciperet, etiam ex remotissimis regnis ac provinciis. Summis Principibus quanto in pretio quàmque carus fuerit, vel ex solis litteris eorum ad ipsum scriptus abundè colligere est; ita ut vix credibile sit, hominem privatum exterumque in tanta maximorum Virorum dignatione vixisse. Postremis annis duos ex amicis præcipuè observavit, Josephum Scaligerum & Vincentium Pinellum; quorum excessu ita bonus indoluit Senex, ut deinceps manifestè in pejus labi & à pristino vigore sensim remittere visus sit. Valetudo illi ab ineunte ætate varia, nec satis prospera. Francofurti in luxationem coxendicum incidit: quod incommodum eo solum nomine molestius ferebat, quòd non, ut ante, montes camposque invisere, plantasque indagare liceret. Herniosus etiam postremò factus est: sensibus alioquin integris ac mente. Visu tam perspicaci atque acuto, ut in extremo illo senio citra ocularium adjumentum optimè adhuc legeret, calamòque pingeret. Tandem longâ ætate & annorum decursu fessus, postquam jam expleisset annum octuagesimum quartum, extremum clausit CLUSIUS diem. Vir, absit invidia dictis, paucis conferendus, vita innocentissimus, ingenio florentissimus, proposito sanctissimus, & ut verbo dicam, prisci moris & ævi. Hic agnosco libens

libens divinam tuam, beate Scaliger, ac præſagam mentem. Recordor enim, cùm paullo ante obitum tuum Cluſius per internuntium ſeſe excuſaret, quod valetudine impeditus inviſere te ægrotantem non poſſet, reſponſiſſe te, viveret, valeret tantisper; brevi ſe viſuros iterum in beatorum ſede. Verus, ah nimium verus vates: quantulo enim tempore Cluſium præceſſit ingens illa anima? vix altero elapſo menſe ſidiſſimum ſuum ſequitur aſſequiturque Scaligerum Cluſius. Quàm forti verò ac conſtanti animo fatum ſuum excepiſt? quàm placidè ſupremum illud momentum & quàm avidè captavit? Quidni verò captaret homo in Chriſti Servatoris Schola enutritus, & in ſpem beatæ reſurrectionis erectus? Meminerat probè, animoq; ſuo procul dubio tuncolvebat dictum illud Jobi, conſolationis pleniffimum: Scio quod Redemptor meus vivit, & noviffimo die de terra ſurrecturus ſim; & rurfus circumdabor pelle meâ, & in carne mea videbo DEUM. Repoſita eſt hæc Spes mea in ſinu meo.

Talem tantumque Virum amiſimus, Auditores; cujus ſanè beatitudini uni nos invidere impium planè foret, ita rurfus noſtrum nos lugere caſum nulla vetat religio. Te quidem, ô beati Cluſi, ô fortunate Senex, non eſt, quod lugeamus, qui ſempiterna apud ſuperos jam fruere gloria: & apud nos in Summa nominis celebritate vixiſti, vivèſque etiam poſt fata æternum: eos verò attrigiſti annos quos noſtrum aliquis vix ſperare auderet. Et quid ſi non attrigiſſes? Noras mortalium conditionem, cui naſci contigerit, mori reſtare; intervallis nos diſtingui, exitu æquari: utque mori neminem contingit, qui non vixerit; ita nec vivere aliquem poſſe, qui non ſit moriturus. At verò noſtram nos dolemus jacturam, noſtrum totiusque reip. litterariæ irrecuperabile damnum. Lugeat Academia Cratevâ, Theophrasto, Dioſcoride ſuo orbata. Lugeat ſtudioſa juvenus, & Aſclepiadum ſoboles tanto rei Botaniæ reſtauratore ac patre deſtituta. Quin neque omnis intra loci huius ſepta conſiſtit dolor, claudique ſe patitur tam anguſto ſpatio: emanabat hinc in univerſam Europam, imo ad extremos Indos uſque diſfundet ſe longè latèque triſte hoc nuntium. Lugebit ipſa patens rerum Natura Myſten ſuum Cluſium, cujus ingenio atque induſtriâ, opes ſuas recluſas & tam accuratè deſcriptas paullo ante lætabatur. Quare exceſſiſti tu quidem à nobis, beate Senex, & ad authorem originis

tua

tuæ lætus reversus es, sed nobis omnibus desiderium tui reliquisti tristissimum, simulque memoriæ nominis tui nunquam interituram. Tua enim te monimenta, tua te Virtus, ac seriæ aliorum laudes, non levis hæc mea ac brevis prædicatio, perpetuè celebrabunt. DEUM Sospitatorum supplicibus votis oro, obsecro, obtestor, uti volens propitius sospitet Academiam hanc, tantisque circumventam luctibus expediat, & mala, quæ jam pridem plurima perpessi sumus, lætioribus aliquando compenset eventibus. Ita voveo, ita auguror. Dixi.

IN OBITUM  
Summi Botanici,  
**CAROLI CLUSII,**  
Epigramma.

**H**Oc sibi cum nullos superesse videret in orbe  
CLUSIUS ignotos flores, plantamve latentem,  
Quid moror in terris? dixit: quid inertia duco  
Tempora, natura & nostris inimica Camæni?  
Præstat ut Elysios nova quasiturus in hortos  
Gramina contendam, ac latè per amœna vireta  
Secessusq; vagans illic nova balsama mille,  
Mille novos avido carpam mihi pollice flores,  
Æternum facies quorum spirabit odorem:  
Vix ea finierat, tennes ubi vinctus in auras  
Elysium petiit celeris nemus alitis instar  
CLUSIUS & mediis se protinus abdidit herbis.

A L I U D.

**N**on potuit plures hic querere CLUSIUS herbas,  
Ergo novas campis quarit in Elysiis.

E P I T A P H I O N.

**O**Mnia Natura qui munera pectore CLUSIT  
CLUSIUS, herbifero clauditur hoc tumulo:

JACOBUS CLUSIUS,  
Med. Doctor.

E P I T A P H I U M

Divini Senis,

**CAROLI CLUSII,**  
Viri Clarissimi & rei herbaria principis,  
(B)

SCA.

**H**OSPES, se pulchrum quisquis aspicias nostrum  
 Hic aviternum crede ver in hâc urnâ  
 Croco rubente, flosculisq; spirare.  
 Ego ille saxo condor hoc, inexpleta  
 Quis mente dudum sciscitabar, in campis  
 Qua procreatrix vis inerret, & magnum  
 Hec corpus animet: qua libido portentet  
 Terram, serenâ nocte quum levi cælum  
 Humore torat, aut Favonius lasas  
 Florum papillas purpurantium sufflas.  
 Non studia vulgi me, nec aspera cura  
 Tenuere: non me mane togula sudatrix  
 Per inquietas divitum fores egit:  
 Sed, dum ferè omnes diligenter hic errant,  
 Ego inter herbas fusus, è domo Dis  
 Siccis capillis innocentiam prisce  
 Ruris reduxi. Sic mihi dies grati  
 Fulserunt: sic plus octies decem messes  
 Es tres peregi: quum nec interim suffis,  
 Malusve languor, nec gravedo me putris  
 Quassavit: oculos usque dum meos tandem  
 Dies supremus, viq; savior fatis  
 Graviores somno pressis, & semel longam  
 Dormire noctem iussit, heu nimis longam  
 Hæc ista vita est fixa: quam licet dudum  
 Fugisse jam viderer, haud tamen fugi.  
 Feramus, hospes, hac acerba. Debentur  
 Majora mortis corpora. Illa, quam stare  
 Suâ putamus inole, jam labat terra  
 Nutatq;. Nata qua fuere non mirum est  
 Perire; perit hoc, ecce, quod fuit semper.

PETRUS CUNÆUS.

In tumultum CLUSII.

**C**um Clusi corpus tumulo Natura locaret,  
 Quem mœrens manibus fecerat ipsa suis,  
 Ingemuit, tollensq; manus ad sidera, Terra  
 Hoc peperit, cælum cætera, dixit, habet.

\*\*\*

\*\*\*

\*\*\*

**Q**ui videt hos flores tumuli de vertice nasci,  
 Hæc cineri tellus ultima dona dedit.

O bene



O bene, quod tumulo claudatur Clusius isto!  
 Qui coluit flores, floribus ille jacet.

JANUS RUTGERSIUS.

SCRIPTA.

**Anidotarium Florentinum**, five de exacta componendorum Medicamentorum ratione libri tres, ex Græcorum, Arabum & recentiorum Medicorum Scriptis à Medicis Florentinis collecti, & à Carolo Clusio ex Italico sermone Latini facti: *Antverpia 1567. in 8.*

**Aromatum & simplicium Medicamentorum apud Indos nascentium historia**, à Gartia ab Horto Lusitanicè scripta, à Car. Clusio latinitate donata, & Iconibus notisque illustrata: *ibid. 1574. Castigator & auctor ibid. 1593. in 8.*

**Aromatum & Medicamentorum in Orientali India nascentium liber** Christophori à Costa, à C. Clusio ex Hispanico sermone latinus factus, & notis illustratus: *ibid. 1574. auctor & castigator 1593. in 8.*

**Aliquot stirpium & Plantarum per Hispaniam observatarum historia** libris duobus expressa: *ibid. 1576.*

**Rariorum aliquot stirpium & plantarum per Pannoniam, Austriam & vicinas quasdam provincias observatarum historia**, IV. libris expressa: *ibid. 1583. in 8. 1601. in fol.*

**Observationes Medicæ Petri Bellonij** è lingua Gallica in latinum conversæ, cum ejusdem libello, de neglecta stirpium cultura: *ibid. 1589. Lugd Batav. 1605. in fol.*

**Aromatum & Simplicium Medicamentorum ex novo orbe delatorum historia**, Hispanicè à Nicolao Monarde, Medico Hispalensi, scripta, à Carolo Clusio latine reddita, notis & iconibus illustrata: *Antwerp. 1593. in 8.*

**Vitæ Hannibalis & Scipionis** à Donato Acciaivolo Latine editæ, in sermonem Gallicum conversæ: *ibid. in 8.*

**Tabula Chorographica Gallix Narbonensis.**

**Nicolai Clenardi Epistolarum libri duo** in 8.

**Exoticorum libri decem**, quibus animalium, plantarum, aromatum, aliorumque peregrinorum fructuum historiæ describuntur: *Antverpia 1601. in fol. Lugd. Bat. 1605. 1613. in fol.*

(B) 2

Curæ



Curæ posteriores, seu novæ descriptiones plurimarum non ante cognitarum aut descriptarum stirpium peregrinorumque aliquot animalium. *Lugd. Bat. 1611.*  
in 4.

Galliæ Belgicæ Chorographica descriptio posthuma: *Ibid.*  
1619 in 8.

## ORATIO FUNEBRIS

In obitum

CL. V.

# D. ERNESTI SONERI,

Philos. ac Medic. D. & in Acad. Norimberg.  
Altorfina Profess. laudatiss.

Recitata XV. Cal. Jun. Anno 1613.

GEORGIO RICHTERO, Norimb.

**S**I quantum in viris claris de omnibus benè merendi in hac vita desiderium esse solet, tantum in memoriâ eorundem vitâ functorum celebrandâ studium posteritatis esse debet: Neminem vestrum, Auditores, Amplissimi, & Nobilissimi inclutæ Reipub. Norimbergensis Senatores, Rector Magnifice, Generosi Domini, Reverendi, Clarissimi, Excellentissimi, & Doctissimi Professores Academiæ hujus, Studiosa juvenus Nobilissima, & Ornatissima, neminem, inquam, vestrum esse arbitror, qui non ERNESTUM SONERUM, virum de Academiâ hac, & quam plurimis alijs, præclarissimè meritum dignissimum judicet, cujus memoria voce, & encomio viri alicujus Eloquentissimi posteritati consecratur: animo verò non parum commoveatur, quod qui tale defuncto officium pro merito præstare, & vellent, & posset, reperiri nondum potuit. Omnium siquidem bonorum votum istud esse perpetuo cognovi, ut quod virtuti debetur, eidem cumulatè & largiter persolvi cupiant, & supra quàm dici potest, moleste ferant, si videant labori honestissimo præmia non respondere.

Præ-

Praemium verò defunctorum virtuti quodnam majus aut amplius propositum esse potest, quàm memoria vivorum & grata illius post mortem praedicatio, quæ hoc praestat, ut per gloriam in perpetuum vivere existimentur, quorum præter nomen fortassis & desiderium in terris nihil planè superest?

Quamvis autem ipso statim die exequiali Magnificus Dn. Rector Academiae hujus proposito publicè programme, & alij quoque viri Clarissimi, nec non juvenes nonnulli eruditi ingeniosissimis Epicedijs suis id ipsum præstitisse videri possint: in quibus nec vulgariter laudatus defunctus, & præterea jactura tanti viri graphicè admodum, velut in tabellâ, depicta omnium oculis proposita fuit: Illud tamen à multis adhuc desideratum animadverti, ut vitæ defuncti historia per partes omnes tanquam Mimus vel Comœdia per actus & scenas suas ab aliquo explicaretur. Quæ res quum non tam ingenij sit, quàm operæ & laboris, & majoris quidem laboris, quàm ut ijs imponi debeat, qui vel publicis, vel privatis occupationibus urgentissimis distinentur, facilè ijs, quos paulò ante laudavimus, excusationem præstat. Cui illud quoque accedit, quod sicut factorum omnium incerta, varia, atq; diffusa natura est: ita quæ de defuncto infra à nobis commemorabuntur, non nisi cum labore & temporis aliquo tractu à nobis per vestigata, & ex paucorum notitia velut eruta sunt. Erat namq; defunctus ab omni vana ostentatione & jactantia alienissimus, & sicut de se modestissimè sentiebat, ita de itineribus suis & alijs, quæ ad laudè ipsius pertinere omnes consentiunt, rarè vel nunquàm etiam inter familiarissimos sermonem instituebat. Qua ratione effectum est, ut in tanta plerorumque ignoratione nemo id in se suscipere operis voluerit, in quo vel colligendo, vel perficiendo maximis cum difficultatibus conflictandum ipsi foret. Mihi verò quum per amicitiam, quæ cum cognatione ipsius mihi intercedit, non pauca innotuissent eorum, quæ ipse strenuè ad alios dissimulabat: nec pauciora ex ipso, aliud tamen agentis, relatione & consuetudine quotidiana (quæ de quoad vixero gloriari non desinam) excepissem, non exigua necessitas postulare videbatur, ut quæ soli ferè cognita essent, cum pluribus communicarem, & ab oblivione, quantum in me esset, vindicarem. Debebatur hoc memoriæ hospitis: debebatur memoriæ præceptoris: debebatur reverentiæ sanctissimorum nominum: de-

(B) 3

bebatur

bebatur meritis & beneficiis ejus, qui naturam appellatio-  
num omnium, quæ ab officio & amicitia originem ducunt,  
longè supergressus, consilio & adjuvandi promptitudine, non  
amicum, vel fautorem, vel patronum, sed parentem se mi-  
hi præstitit. Quorum proinde tanta vis & efficacia extitit,  
ut clausis, quod dicitur, oculis ad hoc velut sacrificium  
pertractus, pudoris verò mei & infantia penitus oblitus,  
hunc locum conscenderim, quem non nisi disertissimis  
antea paruisse memineram. Parum namque arbitratus  
sum pudore suffundi propter eum, pro quo si vitam & san-  
guinem profudissem, parum gratus adhuc discipulus haberi  
possem. Laudare præterea defunctum non artis vel facun-  
dia, nec auctoritatis, sed affectus & benevolentia: in di-  
scipulo verò gratitudinis esse persuasum semper habui,  
quam si in concionem asferrem, venia dignum esse, nisi ir-  
risionem pro laude quandoque amplecti vellemus. Quæ  
rationes si non absurde Vobis videntur, Auditores omnium  
ordinum præstantissimi, nihil aliud reliquum est, quam ut  
Vos quoque studium hoc meum erga præceptorem optimè  
meritum adjuvare benevolentia vestra, mihi quæ breviter  
SONERI vitam percurrenti unius semihorulae usuram  
haud gravatè concedere dignemini. Quod ut faciatis, de-  
bita cum observantia & amanter universos & singulos oro  
atque obtestor.

Quando autem sapientissimis hominibus quovis tempore  
absurdum visum est, ei, qui suis ac propriis laudibus abun-  
dat, adventitia præconia dicendo conquirere, non immora-  
bor hoc loco in ijs, in quibus amplificandis alij multi esse so-  
lent, quæque ut primam felicitatis partem, ita & primum in  
hoc genere orationum caput plerumque constituunt, patriæ  
claritate, Nobilitate, veteri majorum gloria ac dignitate. Et si  
enim ea heic quoque verè deduci à nobis possent: (patriam  
enim nactus est ERNESTUS SONFRUS urbem totius  
Romani Imperij facile principem Norimbergam: patrem  
verò habuit MARCUM SONERUM, civem ac virum  
præstantissimum, cujus virtus egregia vel hinc æstimari  
potest, quod à gloriosissimæ memoriæ Cæsare MAXIMI-  
LIANO II. unà cum tribus fratribus germanis, JOAN-  
NE, MATTHÆO, & GEORGIO SONERIS, omni-  
bus, quibus Nobiles nati gaudere solent, privilegijs donatus  
est) Attam (nam quia SONERUS noster non tam quod ma-  
gnæ urbis civis esset, gloriari, quam ut eidem olim orna-

mento



mento esse posset, omnibus animi & ingenij viribus contendere solebat, longèque pulchrius splendorem patriæ dare, quàm ab eadem mutuari judicabat: idcirco his & similibus omiſſis, ad alia huic instituto magis convenientia, vobis jucundiora, & defuncto magis honorifica transibimus. SONERUS ergo noster, (heu non amplius noster!) quum vix primam infantia ætatem accessisset, statim penè puer arduum illud ad virtutem & eruditionem iter ingressus est, nec ab eo postea ulla se laborum asperitate, ullavè voluptatum illecebrâ revocari passus est: Sed postquam prima literarum fundamenta laudabiliter Norimbergæ jecerat, summis atque assiduis precibus à parentibus, ut se Altorfium, velut ad bonarum artium mercatum & Panegyrim quandam ablegarent, contendit: ibi enim se illarum, quas summo animi complectebatur ardore, artium ac virtutum jacta fundamenta non tantum absolvere, sed & absolutis præclarum quoddam ac splendidum ædificium superstruere & inædificare posse sperabat. Nec spes eum fefellit. Anno enim ætatis quinto & decimo Altorfium à parentibus missus, tanta animi contentione atque alacritate in literarum curriculo perrexit, ut brevi ab inferiorum classium, quas vocant, ordine ad superiora publicarum lectionum subsellia promotus, omnes postea suos æquales, & ingeniosos diligentia, & ingenio diligentes superarit: quæ mirifica ipsius, & ad omnem virtutis ac doctrinæ laudem excitata indoles, quum Amplissimis Academia hujus Scholarchis innotuisset, nullâ morâ interpositâ in alumnorum numerum receptus est: in quo quum per quadriennium ferè ita se gessisset, ut paucos in morum ac literarum profectu haberet æquales, superiorem certè neminem, hujus eximie suæ industriæ eximium quoque tulit præmium & aureo, ut appellant, stipendio ab Amplissimo Senatu Norimbergensi donatus est. Inprimis autem inferiorum artium cognitione jam probè imbutus, ad Philosophiam ac Medicinam animum appulit, in quibus brevi tantos progressus fecit, quantos hodie in illis, qui diu jam ista tractarunt, non dicam non reperires, sed nec requireres quidem. Cæterum quia non facilè pervenitur eò, ubi ipsa habitat sapientia, certè sine ducibus perveniri non potest: summum Naturæ genium Aristotelem, sive potius ipsam alteram Naturam, sicut eum Julius Cæsar Scaliger appellare solebat, Ducem sibi ad superandam itineris hujus difficultatem delegit:

hunc diurnâ nocturnâque versavit manu : ad ejus mentem rectè percipiendam non modernorum rivulos, sed ipsos antiquorum fontes consecratus est : persuasum enim sibi habebat juvenis solidæ eruditionis cupidissimus, se non aliter eruditum fieri posse nisi juxta præceptum Oraculi Philosopho Zenoni datum, concoloraretur antiquis : heic namque solida Sapientiæ fundamenta inveniri, heic profanis inaccessa Philosophiæ mysteria pandi, heic limpidissimos Sapientiæ fontes fluere : à quibus ut nunquam discedere vellet, præceptorum ipsum cum primis auctoritas, ipseque usus magister monebant. Qua quidem ratione consequutus est, ut jam tum in illâ ætate, quæ quibusvis potius studiis, quàm spinosis istis & salebrosis delectari solet, plurimas inusitatæ cujusdam scientiæ significationes dederit, omnesq; commilitones suos longissimo post se intervallo reliquerit, qui omnes juvenis acumen satis admirari non poterant. Ante alios verò **PHILIPPUS SCHERBIUS**, vir omni laude & admiratione major, excellenti indole istâ perspectâ, & eruditione supra annos captus, **SONERUM** nostrum singulari amore complecti capit, qui cum temporis progressu auctus, incredibile quantum & ad famam, & ad dignitatis, quæ postea sequuta est, amplificationem juveni optimo profuit. Huic igitur Magister optimus admirabilem quandam rationem, quæ ad veræ Philosophiæ ac Medicinæ cognitionem duceret, commonstravit, dignum namq;prehendit : huic multa Philosophiæ arcana revelavit, quia capacem invenit : hunc è multis unum (quod tamen citra cujusquam contemptum dictum volumus) vivus sibi successorem delegit : inter omnes enim maximè idoneum cognovit, tantique discipuli sui eruditionem atq; ingenium fecit, ut jam tum Academiam nostram hoc cive beatam prædicaverit : Eundem aliâ vice invidendo præconio publicè in maximâ doctissimorum hominum frequentia ornavit, quali neque antè, neque etiam post ullum commendare auditus est. Quum enim de sanguinis missione, sub ipsius præsidio, quod vocant, juvenis disputaret, & in eo certamine pulcherrimè staret, conversus ad eum : Nunc quidem (ait) SONERE Respondentis munere perfunctus es, Ego autem præsidis : in posterum præside amplius non indigebis, sed ipsemet cathedram hanc superiorem aliorum præses conscendes. In studio porro Philosophiæ **SONERUS** è tandem progressus est, ut ætatis suæ anno 23. summum in illâ honoris gradum cum laude



laude maximâ consequutus, & publicè ab Eloquentiss. Viro  
 GEORGIO GLACIANO Magistri titulo condecoratus  
 fuerit : quem tamen honorem quum jam impetrasset, non  
 statim ut hodie solent, Philosophiæ valedixit, sed quam se-  
 mel amare cepit, eam perpetim & constanter amare in ani-  
 mum induxit, vel versiculo græco admonitus : *ὅτι ἐστὶ ἐραστὴς,  
 ὅστις ὅκ ἀεὶ φιλεῖ* : h. e. *non est amator, perpetim qui non amat.*  
 Quare honore isto velut stipendio auctoratus, novum quo-  
 que in se laborem suscepit, singulisque septimanis singulas  
 disputationes physicas, in quibus ipse præsidis vice functus  
 est, privatim habuit : id quod & in Medicinâ postea tenta-  
 vit, parique cum laude perfecit. In his autem quum se ali-  
 quandiu Alcorij exercuisset, sibiq; ad studiorum cursum fe-  
 liciter absolvendum nonnulla ex aliarum quoque gentium  
 Scholis petenda esse perspicere : ( non enim latebat eum,  
 quam longinquas sæpè summi Philosophi ad verem sapien-  
 tiam inquirendam peregrinationes suscepissent ) noluit in  
 hac quoque parte quidquam in se desiderari, vel segnitiam  
 quorundam & ignaviam imitari, qui Hesiodum illud per-  
 petuò in ore habent : *ὀκρί βέλτερον εἶναι, ἐπεὶ βλαβερόν το θύ-  
 ρηφι* : h. e. *Esse demipraestat, quia damnosum foris esse* : quod  
 iphus consilium Fortuna quoque adjuvit. Quum enim &  
 eruditione suâ insigni, & morum gravitate, quam humani-  
 tatis condimento prudentissimè temperare noverat, omni-  
 um, quibus cum vivebat, animos sibi conciliasset, inter alios  
 quoque eruditionis atque virtutis suæ æstimatores reperit  
 duos Nobilissimos adolescentes patriciâ familiâ natos, Dn.  
 CHRISTOPHORUM FÜRERUM ab Haimendorf, Du-  
 um Viri & equitis aurati (cujus defuncti laudes ante bien-  
 nium ex eodem hoc loco à SONERO celebrari summâ cum  
 admiratione audivimus) filium, nunc Senatorem inclutæ  
 Reipub. Norimbergens Ampliss & prudentissimum : & Dn.  
 CHRISTOPHORUM SCHLAUDERSBACHIUM,  
 dicasterij ibidem laudatissimi assessorem, quos singularis  
 honoris causa nomino : qui de consilio parentum & tuto-  
 rum, hunc è multis unum humanioris Philosophiæ præce-  
 ptorem sibi præfecerunt, eumq; itineris Belgici, Britannici,  
 atque Gallici comitem adsciverunt. Quibus cum relictâ  
 patriâ primùm Hamburgum pervenit : ubi cum paucos dies  
 commorati fuissent, inde Ambstelrodamum maritimo,  
 omnibusque consueto itinere petere constituerunt. Ve-  
 rum vix naves conscenderunt, quum tanta ex improvviso,

(B) 5 tamque

tamque pertinax tempesta orta est, *phreneticis illis Septentrionis filius* ( ut ait poëta ) per dies complures liberius bacchantibus, ut ipsum Ulyllem aut Æneam in majori discrimine fuisse negasses: omnes extremum sibi diem illuxisse putabant: omnes salutem suam DEO commendabant, qui tandem in portum quendam salvos atque incolumes deduxit: parum tamen absuit, quin eo periculo liberati, ex Scylla in Charybdin incidisse viderentur, idè quod portum illum, in quem ventorum intemperies eos detruserat, totum lue & pestilentia infectum fuisse postea cognoverunt: quare per Frisiam Ambstelrodamum proficisci coacti sunt. Huc quum tandem pervenissent, curatis prius corporibus, nihil antiquius habuerunt, quàm ad nobilem illam Batavorum Academiam Lugdunensem ad tempus divertere. Ubi in luce Clarissimorum hominum splendidum illud Sophiæ lumen S O N E R U S diu latere non potuit, quin rerum, quas Altorfii sibi comparaverat, pretiosissimarum thesaurum explicans atque evolvens, eximia illa ingenii sui dona nullo negotio omnibus non sine stupore approbaret, clarusque virum volitaret per ora. Et quid multa? indoctior habebatur, qui in tam egregij juvenis familiaritatem non quovis modo se insinuasset. Quare quum certatim ad ipsum omnes confluerent, & vel docentis vel disputantis ab ore penderent, singulari quoque favore & prærogativâ in publico dignus judicatus fuit: ut quum opposcentes ( quos vocant ) alii, horæ dimidio lapsò pro more Lycæi illius silere, & alius locum dare præconis voce juberentur, ipse solus, nemine interpellante, omnium tam doctorum quàm auditorum summo consensu atque silentio usque ad finem disputationis audiretur. Novus jam ibi exortus videbatur Aristoteles, omnesque Altorfianam præcipuè Scholam tanti ingenij nutricem & altricem in cælum lapidibus vehebant: multi quoque quum verum nomen ignorarent, doctum Germanum per Excellentiam appellabant: adèd in admirationem & amorem sui omnium mentes converterat. Heic quoque principibus in re literaria viris, Josepho Scaligero, Jano Dufæ, Philippo Marnixio, inter Medicos Johanni Heurnio: Carolo item Clusio, Paulo Merulæ Historico magno, alijsque Scholæ istius Doctoribus innotuit: hos docentes sedulò audivit, omni que honore affectit, vicissim ab illis dilectus & honoratus. Num verò noster SONERUS hac laude contentus, domum se statim

statim recepit? aut otio præconium istud corripit? dotes has animi humi defodit aut sepelivit? Immo, quod magnæ & excelsæ indolis proprium est, ut nullas à virtutis atque Sapientiæ studio ferias sive vacationes noverit: declaravit reipsa, se tam præclaris summorum virorum de se judiciis, non tam ad quietem invitari, quam ad altiora conscendenda incitari. Itaque quum in celeberrimo illo literarum emporio, quas secum intulerat merces non pœnitendis accessionibus Philosophiæ magnarius negociator collocupletasset, alias porro regiones cum socijs invisere constituit, & Hollandiâ relictâ in Britanniam venit: ubi toto terrarum orbe celeberrimam Reginam Elisabetham vidit: Oxoniensem Academiam, & metropolin Angliæ urbem Londinum per aliquod tempus frequentavit. Retro inde in Galliam trajecit, ubi perlustratis urbibus, Rothomago, Lutetiâ Parisiorum, Aureliano, & Avarico Biturigum, cujus Academiæ aliquandiu civis fuit: item Lugdunensi ad Confluentes Rhodani & Araris emporio: visis quoque & relictis à tergo Avenione, Massiliâ, aliisque nobilioribus Galliæ civitatibus, tandem se in Italiam penetravit: ubi in limine statim Genua hospitem nostrum excepit, dehinc Mediolanum: post illa, quò toto animo ferebatur, longè nobilissimum toto orbe Lycæum Patavium. Verùm quo minus id statim ageret, cujus rei gratiâ eò venerat, itineris ratio & consilium obstabant, quæ ut uno quasi protello & nusquam interquiescente remigio cæteras quoque Italiæ urbes præterveheretur, suadebant. Igitur Ferrariam primum, deinde Bononiam profectus est: hinc Appennini juga altissima superavit, Florentiam & Senas accessit, donec Romam caput Urbium & Orbis ingressus, non tam ea, quæ vulgus peregrinantium solet, admiratus est, quam nimis pauca veteris Romæ vestigia, immò vix umbram illius hodie superesse, deploravit. Itaque dolbre potius quam voluptate ex spectaculo Dominæ Urbis affectus, regni florentissimi metropolin Parthenopen sive Neapolin petijt. Propè eam Pausilypum montem, aliâq; loca adjacentia Naturæ miraculis & antiquorum monumentis celeberrimâ perlustravit: heic Vulcani forum ardens, heic canum, quod vocant, antrum, & propter illud Avernum lacum: heic Ciceronis villam Academiam dictam, & Virgilij Maronis, nec non Actij Sincerij Sannazarij tumulos: præterea specum, in qua Sibylla Cumæa olim vaticinata perhibetur, & Apol-

linis



linis templum, de quibus antea vel legerat aliquid, vel audierat, suis ipse oculis usurpavit: quæ sola tanti esse judicant talium periti, ut nemini sumtuum in hoc iter impensorum facile poenitere debeat. Ad istum ergo modum, quum ducentorum ferè milliarium Germanicorum iter in Italiâ emensus esset, Patavium reversus est: ubi quantâ alacritate urserit jam olim coeptum studium Medicum, cui unice ibi deditus fuit, maximorum in eâ scientiâ luminum favore & benevolentia provectus, nemo, opinor, facile expresserit, nisi lucubrationes quoq; & vigilias ipsius ac sudores in conspectum Vestrum adducere posset. Jamque exacta laudabiliter per studium & laborem juvenus aurem nostro pervellicabat, ut de præmio laborum consequendo & patriâ re-  
petendâ serio cogitaret. *Gloria namq; superbiam.* (ut quidem recens, sed gravis pronunciat auctor) *virtute partam*  
*“jungere inde is bona est.* Quare ex Italia Basileam Rauracorum veniens, Doctoris in Medicinâ insignia atque titulum summâ cum laude adeptus, pauloque post Norimbergam in patriam dulcissimam delatus est, annos octo & viginti natus. Heic verò præclara illa virtutis atque doctrinæ semina, quæ diu ille atque diligenter subacto animo colue-  
rat, omnique ratione foverat, ipsa se efferre primum, & fructus expectatione majores patriæ polliceri incipiebant. Nec mirum, ut qui à puero ad alienam utilitatem omnia studia sua retulisset, patriæ præcipuè, se suæque omnia consecraret, eique ingenij opes immenso labore partas, non tam ostend-  
raret, quàm fruiendas præsentaret & offerret. O felicem & fortunatam patriam, quæ quem prima nascentem gremio atque sinu tuo excepisti, eadem adulti primos industriæ fructus percepisti! O summis laudibus afficiendam alumni gratitudinem, qui quò se tantâ patriâ dignum redderet, nullam sibi curam defugiendam, nullum laborem omittendum, nullum studium detrectandum putavit, sed omnia ut inserviret patriæ, alacriter suscepit, suscepta continuavit, continuata laudabiliter perfecit! Multo eo tempore, Auditores, eximij Norimbergæ florebant Medici, scientiâ ac cognitione rerum medicarum, prætereaq; usu & exercitatione excellentes: in quorum collegium ille magno omnium consensu statim receptus est, omnia maxima in SONERO mirantium. Quæcunque enim in Medico inesse oportet, in hoc nostro abundè erant, vel a multis fatentibus: Scientia, inquam, artis Medicæ, Fides, Auctoritas, & Felicitas. Et

de Scientiâ quidem rei Medicæ, quomodo dubitari potest in eo, qui non tantum Altorfij juvenis summo studio atque animi ardore Medicinæ operam dedit, summosque, quod plurimum certè ad solidam eruditionem consequendam momenti habet, in eâdem duces ac præceptores nactus est, verum etiam totum illud tempus, quo exteras regiones peragravit, in eodem studio consumpsit? Plures rarorum morborum casus extra patriam vidit, quàm alij fando acceperunt: plures in itinere herbarum species collegit, quàm cæteri descriptas ab alijs cognoverunt: pluribus periculosissimis curationibus interfuit, quàm alij concupiverunt. Nec ullum genus morbi reperiri potest, in quo non exercitatissimum habuerit ingenium. Testantur hoc plurimi tam Norimbergæ quàm in hac Academia, alijsque vicinis locis superstites, qui gravissimis sæpè ac penè desperatis morbis ipsius operâ liberati, nihil ferè in Medicinæ usupositum esse affirmant, quod hujus viri scientiam fugerit. Fidei verò ipsius quæ potest par oratio inveniri? Quis unquam hac virtute ipso, non dicam superior, sed par aut æqualis fuit? Ad ægrotum accersitus, non multis ambagibus uti solebat, non diversis novisq; quotidie medicamentis ægrotum fatigabat: quod non aliunde, quàm à judicii præstantissimi bonitate esse agnoscitis, ab initio statim morbi, quis ejus progressus, quis finis futurus esset, subtiliter conjicientis & prædivinantis. Suprema ipsi lex salus decumbentis, & cogitationum omnium scopus unicus fuit. Semel si quem curandum suscepisset, eum nunquam postea, quæcunq; etiam difficultas incideret, deseruit. Morbum nullum horruit, nec contagium timuit, dum salutem hominum procuraret. Cujus rei argumentum luculentissimum calamitas viri Excellentiss. D. NICOLAI TAURELLI p. m. præbere nobis potest. Hic enim quum ante sexennium lecto affixus à morbo pestifero detineretur, à consilio, à amicis, à medicamentis omnibus imparatissimus: SONERUS noster sui perpetuò similis impium se fore existimavit, si hunc olim præceptorem, nunc collegam suum in tantâ necessitate destituisset. Quare singulis diebus sæpius eum accessit, medicamenta ipse præparavit & applicuit, nec citius ille Taurellum, quàm Taurellus hunc mundum reliquit. Non eum uxoris amor, non liberorum charitas, non innata omnibus propriæ vitæ cura ab officio retraxerunt, quem

pietas



pietas in proximum, quam cum ipso matris lacte suxerat, ita adversus mortis metum omnem confirmabat, ut mortem per decus in functione & statione, in qua DEUS nos collocavit, obitam, quavis vitâ jucundiolem, vitam verò per metum & ignaviam retentam, quavis morte pejorem graviolemque judicaret. Orarum & commendabile amoris atque fidei exemplum! O beatum Te atque felicem, Taurelle, tali tamque pio discipulo atque collegâ! Rarus profectò hic, Auditores, hodie Medicorum amor est, SONE-RO tamen nostro ita ingeneratus, ut articulatim concidî atque comminui mallet, quàm à laudabili ista vitæ consuetudine, vel latum unguem, quod dicitur, discedere. Porro de auctoritate Medici nostri quid attinet multa commemorare, quum, quibus ea paratur, rebus instructissimum fuisse paulò supra demonstraverimus? Illud tamen silentio prætereundum minimè est, non paucos vixisse, & adhuc vivere viros egregios, apud quos tantum S O N E R I nomen & auctoritas valuit, ut ex solo ipsius conspectu & præsentia levationem non modicam dolorum & molestiarum in morbis se sensisse constanter asseveraverint, certè hoc persuasissimum semper habuerint: inter quos aliquot summo loco natos nominare possem, qui morti valdè vicini, hujus absentis opem singulari cum fiducia, donec spiritum exhalarent, imploraverint & præsentiam expetiverint. Ad ultimum, quod in Medico requiri diximus, Felicitatem videlicet, accedimus, quæ licet ejusmodi sit, ut nullus Medicus eam sibi tanquam certam aliquam possessionem spondere vel possit vel debeat ( quæ à solo bonorum datore DEO relictè & petitur & datur ) minimè tamen reprehendendi sunt, qui illam in hominibus, quos divina bonitas tali munere tamque excellenti dignos judicavit, semper magnificerunt, & manifestum divinæ gratiæ argumentum interpretati sunt. Felicitatis igitur insignis in curationibus S O N E R I nostri testimonia ista proferre possumus, quòd multò plures, quos ipse ægrotos accessit, etiam gravissimis morbis oppressi, fanitati fuerunt restituti, quàm vel morte consumti, vel sine spe ullâ in pristino morbi statu relictî: quòdque plura ab ipso rara & inusitata morborum genera, in quibus præter Medici & Naturæ operam, Fortunam, ut profani homines appellant, ut nos, DEUM singulari quadam ratione cooperari oportet, quàm ab alijs vulgata curata fuisse, multis exemplis doceri potest. Ex quibus tamen unicum nunc,

nec

nec perinde alijs notum attulisse suffecerit : quod quum vix è peregrinatione in patriam reversus esset, ibique artem medicam exercere cœpisset, quendam ex cognatis, qui hodieq; valet ac vivit, cum quatuor atrocissimis & planè contrarijs morbis conflitantem summo omnium cum stupore, extinctis tam inter se, quàm hominis hostibus morbis, intra unius mensis spacium pristinae valetudini feliciter restituit. Sed quia timidè & breviter dicendum est de his, quæ ratione nobis inperscrutabili, DEI potius voluntate, quàm hominis ministerio perficiuntur, ideò desino, & ad alia pergo.

Atque his quidem adminiculis SONERUS noster suffultus, Norimbergæ primùm artem Medicam factitavit, magnamque inde laudem apud plurimos consequutus est : Quum eodem tempore, anno nimirum à Christo nato supra millesimum sexcentesimo quinto is, quem supra laudavimus, vir maximus in Philosophia & Medicina PHILIPPUS SCHERBIUS vitam hanc miseram & calamitosam, & unà Academiam istam reliquit, in cœlestem Academiam translatus. Non diu de idoneo successore deliberatum fuit, sed quem vivus ipse designavit, eum comprobante iudicium defuncti Amplissimo Dominorum Scholarcharum ordine, post mortem successorem habuit, SONERUM, inquam, nostrum : qui proinde statim Norimbergâ relictâ Altorfium cum uxore lectissimâ profectus est, & vivorum juxta ac mortuorum de se judicia adventu suo rata habuit. Heic ego jam Ulysseum aliquod aut Tullianum Eloquentiæ flumen mihi inesse optarem, quo excellentiam novi Professoris & Doctoris nostri inusitato quodam dicendi genere comitari, & quemadmodum unà cum honoris ac dignitatis amplificatione, ipsius semper virtus & eruditio accreverunt, sic meam quoque in explicandis ejus laudibus quasi per gradus attollere orationem possem. Verùm quum optare hoc fas sit, consequi autem non liceat, una hæc infantiam meam solatur consolatio, quod apud Vos, Auditores honoratissimi, me dicere animadverto, qui eorum, quæ præclarè in hac Academia SONERUS vel docuit, vel commentatus est & scripsit, non testes modò atque auditores, sed etiam admiratores semper fuistis. Qua consolatione erectus, quæ de SONERI vitâ Academicâ supersunt, qua potero, brevitate pertexam, eandem, quam hæctenus præstitistis, à Vobis attentionem expectans.

Primùm autem illud nequaquam præterire debeo, quòd  
in

in decoranda hac sua Sparta, nihil unquam ille prius, nihil antiquius habuit, quàm ut spei de se conceptæ ab Amplissimo Magistratu suo satisfaceret, Clarissimis Dominis collegis suis placeret, Studiosis autem auditoribus quàm plurimum prodesset: quem sibi præfixum scopum tam feliciter attingit, ut brevi summam Amplissimorum hujus Academiae Curatorum in eligendo prudentiam, exquisita sua in hoc munere perfungendo industriâ comprobarit. In docendo hoc in primis semper spectavit, ut auditores suos non vanis aut inanibus recentiorum altercationibus detineret, sed qua firmo ac immoto veritatis fundamento niterentur, è veterum Philosophorum ac Medicorum scriptis deprompta traderet, eaque perspicuo & accommodato sermonis genere illis proponeret: quibus in rebus ita excelluit, ut nullo hac laude inferior discefferit. Obscura si quæ occurrebant, evidenter illustrare: confusa ac perturbata disponere, & in ordinem convenientem redigere probè callebat: multa quæ à plurimis absurda Galeni & Aristotelis dicta arguebantur, egregiè vindicare, & non tam à veritate, quàm à plerorumque prava interpretatione aliena esse, eruditè demonstrare noverat: quin & ea, quæ tanquam manifestè falsa & *adversæ* prorsus nonnulli inducenda censebant, ille inter maximè perspicua, rei quæ veritati congruentia reponenda Achilleis argumentis pervincebat. In disputationibus, quàm acutus & subtilis, quàm perspicuus simul & gratus auditoribus fuerit, Vos, Vos, inquam, Viri Excellentiss, Vosque juvenes Ornatissimi meminisse potestis, qui sæpè divinum hujus Viri acumen tam de Medicorum quàm Philosophorum controversijs disputantis nec admirari satis, nec apud alios deprædicare potuistis. Non vulgaria ille, non trita aut cuiusvis obvia in disputationem problemata vocavit, sed quæ rara, quæ difficilia, plurimisquæ incognita, excutienda proposuit: Nullam materiam disputandam suscepit, quam non contra omnia antagonistarum tela ad miraculum usque acutè defenderit: Omnium oculi in illum erant defixi: omnium animi suspensi, & ad novi aliquid discendum erecti. Neque tantum auditores Philosophiæ & Medicinæ summo hoc duce ac Magistro suo vehementer exultabant, sed plurimi etiam ab exteris nationibus, ad quas Clarissima SONERI fama pervenerat, in hanc Academiam advolabant, diuque sæpè ut avidum suum exquisitæ doctrinæ animum ex hujus viri penu saturarent, apud nos commorabantur.



bantur. Assiduo namque & indefesso studio tam familiares sibi partes omnes Philosophiæ reddiderat, ut non immeritò, quemadmodum vulgò, ubi Imperator, ibi & Roma esse dicitur: Sic ubi SONERUS fuit, eodem in loco Philosophiam habitasse dici potuerit. De Eloquentia ipsius quid addam? Ipsimet eum sæpè ex hoc ipso loco de rebus gravissimis eleganti sermonis genere differentem cum admiratione audivistis: ita ut nemo satis mirari possit singularem DEI Opt. Max. in viro hoc ornando Liberalitatem, cui ut non modò multa ex se præclarè inveniret, sed ut etiam decenti oratione eadem convestiret, & rationibus bonis & doctis firmaret ac tueretur, eadem operâ concessit. Præterea nòn incomitatam hanc tam insignem doctrinam in Academiâ & cathedram adduxit, sed pulcherrimarum virtutum choro cinctam atque stipatam. Etenim fieri non potest, ut animus humanus tantam assequatur sapientiam, tamq; excellentem sibi comparet eruditionem, nisi per virtutes prius suæ efficiatur spontis, ab omniq; vitiorum fæditate liber sit & immunis. Itaque non eruditionis tantum, sed humanæ etiam felicitatis terminum SONERUS assequutus fuisse videri potest. Ampliſſ. Senatus Norimbergenſis, prudentiſſimorumq; Academiæ hujus Curatorum, quàm diu vixit, observantiſſimus fuit: Clariſſimorum Dominorum Collegarum suorum amantiſſimus, quibus cum sincero & aperto pectore conversatus est: linguæ cordisq; diffidium ignoravit, & tanquam Erebi portas dissimulationum genus omne perpetuò execratus est: eosdem debito honore & humanitatis officijs omnibus, qua potuit, prævenit, nec quicquam, quod ab illis in se desiderari jure posset, omisit. Quod verò ad fidem in docendo, & erga auditores humanitatem attinet, nemo unquam ipsi dubiam palmam fecit: dum enim incommodis atque utilitati eorundem inserviret, nihil non operis & quotidiani laboris suscipiebat. Bis Aristotelis Organum sive Logicam, ut appellant, in horum gratiam privatim interpretatus est. Admirandum quoque illud & mysticum Metaphysicorum opus summis sæpè Viris frustra tentatum, rogantibus Generosis quibusdam è primariâ Nobilitate Polonicâ juvenibus, quibus ad epulum istud Philosophicum velut umbræ alij postea accesserunt, eodem studio explicare aggressus est: nec tantum aggressus est, sed ad finem cum multorum admiratione commentarium perduxit. In quo divino Aristotelis opere, quantum

(C)

ille

ille supra interpretum vulgus perfecit, non meum est, qui vix primis labris scientiam istam degustavi, iudicium, sed Vestrum, Viri in Philosophia exercitatissimi, arbitrium. Hoc tamen citra assentationem ullam, de eodem ipsius commentario affirmare ausim, plures Philosophorum nobiles plerisque incognitas quæstiones ibi esse pertractatas, quàm ab ullo alio interpretum aut tactas aut motas: id quod è multis pauca capita illa de primi Optimique Entis essentia, vitâ, & operatione: de Beatarum mentium qualitatibus & *seria*: de Animæ item humanæ post mortem conditione, aliisque pluribus Philosophorum mysterijs testatum facere possunt. Sed temporis me ratio ad reliquas SONERI virtutes absolvendas vocat: ubi de humanitate & *φιλανθρωπία* ipsius hoc prius subjecero, à nemine eum domi unquam conventum esse, quem non singulari quadam alacritate exceperit. Sed hoc levius existimari potest: illud gloriosius est, quod nemo ejus vel in erudiendo operam, vel in medendo opem, vel in aliâ quacunque re consilium expetivit, quem ille non aut doctiorem, aut saniozem, aut certè meliorem à se dimiserit: tristis ab ipso nemo discessit, sed omnes animo atque fronte hilariori, tanquam jam tum compotes voti effecti. De eadem supra quoque monuimus, eam non nudam & fluxam, sed gravitate mixtam fuisse, ita quidem, ut & à contemptu, qui ferè ex nimia familiaritate oritur, facile se vindicaret, nec tamen ad fines fastus & superbiæ unquam accederet, quæ societas ut rarior, ita admirabilior est.

Cæteras ipsius virtutes, Temperantiam, Liberalitatem, in adversis fortunæ casibus Constantiam, in secundis animi moderationem, & alias, si ordine heic percensere vellem, dies multi me citius quàm oratio deficerent: quum nemo unquam intemperans tanto studio voluptates corporis consecutus sit, quanto ille eas perpetuò repudiavit: nemo avarus tantum operæ in coacervandis thesauris posuerit, quàm diligenter ille egenis subvenire studuit: nemo etiam vel in prosperis rerum successibus animum tam elatum, vel in adversis tam abjectum habuerit, quàm constans ille in utraq; fortunâ eodem semper vultu perseveravit. De Pietate, quæ fundamentum est cæterarum virtutum, & sine qua jam laudatè consistere nequeunt, hoc ad extremum breviter subjungere lubet, ipsius sincerum semper cultorem SONERKUM exitisse, quod omnes, quorum à pectore calumnia & ob-

& obtestatio procul est, de ipso unà mecum testabuntur. Nam & totum illud tempus, quod meditationi lectionum quotidianarum non impendit, sacrarum literarum lectioni tribuit, & ad eam quàm diligentissimè vitam suam conformavit: sedulo quoq; totam familiam & domesticos omnes ad iter illud, quod ad Beatitudinem æternam per Christum nobis partam ducit, alacriter capeffendum quotidie exhortabatur, proprio exemplo quemque animans atque incensens. Apicem religionis nostræ non rerum profundarum scientiam, non sublimem arcanorum cognitionem, sed piam & inculpatam vitam, sed impigram mandatorum DEI observantiam esse statuit: hanc urfit, hanc omnibus inculcavit, hanc solam, si cum vera in Christum Salvatorem nostrum fide esset conjuncta, veram ad cœlestem patriam ducentem viam existimavit.

Atque his virtutibus Doctor SONERUS excultus, ea quoque, quam supra adumbravimus (ad vivum enim depingere ne Apelles quidem vel Zeuxis possit) ingenii doctrina ac eruditione ornatus, integrum ferè septennium Philosophiam ac Medicinam in hac Academia publicè singulari cum laude docuit, illamque plus quàm humanis ingenii sui dotibus illustriorem reddidit. Sed nec ingratam eam expertus est, quam tot laboribus demeritus est, Academiam: Ea namque, quod summum habuit præmium, nostro persolvit, eique ante sexennium Rectoratum Scholæ hujus in annum integrum commendavit. In quo graviter & prudenter administrando ita versatus est, ut quum aliis rebus alios antè superasset, in Magistratu isto se ipsum superarit & vicerit, qua de re cuilibet fidem facere possemus, nisi de nobilissima hac vitæ ipsius particula tacere præstaret, quàm pauca dicere. Verùm quemadmodum omnia, quæ in hoc mundo summum sui fastigium attigerunt, ad exitum propè sunt, nec diu perfectione sua frui possunt: (perfectum quippe in imperfecto possideri haud potest) ita SONERUS quoque, post quam ad summum humanæ sapientiæ culmen pervenit, terram hanc tantæ perfectionis incapacem deferere, vel potius statonem mutare, supremo Imperatore ita jubente, coactus est: eo tempore, quo maximè ipsius ope atque prudentia omnes indigerent. Nam quum superioris anni mense Septembri ob peccata nostra morbo epidemico ad vitam corrigendam à DEO admoneremur, inque SONERUM præcipuè intueremur, singulari

(C) 1

ipsum

ipſius fide atque peritiâ in arte Medicâ freti: Ecce ſubito hæc omnium ſpes decollavit, & in maximis tempeſtatis fluctibus ipſe navis gubernator præter omniû expectationem velut maligno quodam ſidere percuſſus concidit. Fuit hoc apoſtematis genus, non quidem peſtilens, quod falſò quidam crediderunt, ſed ipſi tamen, ſicut eventus docuit, exitialis: anthracem vocant: Cujusmodi ille tria ulcera diverſis antea vicibus in corpore ſuo eodem ſucceſſu, quo aliorum morbos & infirmitates curaverat: quod non tantum illi, qui inviſendi cauſa acceſſerant, viri auctoritate atq; fide præſtantes, ſed ipſe etiam, cujus operâ ingreſſente morbo utebatur, Medicus experientiff. omni aſſeveratione comprobavit. Ita tamen continuò malum hoc omnes ipſius vires attrivit ac labefactavit, ut brevi inevitabilem ei ex hac vitâ migrandi neceſſitatem attulerit. Nec hoc eum latuit, qui mortis quoq; & diem & horam adſtantibus prædixit, & hoſtem, à quo opprimendus erat, ſine ulla timoris ſignificatione magnâ mentis præſentiâ ad conſtitutum veluti opperiebatur. Quod ipſi non Stoica aliqua opinio mortis & cruciatuum contemtrix, ſed perpetuum divinarum literarum ſtudio, & firma in Filium DEI fides contulerunt, ut in glorioſiſſimâ ipſius de morte victoriâ animum defixum habens, vivens & ſpirans adhuc cum eodem triumpharet, & mortem ſe in lucro ponere cum D. Paulo palàm profiteretur. Huic igitur SOTERI unico, quum præeunte verba Theologo primario in Academia hac Spiritum & animam ſuam commendafſet, eam ſine ullo horrore aut inſigni mutatione placidè depoſuit, & ſic vitam per annos novem & triginta laudabiliter actam, laudabili ſine concluſit. Sed ô acerbum nobis diem, qui jacentem nobis demonſtraſti eum, per quem, ſi vis aliqua morbi inopina nos proſtraviſſet, erigi ſperabamus: qui mortis telo tranſfixum oſtendiſti, à quo nos omnes vitæ ſubſidia poſt divinum auxilium expectabamus! O inimicum ſtudijs & ſcientijs tempus, quod eum, qui in docendâ ſapientiâ humanâ omnibus, præterquam ſibi, ſatiſfecit, nobis tam cito eripuisti: illum, qui omnibus veram ad virtutem viam ſuo exemplo ſignabat, tam ſubito abſtulisti! Meritò nunc lugemus: meritò intempeſtivum hujus viri obitum deploramus: meritò quoq; non nos modo ſenſu præditi, ſed ipſi Scholæ hujus parietes & pulpita ipſa luſtus & deſiderij ſigna præferunt & oſtentant.

Deceſſit, deceſſit proh dolor! nec priore amplius ad nos vultu



vultu redibit Philosophus incomparabilis, Medicus præstantiss. Doctor quondam noster ac benefactor unicus: decessit, inquam, & sempiternum sui in animis bonorum desiderium reliquit. Verùm quemadmodum mors hæc inopinata, luctuosa nobis atque præmatura accidit: ita nihil in eâ defunctum mali passum esse credi debet: quippe qui vitam hanc, velut jactationis ac periculi plenissimam navigationem tandem aliquando absolvit, in æternam piorum requiem, & inenarrabilem Beatorum lætitiā, tanquam in portum desideratissimum translatus.

Quare Salve, ERNESTE beatissime: Salve anima immortalitatis jam pridem cupidissima: Salve præceptor ac parens optimè, Salve, ave, & æternū vale. Quod si ulla adhuc tuorum in Te cura est reliqua, si ullum cogitationum humanarum relictum vestigium, posthumum hoc munus, quod summā cum vitæ meæ acerbitate, maximo cum mœrore animi atque gemitu Tibi offero, à me benignè accipe: atque sic in ipso æternitatis sinu, quam diu desiderasti, in omnem æternitatem conquiesce. Ego, dum Spiritus hos reget artus, dum mentis cogitata hæc proferet lingua, Tui, Tuorumq; plus quàm paternorum in me meritorum gratā mente recordabor, eaque, donec tecum & cum ipsā æternitate jungar, posteritati narrabo. Atque hac defuncti beatitudine confirmati, hoc, quod de felicitate ipsius audivimus, solatio erecti, Nos quoq; Auditores Optimi, luctum nostrum deponamus: & quum amissum revocare non liceat, ad Amplissimos, Nobilissimosq; Academiæ hujus curatores confugiamus, quos de viro præclaro & celebri in locum defuncti substituendo diu jam deliberasse, dubitari non oportet. Horum verò consilium, ut Tu, summe ac benignissime DEUS pro ineffabili tuā erga Scholam hanc bonitate regere, & ad finem bonum dirigere digneris, nos Te universi ac singuli supplices veneramur, spe cerrā freti fore, ut Te nostris precibus votisq; annuente, Academia nostra, hæc & alijs calamitatibus anno superiore nonnihil dejecta, animum & colorem cum Doctore novo recipiat, Teq; porro benedicente, ad utilitatem plurimorum, Tui verò præcipuè Nominis gloriam & honorem vigeat, ac quàm diutissimè floreat,

D I X I.



*Viri CL. & Excellentissimi,*

# D. ERNESTI SONERI,

Medici & Philosophi celeberrimi.

**U**T dictum est verè: *Parcas rapere Optima quaq;*  
*Et cladem immeritam precipitare bonis:*  
*Dum vitam extendit sic pondus inutile terra,*  
*Dum augificant numeros deteriora suos.*  
*En cecidit noster melioribus integer annis*  
**SONERUS**, *Parci prada jacetq; feris.*  
*Ecce jacet cassus vitæ lumine Præses*  
*Ille Machaonis Pieriæq; Chori.* (men,  
**SCHERBIAD** *Æ ingenium, TAURELLI* *occumbit acu-*  
*Quin & ARISTOTELIS mens genuina perit.*  
*Paonia squalent arteis, SOPHIÆ* *adflēt alumno,*  
*Amisso hos torpet muta SUADA viro.*  
*Publica deserta restantur damna cathedra,*  
*Et SCHOLÆ tam clari luminis orba gemit.*  
*Me miserum, quanto mihi vulnere corda fatiscunt,*  
*Quam fissum tanto fuvēre pectus hiat.*  
*Dum recolo virideis annos primamq; juventam,*  
*Dum vetus intueor mente sodalitiū,*  
*Quando, quos dixi, dependebamus ab ore*  
*Doctōrum, studio incensus uterq; pari.*  
*Quando viros iterum sociavit cura SENATUS*  
**NORIACI**, *chara provida cura Scholæ,*  
*Ut percepta ab iis & nobis tradita recē*  
*Rursum alii à nobis tradita perciperent,*  
*O hora dulcis, ô dulcia tempora, quam sunt*  
*De subito in vacuos omnia lapsa Notos.*  
*O hominum incertæ spes, ô casusq; vicesq;*  
*Vna vide nō sepelit gaudia nostra dies.*  
*Non dum dena tibi, nisi fallor, Olympias acta est,*  
*Stamina cum Parca dissecuere tibi.*  
*Sed virtus tua, iudicium, Doctrina Senilis*  
*Persuasit Parci te, reor, esse Senem,*  
*Aut cum mente Deus fieres, terramq; lutumq; hoc*  
*Calcares animi sæpè vigore tui.*  
*In dignata sui contemptum ferro negavit.*  
*Terra ulsâ & cœlum iussit adire tuum,*

Nec

*Nec superi renuere Dii, jam Spiritus astris  
 Iunctus in hac vertit inferiora oculos.  
 Despectasq; hominum liber casusq; vicesq;  
 Cumq; pio in cœlis agmine latus orat.  
 Illustis Salueto anima aeternumq; Valeto,  
 Abdita jam verum momina mente vides.  
 Nunc causas propius diuina in luce tueris,  
 Quas nox in tenebris temporis ista tenet.  
 Salve inquam & SONERE vale, veterisq; Sodalis,  
 Si qua manet Cœlis, esto memor, pietas.  
 Me interea internus desertum luctus habebit  
 Et desiderium flabile, crede, tui.  
 Collegæ conjunctissimo & multis nominibus  
 optimè de me merito, contra votum F.*

*MICHAEL PICCARTVS Fr. Prof. &  
 p. t. Rector Acad. Norimb.*

## IN EJUSDEM TUMULUM.

**Q**uod claudi tumulo potest, Viator  
 Ad Cœli patrios profectus orbes  
 Vir ex sanguine cadaver heic reliquit,  
 Qui vitæ fuit aureum probatæ  
 Exemplar modò, lima veritatis,  
 Humanæ scopus eruditionis,  
 Æsculapius unus, & Stragiræ  
 Jam spes altera, gemma Gratiarum,  
 Amor maximus omnium bonorum,  
 Nec idem scopulus minor malorum.  
 Sensistine, quis ille sit? vel est &  
 SONERUM Tibi farier necesse?  
 Scire quem poteras notis ab illis,  
 Ut scis nomine jam notas ab isto,  
 Nunc tu manibus optimè precare.  
 Si nulli malè vivus ille fecit.  
 Id jubet pietas, nec est decorum  
 Barbam vellere mortuo leoni.

*MARTINVS RVARVS Holfat.*

## SCRIPTA.

*Epistolæ quædam Medicæ extant cum cista Medica Johan-  
 nis Hornungi: Noriberge 1625. in 4.*

*Oratio de insomniis: Altorphij 1610. in 4.*

(C) 4

Oratio

Oratio de vita contemplativa : *ibid.* 1610. in 4.

Oratio de Theophrasto Paracelso ejusque pernicioſa Medicina : *ibid.* in 4.

Commentar. in Metaphyf. Ariſtotelis. *Iena* -- in 4.

Diſputat. ejus extant in Philoſophia Altorphina per Joh. Paulum Felwingerum edita, nimirum duæ de materia prima : De Motu : De Iride cœleſti : Problemata Miſcellanea, & Baſilæ de Melancholia diſputavit.

## F U N U S

*Perilluſtris & Excellentiffimi Viri,*

# D. HIERONYMI FABRICII AB AQUAPENDENTE,

Medicinæ Doct. Equitis D. Marci,  
& in celeberrimo Gymnaſio Patavino Anatomix & Chirurgiæ Profeſſoris Supra-ordinarij,

*Die 23. Maji, Anno Epochæ Chriſtianæ M DC XIX.*

*In auguſto templo S. Franciſci,*

Acerbo omnium luſtu, celebratum

à

JOANNE THUILIO, MARIÆMONTANO,  
Phil. & Med. D.

**L**acrymæ ubi eſtis ? Cur ceſſatis gemitus ? quid retarda-  
mini ſuſpiria ? Et vos oculi quid agitis ? an ſicci fune-  
ſtum hunc caſum, gravem hanc jacturam intueri poteſtis ?  
Cecidit, heu cecidit HIERON FABRICIUS AB AQUA-  
PENDENTE, Patriæ ſuæ decus, Medicinæ lumen, Ana-  
tomix reſtaurator, Chirurgiæ parens, Gymnaſij Patavini  
gloria, imò univerſæ rei litterariæ commune bonum. Una  
dies, una hora, unum temporis momentum abſtulit, quod  
ſæcula non reſarcient : præreptus eſt nobis ille Vir, quem  
qui æquent, ne dum ſuperent, communi omni judicio vix  
reperiuntur. Lugeant igitur hunc caſum cōmuniter omnes,  
deſleant hanc miſeriam cives & peregrini, hunc interitum  
nemo non luſtu & planctu proſequatur, & præſtantiffimū  
hunc

hunc virum hic jacentem conspiciens nullus non effundat uberrima lacrymarum flumina. Equidem, Auditores modestissimi, cum mihi onus impositum sit, ut perillustri viri funus oratione exornē, certē multò minus afferō facultatis ad dicendum, quàm tersæ aures vestræ, & rei dignitas postulat: apud eos enim dicendum est, quibus nihil nisi subtili excogitatum ingenio, accurata elaboratum industria satisfecerit; quid igitur jejuna & arida vobis polliceatur oratio? De ea autem re dicendum est, quæ etsi penè infinitam suppeditet orationis materiam, tamen recenti acerbissimi vulneris memoria omnem & mei, & vestri ardorem animi sese erigere conantis, tanquam flumine obruit & extinguit, adeo ut etiam ab animo promptissimo profecta oratio in tanto luctu squalere quodammodo, & aspectum hominū, ac omnino lucem formidare videretur. Nihilominus vestra benevolentia & audiendi patientia fretus, & auctoritate eorum, qui pro jure suo mihi id imperant, fultus, vires juveniles experiar & quantum temporis angustia admittit, tanti viri præcipuas laudes brevi oratione perstringam, præterituras plurima, quæ cuius vestrum obvia esse possunt.

Hieronymum Fabricium, Auditores, nobis progeniuit Aquapendens, civitas Tusciæ inter Phaliscos non ignobilis, quippe quam Ptolomæus sub nomine Aquulæ designat, si Volaterrano fides debetur. Hanc verò multò celebriorem reddidit, & famæ immortalī consecravī noster Fabricius, ita ut illa proprium nomen in eundem suum alumnū & civem, ceu grati animi tesseram, transfudisse videatur. Majores habuit mediocrium quidem fortunarū, honestos tamen & integræ famæ cives; ex quibus avus paternus, qui eodem Hieronymi gaudebat nomine, pro sua civitate, honorifica ad Summ. Pontif. legatione functus est. Sic autem fieri oportebat, ut ab humiliori enasceretur profapia, quo amplior ipsi ad gloriā pateret campus, siquidem ab eo exordienda fuit familiæ suæ nobilitas, ut illam non hereditaria successione acceptam, non majorum virtute partam, sed propria industria acquisitam possideret: nam *qua non fecimus ipsi vix ea nostra voco*. Hanc ergo ille in tantum extulit, tanta claritate illustravit, ut suam ex fratre neptem, gloriæ & bonorum ex asse hæredem, in Illustrissimam Delphinorum famil. matrimonio copulandam destinaverit, in familiam nempe illam, quæ cum antiquissimis Venetæ nobilitatis stirpibus avita generositate certat, quæ Principes, purpuratos Cardinales, tot

(C) 5

Episco-

Episcopos & Antistites, virtute & doctrina insignes, longa serie enumerat, ut in hac illustri familia virtutum chorum fixam sedem dicas posuisse. Unde Amplissimus Senatus nihil dubitavit, eandem inter primariæ nobilitatis matronas adsciscere, ejusque posteritatem successiva nobilitate condecorare. Honestè itaque à suis educatus hic noster, sub primo statim adolescentiæ exordio bonis avibus, huc Paravium, tanquam ad mercaturam bonarum artium apulit, atque ad sanam Medicinam excolendam se applicuit: ubi quantum animo conniti potuit, quantum labore contendere, tantum effecit, ne committeret Scholæ & Magistrorum auctoritatem dedecorari. Eos enim in Philosophia & Medicina progressus fecit, ut non modò condiscipulos, sed ipsos tandem præceptores Cleanteis vigilijs sic à tergo reliquerit, ut verum esse faterentur, quod veteri proverbio dici consuevit: Plures discipulos præstantiores magistris. Etenim cum esset doctrinæ perinde ac virtutis cupidus, arbitratus est & ad suam laudem, & ad patriæ ornamentum pertinere, si ut Aristoteles Platonem, Demosthenes Isæum, Cicero Philonem & Posidonium præceptores suos doctrina superarunt, ita ipse Gabrielem Fallopium, illius temporis Æsculapium, arte anteverteret. Quod eò facilius ipsi fuit, quò pluribus adminiculis ad eam rem juvabatur. Fuit enim ipsi vivida memoriæ vis, ingenium tam acutum, tam solers, tam in numerato; judicium tam acre, tam maturum, tam sincerum, motus animi tam celeres, tam prompti & expediti, ut nihil in arte sua fuerit tam arduum, tam abstrusum & reconditum, quod labore non vestigaret, non erueret, non assequeretur. Hinc factum est, ut decedente Fallopio, nullus dignior, nullus aptior judicatus sit, qui hanc provinciam cum laude publica posset administrare. Professor ergo Anatomix & Chirurgiæ electus, in hoc unum toto pectore incubuit, ut spartam, quam nactus esset, pro virili ornaret. Quare hoc publico docendi munere quinquaginta continuis annis cum summa gloria perfunctus, dici non potest, quàm frequenti auditorum concursu fuerit auditus, quos tanquam filios vel fratres unice diligebat, nominatim salutabat, & ad præclara studia amantissimè hortabatur: quantam auctoritatem apud suos auditores habuerit, quem spectabant, cujus ab ore omnium ora pendebant: quantas eorum assensiones, quantas admirationes, quantos applausus reportaverit, ut quemadmodum



dum apud Pythagoreos contra quamlibet firmissimam rationem plurimum valebat illud, *Ipse dixit*: ita ipsi omnes Hieronymum Fabricium tanquam Pythagoram colerent. Suo proinde labore, sua diligentia, sua assiduitate & infesso studio, brevi tempore tantum peperit sibi nomen, ut inter Celeberrimos Anatomicos facile primas obtineret. Fuerunt nostra & Patrum memoria Viri in hac arte clarissimi: In Gallia Fernelius, Silvius, Laurentius, Riolanus: In Germania Platerus & Bauhinus: In Belgio Vesalius; nulla tamen talium virorum fecundior regio fuit quam Italia, nam ut præteream Curtium, Eustachium, Mundinum, Varolium, Vidium, celebris est Verona suo Zerbisio, Cremona Columbo, Roma Piccolomineo, Felsina Arantio, Mutina Fallapio, Placentia Caserio, quos omnes multis parafangis præit, & palmam præripit Aquapendente cum suo Fabricio. Quis enim tot novis, ijsque utilissimis inventis Anatomiam locupletavit? Hieronym. Fabricius ab Aquapendente. Qvis à Serenissima Republica Veneta mille Coronatorum annuo stipendio docuit? Hieronymus Fabricius ab Aquapendente. Qvistitulum Supraordinarij nostro tempore sua doctrina promeruit? Idem Fabricius ab Aquapendente. Hoc ipso nemo alius majori felicitate & facilitate Anatomiam & Chirurgiam explicavit, aded ut sæpe subsellia auditorum multitudine, parietes applausibus, aures acclamationibus rumpi viderentur. Desideratis eximie hujus doctrinæ testimonium? Habetis testes locupletissimos, præclara, quæ posteris reliquit, monumenta, quorum quædam publici juris facta, in exteris quoque regionibus iterata impressione edita, nunc omnium manibus teruntur: quædam verò adhuc inter privatos parietes latitant, quæ propediem lucem aspectura speramus, in ejus siquidem devenerunt manus, qui tantum bonum publicæ utilitati non invidet, quod ut faciat, communis Apollinea turba summis precibus contendit. Hinc quod Ovidius post decantatas Metamorphoseon gerras sibi arrogavit, cur post tot, tamque admirabiles non dico libros, sed thesauros, non idem sibi jure optimo vendicet Fabricius?

*Cum voles illa dies, quæ nil nisi corporis hujus  
Ius habet, incerti spaciū mibi finiat a vi,  
Parte tamen meliore mei semper alta perennis  
Astra ferat, nomenq; erit indelebile nostrum.*

Ore

*Ore legar populi, perq; omnia sacula fama,  
Siquid habent veri vatum præsagia, vivam.*

Hæc siquidem scripta doctrinis obscuris lucem, scriptoribus mortuis vitam, Medic. candidatis maximū ad discendū adjumentum attulerunt. Viva autem ejus vox hem quam miniscè Patavium excitavit & exornavit? Ut cristatus ales resurgentis solis exortum repetitis cantibus annunciat; & mortales ad laborem & opus instigat: sic noster Fabricius renascentem & è tenebris emergentem Anatomiam clara voce divulgavit, & ad eam amplectendam omnes invitavit & incitavit. Quæ enim Europæ Natio non huc hodie studiorum causa convolat? Quis populus hoc Gymnasium non spectat? in eodem auditorio Germanum, Gallum, Italum cognoscas, ut quos habitus, cultus, lingua, mores, regna distinguunt, hos disciplina & institutio, & arcuissima Musarum fœdera communi humani generis benevolentia devinciant. Cujus fœderis fœcialem fuisse Fabricium quis non intelligit? Primus enim ille Anatomiam in scenam produxit. primus theatrum Anatomicum, quod unum in hac Academiarum Academia desiderari videbatur, magnifico sumptu & mirabili opere excitare fecit, primus in eodem corpora maximo spectatorum applausu dissecuit. Nec inferiora in Chirurgia tum facienda, tum docenda præstitit, nam quod priscorum crudelitas & sævitia à Chirurgia relegata sit, Fabricio acceptum debemus. Quod novis rarisque observationibus Chirurgiam illustratam habeamus, Fabricio acceptum debemus. Quod novis instrumentis, & facillimis compendijs plurimas operationes perficiamus, uni acceptum referendum Fabricio. Verū non dibuer, imò non potuit tanta Virtus latitare, tantus splendor non erumpere, sed in remotissimas regiones diffusus, summorum Regum & Principum favorem & gratiam ipsi conciliavit, qui non modò vitæ suæ incolumitatem Fabricio, tanquam præsentī alicui Numini, commiserunt, sed etiam frequentissimè ipsum in deploratis casibus prece & precio accersiverunt. Ex plurimis unum exemplum mea dicta confirmet, potentissimi Regis Poloniæ, qui non modo humanissimis litteris eum appellare, sed jam ætate lassatum & lecto decumbentem regio munere, effigie nimirum sua auro impressa, condecorare dignatus est. Magnatum itaque liberalitas cum propria industria conjuncta  
tantas

tantas ipsi peperit opes, ut ne Mydæ cuidam vel Cræso cederet; imo tot facultates & munera ipsi cumulavit neglectum lucrum, quod alius quivis vix data opera sibi acquirere posset. Nec opibus solum & divitijs crevit, sed honoribus insuper & dignitatibus amplissimis auctus est, utpote quem Senatus Venetus præter titulum Supraordinarij, etiam equestri dignitate ornandum censuit: quem ordinem non à Principe, ut fieri solet, sed ab ipsomet Senatu suscepit. Quod mihi revocat in memoriam illud, quod Plinius de Fabio Maximo Cunctatore graminea corona donato refert: Cæteras omnes coronas singuli, & duces ipsi, imperatoresq; militibus, aut aliquando collegis dederunt, sola graminea ipsius imperij manibus imposita est, & quod peculiare ei fuit, sola à tota Italia data. Non secus Venerabili nostro Seni, ut qui non unum Hannibalem, sed mille morborum monstra ex Italia profligaverit, & cives patriæ reservaverit, equestris dignitas ab ipso Senatu, & à tota quasi Italia decernenda & domanda fuit. Quid? quod ipsum Collegium Patavinum eundem, tanquam præclare de se meritum, collegam sibi sociare, & ipsi præter morem aditum ad se facere sustinuit.

Maxima sunt hæc, fateor, & maximopere commendanda, sed longè commendabilius, quod hisce disciplinis ita Virtutes annexuit, ut quantum nominis & gloriæ medicæ artes ipsi conciliarint, tantum decoris & ornamenti ab omnium virtutum choro sit ei comparatum. Siquidem ea fuit in victu frugalitate, in cultu corporis neglectione, in gestu moderatione, in colloquio circumspectione, in congressu comitate, in consilio dando facilitate, in subeundis laboribus constantia, in administranda domo prudentia, in publicis lectionibus assiduitate, in sublevandis infirmis benignitate, ea denique in omni vita æquabilitate, ut stupendum videri possit, Fabricij Romani, Curij, Lælij, Socratis, singulorumque virorum illustrium Virtutes in uno nostro Fabricio emicuisse. Ad hoc pulcherrimarum Virtutum agmen accedit singularis nostri Fabricij continentia, quippe qui ne vaga & inconcessa libidine nomini & famæ notam inureret, sibi sacrosancto connubij foedere junxit castissimam Matronam Violantam, ex spectabili Vitalium familia oriundam, cum qua constanti fide & sociali amore ad decrepitam usque ætatem convixit: Vitalis profectò uterque, illa corpore & no-



& nomine, hic corpore & fama. Nec silentio prætereunda ea Virtus, quæ agmen ducit, Pietas scilicet in DEUM, quæ quæ sanè in nostro Sene tanta fuit, quanta in quovis alio. Testis est sacra illa ædícula domesticis septa parietibus, ibi quando senilis imbecillitas, aut tempestatís injuria exitum præcluderent, rem divinam obibat. Testis est tota Patavina civitas, quæ eum concionibus & officiis Quadragesimalibus, non obstante summa frigoris inclementia, quæ aliàs senibus inimica, assiduò præsentem spectavit. Testes denique sunt tot ad pias causas liberalia legata, sacella vel instaurata vel restaurata, altare in hoc augustissimo templo sumptu magnifico exstruendum institutum. Et hunc tantum Heroem non morum candor, non vitæ probitas, non Medicinæ fastigium ab interitu vindicare potuit? O duram necessitatis legem! Ofonestum mortis imperium!

Talem itaque ætatem usque ad decrepitos annos innocenter produxit, atque octuagesimum quoque annum supergressus est, ut dubites, morbone an senio interierit: quod non parum ad lautissimi Medici encomium facere judico, quasi sepulchrum recipere eum formidaret, qui tot hominum myriades à Libitinæ manibus eripuisset; & diffideret eundem brevi spatio claudere, cujus famam vix universus orbis caperet. Postquam autem eò ætatis pertigisset, res suas prudenter disposuisset, & neptem, quæ sola cura ipsum hætenus angebat, nobilissimo sponso elocatam videret, annis tandem & laboribus fractus ultrò victas manus dedit; satis enim sibi, satis naturæ, satis gloriæ vixisse visus est, certè non satis vobis. Quare cum superioribus diebus febri acutissima corripereetur, unde assiduo vomitu & corporis lubricitate cibos & medicamenta ingesta regereret, paulatim sibi vires seniles vastari & prosterni sensit: itaque patientiæ virtute armatus forti animo & integris sensibus cum morte in arenam descendit; cujus virilis certaminis testes adhibuit viros pietate & religione insignes, qui ei usque ad extremum habitum assiterunt, donec tandem fessam animam in manus supremi Numinis commendatam constanti fide & indubia spe exhalavit. Quis mihi dabit aquas? quis fontem lacrymarum ministrabit? ô infelicis miseræq; vitæ ludibria, quæ cum in manibus habere arbitramur, cum frui nos posse quàm diutissimè speramus, derepente avolant, & deserunt hiantes omnibus sensibus. Illane humanitas interijt? ille splendor extinctus est? illa Virtus superata?

perata? illa tandem pendens aqua cecidit, sub cujus fœcundissimis doctrinæ stillicidijs tot selecta pectora, tot nobilia ingenia irrigata sunt? ille fons exaruit, à quo in universum orbem tam salutare producti rivuli? ô rem lucuosam & acerbam! ô miserum non hujus modò, sed universæ rei litterariæ casum! Utinam, ô mors, vel non esses oculis capta, vel non esses litterarum rudis, temperasses profecto ab eo, quo superflite tellus habuit, quo se cum cœlis auderet comparare, & mucronem in illos distinxisses, quibus non fuit operæ precium nasci, cum nihil in vita memorabile factitent, quo se vixisse testificentur. At tu, æterne DEUS, quid paras? (dabis enim id dolori, ut apud te paulisper querar) quid inquam paras, Sanctissime Pater? Cur eripi nobis privarique luce illam gloriam, illam sapientiam, illam autoritatem passus es? An cum sedibus illis beatissimis, quàm hoc calamitoso exilio judicasti digniorem? an nos indignos, qui tanti viri humanitate & doctrinâ frueremur? Ille quidem beatus, iterum atque iterum beatus, qui mortalitate exutus omnibus bonis affluentem immortalitatem adeptus est, & quæ molestiam afferre poterant, videre desijt, illa videt, semperque videbit, quibus perpetuò gaudeat & lætetur. Nos miseri, nos infelices, qui in hoc exilio relictî, illius subsidio spoliati sumus, cujus vel sola præsentia nostras ægritudines faciebat leviores. Veruntamen in hoc nos solari & reficere potest, quod ut quiete tandem frueretur, emeritum nostrum Fabricium mors rude donaverit, & è tenebris in lucem, ex turbulentissimis tempestatibus in tranquillum portum deduxerit. Finis miseriarum mors est, non vitæ; nascimur, ut moriamur. Non igitur ipsi erepta est, sed donata vita morte, si mors dicenda, vita brevi relicta ad æternam migratio: Aut si quis emori possit, cujus memoriam omnis tuebitur seculorum posteritas. Nunquam enim extinguitur lumen, quod virtus accendit vivaci flamma, pinqui succo nutritum crescentis gloriæ. Magnum solatium sit homini, propagandi nominis secundum merita prævisa spes, si superstes aliquid post ossa relinquat in terris, quod brevis tumulus non possit capere. Beatum hunc talem pronuncio, cujus mors ita cognita, ut vivere tum primum verè incipiat, cum lapide sepulchrali pressus ex oculis in memoriam transit honorifico spiranti præconio. Quis candelam in laterna ardentem tectam dixerit, dum circumfusam lucem rebus communicat? Tale sepulchrum erit nostri

Fabricij



Fabricij, opertum & ex abdito lucebit, marmor non capiet, quin exiliant & se diffundant honoris scintillæ. Nemo ergo cum obiisse, sed in cœlum abiisse prædicet, ubi tot virtutes ei triumphum pepererunt nobilissimum: Satis ornarat terras, cœlum restabat, quod magnificentius decoraret, quam vel Ursæ, vel Argo, vel Orion, vel reliquæ siderum figuræ, quæ ad Astrologorum arbitrium effinguntur; aliter ille, quem divina voluntas, mutari nescia, eò destinat.

Ad te nunc, ô celeberrima Patavina Universitas, mea declinat oratio, quam tanto Viro felicem aliquando & florentem spectabamus; at nunc hoc funere tantam accepisti plagam, quæ vix sanari posse videatur, unde in luctu & squalore jaces, nec mihi in eadem navi vecto quam dolori medicinam adhibeam succurrit. Plange, ô Patavium, & luctum tuum cum meo conjunge, tu studiorum Mater, quæ Fabricium juvenem enutrivisti, virum admirata es, senem omnibus obsequiis venerata es; te eadem fors manet, ut posthac in desperatis corporis malis omni spe destituaris. Tibi quoque, ô inclinata mea Natio Germanica, quam præ cæteris unice amare & in sinu fovere, imo præclaro edito opere cohonestare tantus Vir visus est, tibi inquam, quæ nunc mens? quis animus? non enim video unde in posterum tot humanitatis officia, tot doctrinæ emolumenta, quæ tecum in patriam referas, repetenda sint. Tandem ad te, ô Venerande Senex, humanus me rapit affectus; te ultimum appello, si modo aliqua vox ad te mea pervenire potest, tibi extremum vale mœstus & squalidus paro. Hæc ut totus elinguis & mutus jaces, cujus toties accipere & reddere voces mihi dulce fuit? ut obscura sunt depressa lumina? ut flaccescunt pallidæ genæ? ut squalet veneranda canities? ut rigent salutiferæ manus? heu quantum mutatus ab illo? Sed ne importuna oratio quietem interturbet, Vale, & quiete illa, quam in terris non invenisti, in cœlis perpetim fruire. Æternum vale & salve! ô longum & triste vale! DIXI.

## EPIGRAMMA.

**M**artia Fabricio jactat se nomine Roma,  
Pendula Fabricium tu queq; gignis Aqua.  
Nobile Fabricio genus, inclita Roma, dedisti;  
Penâq;tem hic contra nobilitavit aquam.

EPITA.

FABRICIANA.  
EPITAPHIUM.

47

**H**ospestolle gradum: namq; ossa senilia calcas,  
Qua pede nullius promeruere premi.

ALIUD.

**H**ic Celebris requiescit Aquapendentis alumnus.  
Sas dixi: reliquum viva fama canit.

L.m. p.

JOANNES THVILIUS.

IN EJUSDEM OBITUM.

**E**cquid terra novo sibi vult effossa sepulcro,  
Medoaci glaucus edita propter aquas?  
Ille decus Patavi, Medicaq; superbia turba,  
FABRICIUS, canos clausit in orbe suos,  
Iamq; dedit solitis, qua sunt mortalia, bustis  
Pondera, laude vagas sed peragrans plagas.  
Vix alius docta tractavit vulnera dextra  
Rectius, aut facili depulit arte malum.  
Humanos melius vix alter noverat artus,  
Pace loquor Celsi, pace, Galene, tuâ.  
Testantur multis contexta volumina chartis,  
Scriptaq; pro medico non inhonora foro.  
Qua, licet intenuem corpus transverit umbram,  
Authorem rapida morte perire vetant.  
Exemplum, juvenes, quod laudibus incitet orsus,  
Emeriti possunt suppeditare Senes.

J. P. LOTICHIUS, Hanonicus,  
P. Cæf.

SCRIPTA.

Pentateuchos Chirurgicum distinctum à D. Joh. Hartman-  
no Beyero: *Francos.* 1594. 1604. in 8.

De Formato Fætu: *Patavij* 1604. 1625. in fol.

De Venarum ostiolis: *ibid.* 1603. 1625. in fol.

De locutione & ejus instrum. *ibid.* 1603. 1625. in fol.

De Loquela Brutorum: *ibid.* 1603. 1625. in fol. & denuò hi  
quatuor tractatus editi sunt *Francos.* 1624. 1644.  
1648. in fol.

De Visione, Voce & Auditu: *Venetis* 1601. *Francos.* 1605.  
1613. in fol.

Consilia Medica extant in eo opere, quod Josephus Lauten-  
bachius collegit & edidit *Francos.* 1605. in 4.

(D)

Tracta.

- Tractatus de Motu locali Animalium secundum totum :  
*Venet.* 1610. 1618. in 4.  
 De Musculi artificio & ossium dearticulationibus : *Venet.*  
 1614. in 4.  
 De Respiratione & ejus Instrumentis libri duo : *Patavij*  
 1615. & *Venetis* 1620. in 4.  
 Du Gula, Ventriculo & Intestinis tractatus: *ibid.* 1618. in 4.  
 De Integumentis totius animalis opusculum : *Patav.* 1618.  
 1642. in 4.  
 Opera Chirurgica in duas partes divisa : *Francos.* 1620. in 8.  
*Lugd.* 1628. in 8. 1641. in 4. Accesserunt Instru-  
 mentorum, quæ partim Autor, partim alij invene-  
 runt, enumeratio. Item, de abusu Cucurbitarum, in  
 febribus putridis Dissertatio : *Patavij* 1647. in fol.  
 Germanicè *Norib.* 1672.  
 Medicina Practica, edita à Petro Bourdelotio : *Parisiis*  
 1634. in 4.  
 De Gangræna & Sphaceto : *Oppenh.* 1617. in 4.  
 De Formatione Ovi & Pulli : *ibid.* 1621. in fol.  
 Opera Physico-Anatomica cum figuris æri incisis : *Francos.*  
 1623. in fol. & *Patav.* 1625. in fol.

## CURSUS ET EQUITES ISRAELIS,

*Hoc est:*

VITA ET MORS,

DN. D. CASPARI  
 BARTOLINI,

Insignis Philologi, celebris Philosophi,  
 Medici scriptis & praxi notissimi, Theologi magni,  
 Academiæ Hafniensis iteratò Rectoris magnifici, viri  
 ad exemplum usque probi & pij.

*Publicâ oratione celebrata in Academia Regia Hafniensi*  
*XXV. Julij, Anno 1629.*

CASPARO ERASMO BROCHMAND,  
 SS. Theol. Doctore & Professore ordinario,  
 Acad. Hafn. p. t. Rectore.

De

DE Domino Doctore CASPARO BARTOLINO, Philologo insigni, Philosopho celebri, Medico scriptis & praxi satis noto, Theologo magno, Academiae Hafnienfis iterum Rectore Magnifico, viro ad miraculum usq; probó & pio, quam difficile sit & arduum verba facere, qui ignorant: aut operis magnitudinem digne non aestimarunt, aut tanto ingenio sunt, ut immensam ingenij BARTOLINI nostri capacitatem, singulari quodam & planè admirando DEI dono æquent. Non enim adèd, acutus sum videre ut possim, quomodo *Philologum* decenter laudare possit, qui maxima & minima, quæ in Critice sunt, non pervidit: nec satis intelligo, quâ felicitate celebrandum sibi sumat *Philosophum*, cui Philosophia Platonica, Aristotelica, Stoica non est cognitissima: nec ingenio adèd perspicaci sum capere ut queam, quo successu *Medicum* commendet, qui scripta Hippocratis, Galeni, Theophrasti, vigili oculo ac sagaci mente non lustravit: hebetior etiam sum, quàm comprehendam animo meo, quomodo justas *magni Theologi* laudes concinne enarret, qui Moysis, Prophetarum, Apostolorum scripta accuratè non perdidicit: nec capere possum, quâ decentiâ onerosum *Rectoris* magnifici munus describat, qui Rectoratum sæpius non gessit: non denique mente assequi possum meâ, quomodo in *viro ad exemplum usq; probó & pio* laudando occupari feliciter possit, quem DEI spiritus eximiâ pietate & probitate non beavit. Unde de facili intelligitis, quàm non satis aptus sim, qui beatissimo BARTOLINO, Academiae nostræ Rectori Magnifico, viro dum vixit maximo, non dico magnificè, sed vel tenuiter justa faciam. Teneor tamen onus, cui ferendo nullâ parte par sum, etiam cum quodam famæ meæ periculo, subire, idque solemnissimis promissi religione obstrictus. Convenerat enim inter Dn. Doctorem BARTOLINUM, animi plusquàm dimidium mei, & me; ut qui diem prior obiret, hunc is, quem DEUS volebat superstitem, publicè parentaret. Quia verò Doctor BARTOLINUS, in his terris, pro dolor, mihi ampliùs non videndus, dignus fuit, qui DEUM, conditorem suum; JESUM, redemptorem suum; Spiritum sanctum, sanctificatorem suum, prior videret: ferendum mihi patienter est, quòd flebile parentationis officium mihi ex condito incumbat. Ubi uberrima se offerret dicendi materies: modò mihi aut ingenium esset, tantis rebus comprehendendis par; aut facundia suppeteret, quæ

- Tractatus de Motu locali Animalium secundum totum :  
*Venet.* 1610. 1618. in 4.  
 De Musculi artificio & ossium dearticulationibus : *Venet.*  
 1614. in 4.  
 De Respiratione & ejus Instrumentis libri duo : *Patavij*  
 1615. & *Venetis* 1620. in 4.  
 Du Gula, Ventriculo & Intestinis tractatus: *ibid.* 1618. in 4.  
 De Integumentis totius animalis opusculum : *Patav.* 1618.  
 1642. in 4.  
 Opera Chirurgica in duas partes divisa : *Francos.* 1620. in 8.  
*Lugd.* 1628. in 8. 1641. in 4. Accesserunt Instru-  
 mentorum, quæ partim Autor, partim alij invene-  
 runt, enumeratio. Item, de abusu Cucurbitarum, in  
 febribus putridis Dissertatio : *Patavij* 1647. in fol.  
*Germanicè Norib.* 1672.  
 Medicina Practica, edita à Petro Bourdelotio : *Parisiis*  
 1634. in 4.  
 De Gangræna & Sphaceto : *Oppenh.* 1617. in 4.  
 De Formatione Ovi & Pulli : *ibid.* 1621. in fol.  
 Opera Physico-Anatomica cum figuris æri incisis : *Francos.*  
 1623. in fol. & *Patav.* 1625. in fol.

## CURSUS ET EQUITES ISRAELIS,

*Hec est:*

VITA ET MORS,

DN. D. CASPARI  
BARTOLINI,

Insignis Philologi, celebris Philosophi,  
 Medici scriptis & praxi notissimi, Theologi magni,  
 Academiæ Hafniensis iteratò Rectoris magnifici, viri  
 ad exemplum usque probi & pij.

*Publicâ oratione celebrata in Academia Regia Hafniensi*  
*XXV. Julij, Anno 1629.*

CASPARO ERASMO BROCHMAND,  
 SS. Theol. Doctore & Professore ordinario,  
 Acad. Hafn. p. t. Rectore.

De



DE Domino Doctore CASPARO BARTOLINO, Philologo insigni, Philosopho celebri, Medico scriptis & praxi satis noto, Theologo magno, Academiæ Hafnienfis iterum Rectore Magnifico, viro ad miraculum usq; probato & pio, quam difficile sit & arduum verba facere, qui ignorant: aut operis magnitudinem digne non æstimarunt, aut tanto ingenio sunt, ut immensam ingenij BARTOLINI nostri capacitatem, singulari quodam & planè admirando DEI dono æquent. Non enim adeò, acutus sum videre ut possim, quomodo *Philologum* decenter laudare possit, qui maxima & minima, quæ in Critice sunt, non pervidit: nec satis intelligo, quâ felicitate celebrandum sibi sumat *Philosophum*, cui Philosophia Platonica, Aristotelica, Stoica non est cognitissima: nec ingenio adeò perspicaci sum capere ut queam, quo successu *Medicum* commendet, qui scripta Hippocratis, Galeni, Theophrasti, vigili oculo assagaci mente non lustravit: hebetior etiam sum, quàm comprehendam animo meo, quomodo justas *magni Theologi* laudes concinne enarret, qui Moysis, Prophetarum, Apostolorum scripta accuratè non perdidicit: nec capere possum, quâ decentiâ onerosum *Rectoris* magnifici munus describat, qui Rectoratum sæpius non gessit: non denique mente assequi possum meâ, quomodo in *viro ad exemplum usq; probato & pio* laudando occupari feliciter possit, quem DEI spiritus eximiâ pietate & probitate non beavit. Unde de facili intelligitis, quàm non satis aptus sim, qui beatissimo BARTOLINO, Academiæ nostræ Rectori Magnifico, viro dum vixit maximo, non dico magnificè, sed vel tenuiter justa faciam. Teneor tamen onus, cui ferendo nullâ parte par sum, etiam cum quodam famæ meæ periculo, subire, idque solemnis promissi religione obstrictus. Convenerat enim inter Dn. Doctorem BARTOLINUM, animi plusquàm dimidium mei, & me; ut qui diem prior obiret, hunc is, quem DEUS volebat superstitem, publicè parentaret. Quia verò Doctor BARTOLINUS, in his terris, proh dolor, mihi amplius non videndus, dignus fuit, qui DEUM, conditorem suum; JESUM, redemptorem suum; Spiritum sanctum, sanctificatorem suum, prior videret: ferendum mihi patienter est, quoddam flebile parentationis officium mihi ex condito incumbat. Ubi uberrima se offerret dicendi materies: modò mihi aut ingenium esset, tantis rebus comprehendendis par; aut facundia suppeteret, quæ

vitaë Doctoris BARTOLINI non dico exornandæ, sed vel tenuiter enarrandæ sufficeret. Interim ingenij defectum & linguæ balbutiem facile compensabit mea pietas & in demortuum religiosus animus: cui in solidum adscribetis, quòd has dicendi partes, quas nemo non vestrum felicius me implere posset, mihi sumam. Volo enim tenui hac opellâ quam demortuo D. BARTOLINO commodo, publicè testari, quanti ipsum fecerim vivum. Ne-fas enim ducò, ut quem colui vivum, hunc sine qualicunque ~~parum~~ dimittam mortuum. Quocirca à vobis omnibus & singulis, qui ad audiendum frequentes convenistis, quâ par est animi observantiâ peto, ut aurium animorumque operam benignam ad exigui temporis moram mihi commodetis: idque ut me interprete, sed parum facundo, intelligatis; *vixisse in Daniâ virum, quem qui norant, non potuerunt satis æstimare: qui non æstimarunt: nunquam satis cognoverant.*

Non persequar minutatim omnia, quæ huc facere poterunt: id enim nimis operosum foret, nec diei aut mensis unius opus. Ex uberrimâ & densissimâ, quæ se ad tractandum offert, materie, legam tantùm ea, & quidem parcâ manu, quæ aut scitu digniora, aut aliorum exædificationi quàm maximè servire apta sunt.

Ordiamur à Patria, Parentibus & pueritiâ: Nam & hic occurrunt non pauca, quæ magnum illum BARTOLINUM non parùm commendent. Celeberrima Scaniæ Urbe Malmögiâ oriundus fuit, Anno 1585. xii. Februarij, Patre Reverendo & Cl. Viro, Dn. BARTOLINO CASPARO, in Urbe pariter ac arce Malmogiensi, Pastore vigilantissimo, è scriptis, Danica potissimùm lingua concinnatis & bono publico publicatis, satis noto, homine rarâ pietate, & antiqua planè virtute & fide: matre verò *Anna Erasmiâ*, Dn. *Erasmi Tenckelij*, præpositi Vehemenhojani filia, foemina ad exemplum usque proba & pia: cujus avus maternus, *M. Petrus Tenckelius*, Evangelicorum Præpositorum in Scania primus fuit, officio isti solemniter admodum à *Francisco Vormardo*, Evangelicorum Episcoporum in Scania primo. Hæc igitur sparta hunc terris Laconem dedit: hi parentes hunc Daniæ genuerunt filium: emicantibus in ipsa etiam pueritia singularis *euphriæ* & admirandæ indolis radijs, etiam ad admirationem usque parentum & præceptorum. Nam natus tres annos, libellum, quem

quem vocant , alphabetarium , & præcipuas religionis Christianæ partes ambitu suo comprehendem , decursu XIV. dierum non tantum accuratè legere didicit ; sed etiam penitus edidicit. Et quod magis mirere , cum BARTOLINUS noster jam primum fari inciperet , integro propè anno vocibus usus est diversissimis ab his , quas tenellis suis auribus aut à parentibus , aut à nutrice , aut ab ullo magistro hauserat. Cujus rei testes auriti sunt viri quidam docti & linguarum periti : qui etiam expensis diligentius vocibus , quibus BARTOLINUS adhuc puer utebatur , certò deprehenderunt , quòd vocum istarum non pauca cum lingua Hebræa exactè convenirent. Disputent jam Platonici , hoc documento sive usi sive abusi , quòd linguæ scientiæque non tam improbo labore acquirantur , quàm hominibus connascentur : prodeant quoque qui huic firmamento suam illam superstruant sententiam ; homines sibi relictos , nec certa lingua ab ullo magistro imbutos , natura duce Hebraice loquuturos. Ego veluti cum his aut illis litigiosè contendere nolo : ita malo hanc admirandæ loquelæ afferre causam , placuisse DEO hoc testamine docere , BARTOLINUM futurum virum Reipublicæ Christianæ & domui DEI singulariter utilem. Notum enim est , quomodo DEUS , emissurus Apostolos in universum terrarum orbem ad prædicandum Evangelium , ad opus adeò singulare stupendâ cognitione linguarum , quas non didicerant , ipsos admirabiliter præparavit.

Sed verò crescentibus annis , ignei istius ingenij strituræ magis magisque emicuerunt. Nondum tredecennis orationem Latinam & Græcam eleganter condebat , istosque eâ ætate fecerat in arte dicendi progressus , ut de quovis argumento , etiam memoriter , peroraret. Logicam etiam hac ætatula probè callebat , adeò ut si vel quispiam ætate provectior litem ipsi intentaret de questionibus Logicis , etiam subtilioribus , adversarium inveniret , imberbem quidem , sed non imbellem. Uno verbo : Studia sua adeò calidè tractavit puer , ut non calcaribus , sed freno eguisse ipsum , parentes & præceptores judicarent. Et quanquam vix expletis tredecim annis , abundè maturus esset exercitiis Academicis : noluerunt tamen parentes , ut inter cives Academicos

(D) 3

nomen



nomen suum profiteretur, antequam septendecim annos expleviffet. Non enim judicarunt consultum, ut tredecim annorum puer libertate gauderet, quam Privilegia Academica suis concedunt civibus.

Annum ergò agens decimum octavum, felici sydere adpulit ad *Academiâ Hafniensem*: ac solennibus ritibus sacro studiosorum ordini inauguratus est, Rectore Reverendo admodum & Cl. Viro, Dn. Doctore JOHANNÉ PAULO RESENIO, jam Sielandiæ Episcopo honoratissimo; Decano autem Philosophico, M. JONA VENU-SINO. Et quia constitutiones Academiæ non concedunt, ut quisquam sine certo studiorum directore in Academia oberret, χειραγωγὴν seu manuctorem sibi delegit virum πολὺ γλωττίον, Reverendum & Cl. Dn. Doctorem CUNRADUM ASLACHUM, linguæ Græcæ tùm temporis Professore, postea Theologum, jam μακαρίτην.

Postquam verò in Academia patriâ aliquandiu vixisset, & admirandâ divini ingenij celeritate atque singulari morum facilitate & suavitate singularem in omnium animis de se spem excitasset: rectâ ivit *Rostochium*, & quidem An. 1603. & inibi aliquantisper commoratus, docentes audivit D. Bacmeisterum Seniore, D. Frederum, D. Shaktium, D. Lobeckium, Theologos: D. Pegelium, Mathematicum: D. Lubinum, Poëtam: Posselium, Linguæ Græcæ Professore. Hinc profectus est *Vitebergam*, sæcundum istud veræ religionis seminarium, inque Academiâ Vitebergensi integrum triennium tùm Philosophiæ, tùm Theologiæ discendæ insumpsit, & quidem tantâ adfuditate, ut ante lucem semper surgeret, vix verò ante intempestam noctem unquam cubitum iret. Tantum fuit in homine juvene sapientiæ desiderium, tanta in præceptores reverentia, tantus zelus atque impetus pietatis, ut inter studiosos non pauci BARTOLINUM, ut vivum quoddam industriæ litterariæ & veræ pietatis exemplum sibi ad imitandum proponerent. Florebant tùm temporis in Academiâ Vitebergensi Theologi celeberrimi, Doct. Georgius Mylius, D. Salomon Gesnerus, D. David Rungius, D. Leonhardus Hutterus: in Philosophia verò eminebat, D. Iacobus Martinus, jam Theologus: in Mathesi, Melchior Iostelius: in litteraturâ Græcâ & Latinâ Laurentius Rhodomannus, Fridericus Taubmannus, Adamus Siberus. Hos omnes BARTOLINUS creberrimè audiebat docentes: ab horum ore pendebat: ab his rectè sentiendi

sentiendi & vivendi exemplum petebat. Et quoniam beatæ memoriæ D. CASPARUS BARTOLINUS, & diligentissimus & ingeniosissimus fuit, brevi in sapientiâ Philosophica & Theologicâ ita profecit, tantis inprimis usus manu-ductoribus, ut dignus censeretur publicâ Senatus Academi- ci auctoritate, qui juventutem Academicam ad adyta sa- pientiæ Philosophicæ feliciter manuducere, & prælectioni- bus disputationibusque exercere posset. Quod munus, quod & tutius & honorificentius obiret, solemnibus Magisterij Philosophici honoribus ornatus est Vitebergæ Anno 1607. ætatis verò suæ vigesimo: tantâ certè laude & tanto adplau- su, ut nemo non subactissimum juvenis viri iudicium & ex- peditissimam linguam admiraretur.

Porro veluti aquilæ gaudent motu, nec testudinum mo- re & modo contentæ sunt uno & stato domicilio: Ita præ- claris & ad maxima quæque natis ingenijs quasi innatum est, varia lustrare loca, variarum nationum mores & insti- tuta observare, viros ab eruditione rarâ & singulari pietate commendatos, sed per diffita regna sparsos, adire, familia- riter cum ipsis conversari. Id quod etiam usu venit D. BARTOLINO: qui ut sapientiæ & prudentiæ accessio- nem laudabilem compendio quodam faceret, meliorem or- bis Europæi partem peragravit; & quidem sine viatico, quod aut parentes aut amici subministrarent. Non est ulla in *Germaniâ* urbs, saltem quantivis pretij, quam non vide- rit: vix ulla *Academia*, quam non lustraverit: vix ulli in- signiores Philologi, Philosophi, Medici, Theologi, in quo- rum familiaritatem non penetraverit. *Galliam* quoque ac- curate lustravit, præcipua rei literariæ lumina vidit; *Academias* nobiliores adiit; tantamque de succrescentis BAR- TOLINI virtute spem conceperant *Galli*, ut dignum cen- serent, cui vacans in *Academia* Sedanensi Professio Græca, per Archiatrum Sereniss. Ducis Bullionij, Doct. *Mosen Qua- dratum*, solemniter offerretur. Nec *Angliam* reliquit in- tactam; Sed vetustas in eâ *Academias* sagaci oculo inspe- xit, viros celebriores convenit, nec quidquam prætermisit, quod ad sapientiam & prudentiam augendam facere potuit. *Belgium* etiam, ab arte & Marte commendatissimum, visit & ita visit, ut nullus propè in universo Belgio sit locus, sal- tem celebris, quem non lustraverit, perviderit. Fæcundam illam felicium ingeniorum matrem *Lovanium* intravit: magnum illum & toti orbi Europæo notum Philologum



*Iustum Lipsium*, non tantum vidit, sed etiam familiarissime cum ipso conversatus fuit. *Lugdunum* quoque *Baravorum* adiit, & inibi studium medicum, quod cum Philosophico conjungebat, non sine fructu & singulari profectu excoluit. Frequens ipsi cum *Iosepho Scaligero*, mundi miraculo, *Paulo Merula*, *Bonaventura Vulcanio*, *Petro Berto*, *Scrivario*, *Rudolpho Snellio*, Philologis, Philosophis, Historicis, Geographis maximis, conversatio: *Parvio* autem, Botanico & Anatomico norissimo plane intimus fuit. Tandem *Lugdunensem* Academiam cum *Basiliensi* commutavit: in qua studium medicum, cui se tum dederat totum, eximie florebat. Hic commoratus est integrum annum, magnaue & plane memorabilis fuit ipsi cum medicis celeberrimis & summis, *D. Felice Platero*, *D. Casparo Bauhino*, *D. Iacobo Zvingero* familiaritas: dignusque iudicatus fuit **BARTOLINUS** publica Academici Senatus censura, qui in disputationibus Philosophicis, & quidem pro gradu Magisterij institutis, publice præsideret. Quinimò tanti fecerunt Academiae Basiliensis Professores virtutem & doctrinam **BARTOLINI**, viri adhuc juvenis & nondum viginti duos annos nati, ut summos in Medicina honores, non nisi viris iudicio & ætate maturis conferri solitos, solemniter ipsi detulerint: quos tamen, quæ ejus modestia erat, ut digniores quam qui in istam ætatem conferri possent, tum temporis recusavit. Animo **BARTOLINI** nostri infidebat illa mundi regina *Italia*. Hujus montes vitiferos & miraculis admirandos, vernantes silvas, sinus amplos & profundos, fidos portus, alta lataque flumina, lacus limpidos & vivos, inlimes & variarum virium fontes, urbes florentes, oppida clara & civibus numerosa, pagos prætorijs superbos, & præter innumera alia, miserandas veterum urbium structurarumque reliquias, & stupenda totius antiquitatis monumenta videre, **BARTOLINO** unice curæ & cordi fuit. Inprimis verò hoc suo in Italiam itinere id spectabat, ut jucunda cum Medicis, quos Italia habebat celeberrimos, conversatione, in re medica tum quæ scientiam, tum quæ curandi felicitatem, quam plurimum proficeret. Pulcherrimam itaque terrarum Italiam ingressus Anno 1609. *Ferrariam* adiit: *Bononiam*, *Florentiam*, *Lucam*, *Pisas*, *Senam* lustravit. Orbis caput *Romam*, non semel, sed ter adspexit: nec tantum adspexit, sed etiam diutule inibi hæsit, partim ut ad-

miran-

mirandarum antiquitatum oculatus testis esse posset, parum ut praxin medicam obiret: oblata medici exercitij commoditate insigni, per Doct. *Iohannem Fabrum*, ipsius Pontificis medicum, & D. *Marsilium Cognatum*; quibus, praxin medicam gnauiter exercentibus, BARTOLINUS se adjuungebat.

Et quoniam tùm temporis Romæ vivebat celeberrimi nominis Philosophus & Theologus Pontificius, *Benedictus Pererius*, & magnæ famæ Mathematicus, *Christophorus Clavius*: tam illum quàm istum convenit. Inter commoda autem, quæ Roma ipsi attulerat, principe loco numerabat, quoddam mysterium istud iniquitatis vidisset, & ita vidisset, ut quæ de Antichristo & Romana Antichristi curia vulgò memorantur, merissimas nugasse diceret præ ijs, quæ ipse oculis suis lustrasset. Neapolim etiam vidit, & in ea *Iohannem Baptistam Portam*, *Ferdinandum Imperatum*, & *Latinum Tancredum*: inprimis verò familiaris fuit Doctori *Iulio Iasolino Siculo*, Professori Anatomico, seni oppido capulari: qui BARTOLINUM, ob singularem ingenij dona, ut filium amans, hoc unum egit & singulari sollicitudine urfit, ut liberatus & levatus Professione Anatomica, eam in BARTOLINUM transferret. Quod etiam successisset, nisi BARTOLINUS omnia veræ religioni postponenda iudicasset. Censuit enim non decere, ut qui de vera religione rectè institutus est, pedem ibi figat, ubi vera non viget religio. Siciliam, Insularum omnium Mediterranei maris amplissimam, hortatu Doctoris *Iasolini*, lustravit, non sine extremo vitæ discrimine, à piratis intentato.

Sed frustra sudo, ut omnia & singula loca, etiam celebria, sigillatim enarrem & enumerem, quæ BARTOLINUS noster pedibus suis calcavit, oculis lustravit. Plura enim sunt, quàm ut aut memoria mea comprehendere, aut brevi oratione constringi possint. Hoc tantum addam: Patavij diutè ipsum vixisse, Academiae Patavinæ Professoribus Medicis charissimum extitisse, juventutem Academicam in Philosophia & Medicina instituisse, in cadaverum humanorum dissectionibus laboriosè occupatum fuisse, tractatum Chirurgicum & Medicum de Cauterijis in frequentissimo auditorio prælegisse: & ut verbo me absolvam, Celeberrimis totius Italiæ Medicis, Botanicis, Anatomicis, Philosophis, Mathematicis, Geographis, *Aquapendenti*, *Casserio Placentino*, *Eustachio Rudio*;

(D) 5

Thoma

*Thoma Minadoo, Casari Cremonino, Galilao de Galilei, Sancto-  
rio de Sancto-riis, Iulio Casari Claudino, Flaminio Rota, Iohanni  
Magino, aliisque notissimum fuisse.*

Tot jam lustratis regionibus: tot visis Academijs: tantâ etiam factâ sapientiæ accessione, ut BARTOLINUS paucos in Philologia, Philosophia, Medicinâ haberet pares: præmia qualiacunque exantlatorum laborum reportaturus splendido Doctoris Medici titulo in illustri Academiâ Basilensi decoratur Anno Christi 1610. suæ verò ætatis vigesimo quinto; honores istos solemniter conferente celeberrimi nominis Medico Doct. *Casparo Bauhino*. Et ne BARTOLINUS, vulgarium ingeniorum censum ab ipsa pueritia longissimè transgressus, abire videretur à seipso in velitatione istâ, quæ recepto in Academijs more honoribus Doctoris præmittenda fuit; honoratissimo Medicorum ordinis oppugnanda proposuit CCXL. paradoxa, pathologica, simiotica, Ætiologica, therapeutica, Botanica, Anatomica, Chirurgica, Pharmaceutica, Chymica: partibusque suis ita functus fuit, ut subactum iudicium & expeditum ingenium hominis Dani stuperent omnes. Venit dehinc *Vitsbergam*, inque Academiâ istâ, sibi à teneris carâ, annum subsistens, felicem ægrotis operam locabat; meliorem juventutem in Philosophiâ & Medicinâ instituebat; nobiles quæstiones, Philosophicas & Medicas evulgabat; justum universitæ Anatomix systema elaborabat; compendium Logicæ adornabat & publicis typis excudi curabat.

Hac Doctoris Bartolini famâ excitatus septemtrionis Monarcha, CHRISTIANUS IV. exactum illud magni Regis exemplar, in mandatis dat Illustri Domino, *Christiano Friis*, Domino hæreditario de Borreby, Regiæ Maj. Cancellario magno, Regni Daniæ Senatori Principi. Acad. Regiæ conservatori supremo, jam *παρὰ πρῶτον*, ut D. BARTOLINUM, in patriam revocet, ac vacantem linguæ Latinæ Professionem ipsi demandet. Cui officio ubi jam admotus esset D. BARTOLINUS Anno Christi 1611. ætatis verò suæ vigesimo septimo, dici non potest, quanto numero ad ipsum audiendum concurrerint studiosi. Prælegebat scripta Philosophica, Ciceronis, & inter ea, officia Ciceronis: quæ commentationis suæ face ita illustravit, ut non modò mens sententia q; Ciceronis in clara luce poneretur, sed etiam omnes & singulæ controversiæ Ethicæ, de quibus Platonici, Aristotelic,



telici, Stoici litigiosè disputant, singularem & planè admirandum iudicij dexteritate deciderentur.

Ut verò à vitâ Doct. BARTOLINI publicâ ad privatam nonnihil deflectam, ita postulante annorum serie; animum ad vitam sociam adjiciens duxit An. 1612. lectissimam virginem, à singulari pietate & probitate commendatissimam, *Annam Finckiam*, Excellentiss. Viri, Doctoris *Thoma Finckij*, Mathematici per universum propè orbem Europæum scriptis elaboratissimis notissimi, Medicinæ in regia hac Academiâ Professoris primarij, medicæque facultatis Decani perpetui, filiam primogenitam: fuitque conjugium non tantum piâ & placidâ conversatione beatum, sed etiam felix & secundum una filia & sex liberis masculis, divinum beati Patris ingenium laudabiliter æmulantibus, adè ut *Bartolus*, filius natus maximus, nondum XIV. natus annos, Græcas orationes è cathedra publica, & quidem memoriter, habuerit, admirante universo auditorio.

Sed ut ex hoc vitæ privatæ diverticulo ad publicam revertar: vix annum cum dimidio ornat Linguæ Latinæ Professionem, cum evocaretur ex hac vita Experientiss. vir, *Doct. Gellius Sacerides*, Medicinæ in Regia hac Academia Professor Ordinarius: cui auctoritate regia subrogatur *Æsculapius noster*, D. BARTOLINUS. Quam provinciam qua felicitate undecim propè annos administraverit morborum ille terror, BARTOLINUS: notius est, quàm ut mea opus sit cōmemoratione. Tanti certè medicam ipsius operam æstimavit aula regia, ut Sereniss. Rex & Electus Daniæ Princeps, CHRISTIANUS V. ea non rarò sint usi. Taceo Duces, Comites, Barones, Nobiles, alios; quibus, in malis desperatis & morbis difficillimis, optatissimam locavit operam. Non attingam externos Medicos, eosque celeberrimos, in casibus gravioribus consilium Doct. BARTOLINI crebrò exquisivisse; attestantibus literis longè plurimis, quæ in Bibliotheca Bartoliniana diligenter aservantur.

Ad honores verò *Restoratus Academicus* evectus An. Christi 1613. immanè quanta prudentia, quanto Academiæ bono, officio adè arduo præfuerit. Adeatur oratio Doct. Bartolini, typis publicis exscripta, de ortu & incrementis Academiæ Hafniensis, quam Magistratu Academico abiturus habuit: in hac enim strictim annotatum invenies, quanta, ipso Rectore, facta sit Academiæ Hafniensi accessio. Privilegia

pro



pro immunitate colonorum impetrata sunt: duæ habitatio-  
nes, eæque satis splendida & amplæ, reliquis Professorum  
habitationibus sumptu publico adjectæ: numerus Professo-  
rum Professore Metaphysico adauctus.

Sed quàm celsum fuit *Doctori Bartolino* ingenium, &  
ad quævis cum laude obeunda expeditum: tam imbecilli  
fuit corpore. Vigilatæ noctes, longæ & difficiles peregrina-  
tiones, tenuis victus, continuæ & concatenatæ lucubra-  
tiones, corpus adhuc juvenile ita exhausserant, ut postquam  
jam factus esset vir, perpetua ipsi cum pertinacibus mor-  
bis fuerit lucta. Dolor ischiaticus ipsum affligebat; ca-  
tharri graviter urgebant; calculi exquisitos dolores excita-  
bant. Et licet vix unquam immunis esset à morbis: attra-  
men Anno 1623. mense Augusto, varij, ijq; contrarij mor-  
bi, tanto impetu ipsum adorti sunt, ut nemo non de vitâ  
ipsius desperarit. Arthritis molestiam gravem exhibebat;  
febris hectica corpus urebat; exquisitissimi in lumbis, dor-  
so, scapulis dolores, vires prosternebant. Tanta morbi  
vis & valentia erat, tanta mali pertinacia, ut præstantissi-  
mi Medici *Doct. Finckius*, *Doct. Vormius*, *Doct. Fyrenius* fru-  
stra hîc sudarent. Quocirca cùm in præsidij medicis at-  
que remedijs humanis nihil planè præsidij superesse intel-  
ligeret *Doct. BARTOLINUS*; ad archiatrum JESUM  
CHRISTUM, se toto corde convertit totum, ab ipso mali  
sui medelam petijt, CHRISTO & CHRISTI curæ se in-  
solidum concredidit & commisit. Et quia experientia  
jam doctuserat, non esse quidquam, præter solius DEI  
verbum, quòd justam propugnationem & tutam consolati-  
onem præstet contra morbos & mortem: viribus ex-  
haustus & in mortis colliminio constitutus D. BARTOLI-  
NUS, sanctè promissit DEO suo, quòd si vitam redderet  
& valetudinem, quicquid reliquum vitæ foret sacrosancto  
Theologiæ studio, isti secundum pietatem doctrinæ, im-  
pensuruseffet. Votum verò impendiò placuisse DEO, e-  
ventus abundè comprobavit. Nam non modò vita reddi-  
tur & profligato divinâ gratiâ morbo vires opinione citius  
admirabiliter redeunt; sed etiam paulò post, mortuo Re-  
verendo & Cl. Viro, Dn. Doctore Cunrado Aslacho, SS.  
Theologiæ Professore, declaratur auctoritate Regia SS.  
Theol. Doctor & Professor; oratione inaugurali, publicâ  
luce dignissima, habita Anno 1624. xij. Martij. Qua au-  
tem felicitate, quo successu, quantâ melioris juventutis ex-  
ædifi-

ædificatione, Theologi laudabilis partes adimpleverit, si prolixè explicare adgrederer, in re omnibus nimis notâ, inutili conatu occuparer. Humana inventa, de relligione ubi agebatur, alto animo contempsit: litigiosas Scholasticorum concertationes risit & explosit: intricatas disputatorum distinctiunculas, quas magno pietatis intertrimento in Theologiam invexere, animositate planè divina damnavit. Mosen amavit: Prophetas æstimavit: Apostolis justum premium statuit. Cum his sentire, cum his loqui, *Doctori* BARTOLINO unicè curæ cordique fuit. In publicis ipsius prælectionibus, nil nisi scripta Mosis & Prophetarum audiebatur. Ad hos fontes, planè illimes, palantem juventutem revocare, summo studio adlaboravit. In concionibus ad rudem plebem, quas rogatu amicorum subinde habebat, immane, quanto zelo, quanto impetu, vivam fidem, bonorum operum feracem & per charitatem efficacem, urserit. In publicis disputationibus, quas de articulis Christianæ Religionis instituebat, hoc spectabat, ut resectis spinosis quæstionibus, ea tantum proponerentur, quæ ad vitam in JESU CHRISTO piè & beatè transigendam quàm maximè facerent. Quoniam verò veri Theologi est, non tantum viva voce & scriptis auditores suos exædificare; sed inprimis requiritur, ut quod alijs faciendum præscribis & inculcas, hoc ipsum ipse re atque facto præstes: *Doctor BARTOLINUS*, officij quod gessit memor, vitam traduxit adedò innocuam, ut qui familiariùs ipsum nòrint, exactum piè vivendi exemplar jure justo vocare possint. Non jam memorabo, quantà attentione sacras conciones frequens audierit; quanta devotione ad divinum JESU CHRISTI sepulchrum crebrò accesserit; quàm liberalis in tenuioris sortis scholasticos extiterit: quàm ab omni contentione, ambitione, amore sui, & similibus vitijs, hodiè nimis frequentibus, alienus fuerit. Tacebo quantum templo, Scholæ, Pauperibus legaverit. Hoc tantum dicam: exercitia pietatis in ipsius familiâ tantà devotione viguisse, ut pacem præter spem admirabiliter restitutam, familiæ isti magna parte ascribam. Vix unquam ad ipsum ventitabam, quin Psalmos sacros in ipsius ædibus concini, Biblia Danica clara voce recitari, adhortationes ad pietatem urgeri, audirem. Et ubi maritus, occupationum publicarum mole à relligiosis istis exercitijs avocabatur; Uxor, relligiosissimi & sedatissimi

tissimi animi foemina, partes mariti laudabiliter implebat; quippe in Biblijs sacris versatissima, & ad pietatem velut facta.

Pergerem in hac laudum tela pertexenda, nisi adeò langueret mærore ingenium, ut neque mens neque lingua amplius apta sit, quæ officio suo decenter fungatur. Ad exitum ea propter properat oratio mea, sed invita: Nam exitus orationis meæ exitum *Doctōris Bartolini ex hoc mundo* comprehendet. Qui quoties mihi in mentem venit, toties animo meo obversatur vastissimum *Doctōris Bartolini* ingenium, immortalitate dignissimum. Nullum studij genus attigit, quod non penetraverit: nihil adgressus est, quod non absolverit. Quicquid rei bonæ invenitur in *Organo Aristotelao*, quicquid succi boni in interpretibus *Organi*, Latinis & Græcis: id totum *D. Bartolinus* *Enchiridio Logico* ingeniosissimè & compendiosissimè inclusit. *Natura mysteria*, quæ *Aristoteles*, *Seneca*, *Plinius*, alij, immensis voluminibus fusè & obscurè tradiderunt: *D. Bartolinus* *elaboratissimo Physices systemate*, nuperè evulgato, brevitate tanta, perspicuitate tanta, ordine adeò concinno pertractavit, ut ne ipse quidem *Momus*, ad optima quæque rodenda aliàs nimis paratus & pronus, hîc inveniat, quod culpet, quod carpat. In *Oratoria* verò istam præstitit *Bartolinus* noster meliori juventuti operam, ut qui libros, quos de *Rhetorica* de *Oratoria* evulgarit, probè didicit, quicquid *Aristoteles*, quicquid *Hermogenes*, quicquid *Cicero*, quicquid *Quintilianus*, de hoc argumento utiliter scripsit, exactè didicisse, non injuria judicari possit. *Enchiridion* autem *Metaphysicum* *D. Bartolini*, mole quidem paginarum exiguum, sed pondere rerum prægnans, qui accuratè intelligit, compendio quodam intelligit, quicquid spissis scriptis de argutijs *Metaphysicis* tradidere, qui hoc in genere excellere putantur, *Fonseca* & *Franciscus Suarez*. At *institutiones Anatomica* *D. Bartolini* cui cognitissimæ, *Vessalii* *Anatomiam* novit, *Andrea Laurentij* *Anatomiam* novit: imò multò plura, quam hîc aut ille tradidit, novit. Et ut concludam: libros quinque, quos de sacris Biblijs concinnavit *D. Bartolinus*, sed nondum publicavit, qui accuratè didicit, compendio quodam didicit, quicquid ambitu monumentorum sacrorum continetur. Hæc & innumera alia *D. BARTOLINI* monumenta, partim publicata, partim si vixisset publicanda, immortalitatem tanto viro spondere videbantur,

Sed



Sed stat irrevocabilis DEI sententia : *Omnibus moriendum est*. Quam etiam legem, de inevitabili moriendi necessitate, subiisse cum alijs *Doctorem* BARTOLINUM, iniquius ferrem. si mihi non esset persvasissimum, omnia DEI providentia regi, & ita quidem, ut omnia fiant insigni piorum bono & commodo.

*Soram* profecturus x. Julij, eò ut transferret filium natu maximum *Bartolum* & *Henricum Fyrenium*, in via cum Colico dolore conflictari cœpit : sed iter suum pertinaciter urgens, *Soram* venit xi. Julij, sed æger, humanissimè exceptus à veteri & fido amico, *Dn. Doctore Ioachimo Burjero*, in Regia & Equestri Academia Sorana Medic. Prof. Ordinario. Sequenti die, ubi dolor Colicus planè abierat, vehemens extremarum corporis partium æstus fuit, pulsus celer, frequens, inordinatus; aliqualis dexteræ coxæ dolor; sitis sat intensæ. At tertio die, qui *Doctori* BARTOLINO emortalis fuit, acres catharri, qui semper ipsi solebant esse molesti, graviter recruduerunt; & ne quid, quod ad mortem accelerandam facere poterat, deesset, urinæ suppressio accessit. Invalescebat in singula momenta morbi vis, obnitente quidem & vires naturæ prolestante, quantum per artem & industriam fieri potuit, exercitatis. Medico, *Doct. Burjero*: sed frustra. Altiùs enim radices egerat malum, quam ut arte aut industria humana extirpari posset. Quocirca cum satis intelligeret D. BARTOLINUS fatalem illum & ultimum vitæ terminum imminere; eximium illum DEI servum, *Dn. Doctorem JOHANNEM CLUVERUM*, SS. Theol. in Regia Acad. Sorana Professore celeberrimè & Pastorem primarium, advocari curavit: coram quo ingenuam peccatorum suorum confessionem tanta devotione edidit, ut qui vivus vivum rectè vivendi exemplum fuit, moriturus rectè moriendi exemplar reliquerit. Naturæ communis infirmitatem deslebat: fide indubitata in mortem meritaque JESU CHRISTI immotus recumbebat: pro se, pro Ecclesia, pro uxore, pro liberis, pro omnibus verè pijs ardentes ad DEUM preces concipiebat. Antequam verò corpus & sanguinem CHRISTI participaret, rogatus in præsentia non tantum celeberrimorum Professorum; sed etiam Illustris Domini JUSTI HOGII, Domini hæreditarij de Giordslof, Regni Daniæ Senatoris honoratissimi, Regiæ & Equestris Academiæ Soranæ Directoris supremi, Viri in decus hujus sæculi planè nati; an  
quæ



quæ de DEO & rebus divinis, viva voce aut scripto, publicè privatimvè tradidisset, rara vellet: spiritu heroico, clara voce, corporeque ad devotionem, sed cum quadam Majestate conjunctam, composito, responder: Certum esse se, quod quicquid de DEO aut rebus regnum DEI attinentibus publicè privatimvè, viva voce aut scripto tradidisset, cum verbo divino exactè convenire: Paratum esse se cum hac sua doctrina coram tribunali JESU CHRISTI, judicis vivorum & mortuorum, comparere. Salvifico igitur epulo refectus, statim in JESU CHRISTO contra morbum, mortem, peccatum, Diabolum, triumphare incepit, & vix elapso horæ quadrante, defunctus strenuè omnibus Christianæ militiæ stipendijs, consummato cursu, decertato bono illo certamine, servata fide, animam suam, jam pertæsam curarum, jam saturam ærumnarum hujus mundi, jam exoptantem liberationem, jam vitæ æternæ gaudia prægustantem, jam servatorem JESUM cernentem, oculis in cælum sublatis, palmis ad sidera tentis, placidè inter devotas eorum qui aderant preces, DEO conditori suo, JESU Redemptori suo, Spiritui Sancto sanctificatori suo, reddidit, acclamantibus omnes: *Moriatur anima mea morte justorum.*

Corpus verò istud Spiritus Sancti habitaculum, Sora Hafniam translatum est, & in templo Academico, vel à sola Regum Danicorum coronatione satis noto & commendato, in certam resurrectionis spem, terræ gremio commissum: funere ab eminentissimis quibusdam Regni Daniæ proceribus, ab universo Academico & urbano senatu, ab honorato Pastorum ordine, à frequentissimo studiosorum & civium cætu, ad istam quietis sedem, solemniter deducto.

Ita occidit iste litterati ordinis sol: Ita occubuit Danicus iste Æsculapius: ita extincta est ista humanæ pariter ac divinæ sapientiæ fax lucidissima: ita mortuus est justus: ita sublatus est tot Prophetarum pater: ita curru & equitibus Israël subvectus est in cælum Doctor CASPARUS BARTOLINUS, quo mundus hic amplius non fuit dignus.

Tu verò, JESU CHRISTE, Ecclesiæ tuæ Pastor & Præses summe, tantum damnum sarci & nos tecum & cum beatissimo CASPARO BARTOLINO, te  
jam

jam in clarâ luce intuente & splendore suo stellas cœli longissimè superante, quàm maturrimè conjunge. Vos autem, quoties hoc pietatis Prytaneum, hoc sapientiæ domicilium ingredimini: toties hujus locum rarâ pietate, singulari prudentiâ, admirandâ sapientiâ *Doctoris Bartolini* vacuum esse cogitate. DIXI.

## E X S E Q V I I S

Rectoris Regiæ Hafniensis Academiæ  
Magnifici,

*Viri Reverendi, Clarissimi, longoq; rerum  
usu exercitatissimi*

DN. CASPARI BARTOLINI,

SS. Theologiæ, Medicinæ & Philosophiæ  
Doctore Excellentissimi,

*Amici, Collegæ, Fratris & Affinis sui  
desideratissimi.*

**O** Decus! O columen! O mens suprema Lycæi  
Hafniaci! O nostri delictum generis!  
Siccine jam linquis comitem gratumq; sodalem,  
Quiq; animi quondam pars quotacunq; tui?  
Rauraca nos junxit, fovit nos Danica tellus,  
Fratres effecit Finckia casta Venus.  
Artis Apollineæ, juncti tractavimus ambo  
Per varios casus, mystica sacra, diu.  
Italus est testis, Germanus, Gallus & acris  
Britannus, fortis Belgaquæ, savus Iber.  
Per mare, per terras, per tot discrimina rerum  
Inter nos crevit intemeratus amor:  
Quem nec livor edax, nec mentis sustulit unquam  
Diffidium. Ad tumulos integer usq; tuos.  
Heu mihi dum raptum, mœstus jam desceo, DONUM  
DIVINUM, ac lacrymis funera sæva fleo,  
Vxoris, Patris, gnata, dulciq; Sororis;  
Ecce tuas etiam cogor ad inferias.  
Heu dolor! heu luctus! tantorum nonne malorum  
Fini? Quo tandem, Mors inopina, ruis?

(E)

Siste

*Siste gradum: aut Mortis sæva dominator JESU*

*Per mortem, mortis spicula tolle, tuam.*

*Inter funera & lacrymas plangebatur*

OLAVS VVORM D. Med.

Prof. P.

### EPITAPHIUM.

**M** *Armoresi titulum tumuli lecture Viator,  
Da lachrymas, ni des, tu quoque marmor eris.  
Ista perennantis superant monumenta laboris;  
Hic amor, hic dolor est Portua cara tuum.  
Sed bene, si vixit, situs hac sub mole sepulcri est.  
Nomen at aeternum fama superstes agit.  
Sic manet ille quidem, neque mortuus esse feretur  
Qui post prima, nihil Fata secunda timet.  
O nimium felix, qui sic abis, haud pote quisquam  
Suavius extinguere nobiliusq; regi.*

### E T E O S T I C H O N.

*Annum, mensem, diem & tempus obitus subindicans.*

**T** *Er DeCles erat aCta Dies VIoLentIS IVLI:  
Hel, nesCIt Vitæ parCere parCa tVæ.*

JO. MEIERUS.

D. O. M. S.

CASP. BARTOLINO MALMOG.

THEOL. MED. AC. PHILOS. DOCT.

REG. ACAD. HAFN. P. P. ET. ROSCH. CAP. CANON.

INGENIO. DIVINO. DISSERENDIQUE. ACUMINE.

PIETATE. PRUDENTIA. JUSTITIA.

INTEGRITATE.

SINGULISQUE. INSERVIENDI. VOLUNTATE.

NON. DOMI. MINUS. XVII. ANN. IN.

ARTIUM. HUMAN.

MED. AC. THEOL. PROFESS. REGNIQUE.

GYMNASIIS.

VEL. REGIO. JUSSU. DESTINATA. INDUSTRIA.

QUAM. FORIS. IN. MELIORE. ORBI.

EUROP. VARIIS.

OBITIS. PEREGRIN. ET. MONUM. EDITIS.

NOBILITATO.

EX. RECTURÆ. ACAD. ITERAT. ET.

HONORE. ET. ONERE.

IN.

IN. COELEST. PATRIAM. IMMAT. MORTE.  
EVOCATO.

ANNA. FINCKIA.

CUM. VI. FIL. ET. I. FILIA. SUPERSTES.  
AMORIS. FIDEIQUE. CONJUG. ET.

PEREN. DESIDERII. MONUM.

B. M. P. C. M.

S C R I P T A.

Threnologia in obitum Annæ Catharinæ Reginæ Danorum, &c. *Francos.* 1614. in 4.

Oratio de ortu, progressu & incrementis Hafniensis: *Hafn.* 1620. in 4. *VVitteb.* 1645. in 4.

Rhetorica major: *Argent.* *Lipsia*, *Hafn.* alibi sæpius in 12.

Rhetorica minor: *Hafnia* 1630. in 8.

Oratoria major & minor: *ibid.* & alibi sæpius in 8. & 12.

Epigrammata extemporanea & carminum fasciculus: *ibid.* 1621. in 12.

Janitores Logici bini: *ibid.* & *Argent.* 1624. in 12.

Disputationes de genere Syllogismi, contra Scerbium, & de quæstionibus mixtis contra Keckermannum: *ib.* in 12.

Logica major locupletata: *ibid.* 1640. *Argent.* 1624. 1629. in 12. & 8.

Enchiridion Logicum: *ibid.* 1628. *Magdeb.* 1622. *VVitteb.* 1611. & 1614. *Argent.* 1628 in 12.

Metaphysica major: *Hafn.* & *Argent.* 1629. in 8. & 12.

Enchiridion Metaphysicum, ex Aristotelis optimorumque ejus interpretum monumentis adornatum: *Francos.* 1616. 1625. in 8. *Argent.* 1652. in 12.

Enchiridion Ethicum: *Hafn.* 1630. in 12.

Præcepta Physicæ generalis breviter explicata: *ibid.* 1621. in 12. & specialis *Rostoch.* 1630. in 12. & *Hafn.* in 8.

De Principijs rerum naturalium opusculum: *Hafn.* in 12.

De Natura opusculum: *ibid.* in 12.

De Mundo Tractatus: *VVitteb.* in 4. & *Hafn.* 1628. in 8. *Rostoch.* 1618. in 8.

Uranologia: *Hafn.* 1628. in 8.

Astrologia: *ibid.* 1616. in 8. & *VVitteb.* in 4. *Argent.* 1624. in 12.

De Elementis in genere, & in specie, de Terra, Aëre & Igni

Institutio Physica: *Hafn.* in 8. & *Rostoch.* in 12.



- De Aquis lib. duo: *Hafn.* in 8. *Francof.* 1621. in 12. *Rost.* in 12.  
 De Mixtione liber unus: *Hafn.* 1618. 1628. in 8. *Rost.* in 12.  
 De Meteoris libri IV. *ibid.* 1628. in 8.  
 De Rerum Naturalium perfecte mixtarum qualitatibus manifestis & occultis libri duo: *ibid.* 1628. in 8.  
 De corporibus perfecte mixtis inanimatis, seu Metallis, Lapidibus & Mineral. mediis liber: *ibid.* 1628. in 8.  
 De Anima: *VVitteb.* in 4. & *Hafn.* 1628. in 8.  
 De Lapide Nephritico opusculum, ubi simul de Amuletis omnibus præcipuis: *Hafn.* 1627. in 8.  
 De Unicornum opusculum: *ibid.* 1627. in 8.  
 De Pygmæis opusculum: *ibid.* 1628. in 8.  
 De Studio Medico inchoando & absolvendo Consilium: *ibid.* 1628. in 8.  
 Institutiones Anatomicæ: *VVitteb.* 1611. in 8. *Rostoch.* 1626. 1632 in 12. *Oxonia.* *Argent.* in 12. *Goslaria* 1632. in 8. *Haga Com.* in 8. Auctæ à Filio, Thoma Bartholino, *Lugd. Bat.* 1641. 1645. in 8.  
 Controversiæ Anatomicæ: *Goslaria* 1631. in 8.  
 Paradoxa Medica CCXL. *Basil.* in 4.  
 Problem. Philos. & Medic. Exercitat. decem, disputatæ in Academia Wittebergenfi: *VVitteb.* 1611. in 4.  
 Disputationes Philos. & Medicæ decem in Acad. Hafniensi disputatæ: *Hafnia* in 4.  
 Syntagma Medicum & Chirurgicum de cauterijs præsertim potestate agentibus seu Ruptorijs: *ibid.* 1624. in 4.  
 De Aëre Pestilenti corrigendo Consilium: *ibid.* in 8. & 4.  
 De Luthero Panegyricus: *ibid.* 1619. in 4.  
 De Coena Domini brevis institutio: *ibid.* in 12.  
 Manuctio ad veram Psycholog ex sacris literis: *ibid.* in 8.  
 De Natura Theologiæ: *ibid.* in 4.  
 De Partitionibus Scripturæ Sacræ: *ibid.* in 4.  
 Consilium de Studio Theologico inchoando & continuando: *ibid.* 1628. in 8.  
 In Orationem Dominicam Meditationes: *ibid.* in 12.  
 De Natura utraque Christi: *ibid.* in 12.  
 De Bello: *ibid.* in 12.  
 De Visitatione Mariæ: *ibid.* in 12.  
 De Benedictione Aharonis: *ibid.* in 12.  
 Instit. Anatomicæ, das ist / Unterricht der Zerlegung Menschlichen Leibes: *Kopenhagen* 1648. in 8.

ORATIO FUNEBRIS,

*Qua*

GREGORIO  
HORSTIO,  
ARCHIATRO ULMENSI.

*Parentavit*

JOHAN. DANIEL Dieterich/

Doctor Medicus.

ULMÆ, in Auditorio Majori XI. Calend. Octobris  
Anno Christi M DC XXXVI.

**D**E miserâ Vitæ hum. condituone, non tantum Sancti  
DEI homines protestari sunt: verum etiam saniorum  
Ethnicorum voces, in literas relatae, super sunt, quæ miser-  
rimam illam, & vel bestiarum sorte, (quod sano sensu ac-  
ceperis) abjectionem diffamant. Audiebat aliquando So-  
crates, Athenis in Theatro, Euripideum illud pronunciari,  
quod Latine sic sonat:

*Vox nulla tam molesta proferri potest,*

*Nullus dolor, nullum à DEO in vestrum malum,*

*Cujus genus nostrum haud gravetur pondere.*

Hæc sententiâ ita commotus est vir, vel Oraculo judica-  
tus Sapientissimus, ut surgens, altâ voce histrionem incla-  
maret, versusque modò editos repetere juberet. Sunt sanè  
aurei verè, suoque autore dignissimi illi, & omnino βιωφε-  
λῆς: quos communis experientia nunquam fefellisse con-  
vincit. In hominem omnia tenduntur fortunæ tela: exci-  
pit is omnes adversitatum ictus. Tum, ubi modò firmitus,  
hilariusque incedere visus est, levi impulsu vestigio excidit:  
quodque solum plantâ modò prefferat, jam toto trunco  
prostratus, anhelus; ad modulum corpusculi, lineis distin-  
guit. Objicit nobis dictorum exemplum spectatissimum,  
Nobilis, Excellentissimus, consummatæque doctrinæ ac-  
usus, Virtutis & humanitatis, Dn. GREGORIVS HOR-  
STIVS, Medicinarum Doctor, Consiliarius Hassiacus,  
Reip. nostræ Physicus, Collegijque Med. Antistes meritiissi-  
mus. Is enim posteaquam secunda, quæ vocant, expleret

(E) 3

VOTA,

vota, ( id quod proximè superioris anni Mense Junio peractum : jamque conjugalem lineam ex animi sententiâ duceret, amantissimè ab amantissima marita habitus, domiq; ac foris felix, optatâ *εὐτυχίᾳ* gauderet : ecce ! malo arthritico, quod multò antè non semel fortiter sustinendo repulserat, invaditur : nec defuit comitatus aliorum symptomatum, imprimis *ἀροαξίας*. Unde naturalia paulatim, & vitalia deficere cœperunt. Cæterum, quas Animales dicunt vires, eas tam vegetas, tam expeditas servavit : ut divinis & humanis cogitandis, enunciandisq;e, usq; ad ultimam vitæ incitamentum, sufficeret. Succubuit nihilominus tandem Medentû alpha, inter Medentum curas, & ministeria, & placidissimè animam suam Conditori Summo, in æterno Beatorû Concilio fovendam reddidit. Hæc est Catastrophe Maximi Viri ! Nam de reliquis vitæ actibus quæ exponenda hîc forent, plagulæ chartacæ angustia non capit. Neque deerunt ( summus certissimi ) digni præcones ; quorum alius aliud curriculum illius membrum efferet : omnia unus vix poterit. Nempe duo de LX. annos exegit : quod satis quidem longum vivendi spatium videatur, si ultimæ hujus ætatis pensitaveris *ἀπώλειαν* : veruntamen breve quis dixerit, ad immensitatem gloriæ, famæq; respiciens. Clarus quippe fuit natalium nomine : Ortus ex *Μυσῖς Τόργα*, Patre cognomine, Senatore ibi ac Ædili : Matre *Bornitia* gentis, *Annâ*. Quod decus, ut & plurima alia HORSTIAS *Hebenstreittiana* studiosè depinxit. Studia literarum ac Pietatis in patriâ primum : inde *Halberstadij* : ulterius *Ilfeldæ* ( ubi doctrina & virtus eminebat *Neandri* ) excoluit ; Humanitatis illa, linguarum se. Poëseos, & dulcissimarum artium. Suscepit deinde pleno gradu pergentem, *Helmstadium* : post idea *VVitebergæ* : quibus in Lyceis cum Philosophiæ sublimia, tum Medicinæ oracula imbibit : *Laurum* verò *Philosophicam Doctorem* specimina privatæ institutionis dexterrime, ipsi in *Leucorea* pepererunt. Hinc Apodemicæ sese exposuit, & pulcerrimum circulum peragrando, nobilissimarû regionum ( nominatim *Austriæ* ) Dynastis, populisque innotuit. Adivit etiam *Alsatiæ*, & *Helvetios*, excurrens ad *Gebennenses* usque : Mox *Basileam* adiens, quod summum in vitâ exoptare poterat, vereq; *χρυσὴν ἀνάδνημα*, DOCTVRÆ Medicæ Insignib. ibid. exornatur : quod factum Anno cld Ioc VI. Protinus ab *Electore Saxon. VVitebergam* vocatus, functionem spectatissimam alij cedere non dubitavit. *Seltquellam* contra migrare debuit : ivit ;

Anno

Anno VII. *Giesam* concedere: eò venit. Anno VIII. Professoris honoratissimus: in Magistratu etiam Magnus. Anno IX. Principi suo familiarior, *Archiater* audit: illumq; quaquaversum fidus Minister sequitur. Interea & maritalem conditionem exosculatus, HEDWIGEN STAMMIAM, Virginem lectissimam consarreatione sibi sacrosanctâ copulat: idque Anno XV. Anno denique XXII. ab *Vima* nostrâ ferventibus votis expetitus honestissimè excipitur, *Medicò*, Corpori *Director* præficitur. Hic cum se præstitit, ut intra Urbem summis & infimis: extra toti *Alemaniam*, *Franconiam*, *Bavariam*, *Noricò*, *Horstiano* nomine nihil prædicatum fuerit nobilius. De divinæ Artis dexteritate: de dulcissima *ομιλία* & conversatione, cujus sensus in nobis omnibus recentissimè palpitat: de placidissimâ, & planè *ἡθικῇ* morum compositione, omnis acerbitalis experte: de Consiliorum in durioribus & periculosis casibus *ἐννοία*, de alijs omnibus verè *παραγών* Medici, Philosophi, Inquilini, Christiani, attributis verbosi esse, si synopticum hoc institutum permetteret, cur detrectaremus? cum vix vici Urbis, ædes & conclavia decumbentium à suspirijs, & querulis vocibus sibi temperare posse videantur. Quid statuemus de defuncti *Liberis*, numero VI? de quibus tres filij inter Peregrinos hodie degunt: sed omnes parentum indolem referre partim satagent, partim jam hoc agunt. *Scripta* vero & monumenta aurea, alia edita, alia affecta, totius Germaniæ, neque non Italiæ, Galliæ, aliarumq; Christiani Orbis terrarum Ingenia consummata æstimabunt; quorû omnium unum extabit suffragium: HORSTIUM Ulmanorum, fuisse ΜΙΜΗΜΑ ΔΑΙΜΟΝΙΟΝ. Tantum itaque decus amisimus; sed revera ad cœlos meliore sensu amisimus. Vivat ibi Anima, divin. & humanarum rerum cognitione apud nos abundantissima! Vestrum est, Corporis exuviis honorem habere ultimum. Deducite ergo deinceps, (horam, locumque habetis cognitum) summâ cum veneratione tantorum donorum diversorium, tam *πολυπρεπὲς ἔργον* in literatorum coronâ: & humanæ memores *εὐμφορίας* RECTE VIVERE studete, Servi DEI, Ministri mortalium, veræ laudis, adminiculo *καλοκαγαθίας* inculpatæ, adipiscendæ cupientes. Ita vos cœlestis Prothymia, *σκέπη ἐλπίς* faciat: & tandem æternæ felicitatis participes! Amen.

P. P. XII Augusti, ANNO Ultimæ DEI *μακροθυμίας* εὐς, loc. XXXVI.

(E) 4

DIRE-




## DIRECTOR

&amp;

CONSILIUM GYMNASII  
ULMENS.

**L**audandi defunctos consuetudinem non tantum gentes humanitate politiores probaverunt: verum etiam barbaræ facti ipso asciverunt. De Ægyptijs consulenda est Diodori Bibliotheca, Græci tamen Romanis seriùs Encomia legitimis funeris ritibus addiderunt, si Dionysio credimus. Quod si huic etiam in alia quadam re fidem habuerimus: profectò morem funebris laudationis apud istos prudentiùs, quàm apud illos constitutum deprehendemus. Attici quippè ex unicà ferè virtute laudes Popularem metiebantur: si quis nimirum fortiter agendo, & patièdo, pro Patriâ occubuisse: Romam verò viris cum togatâ, tum bellicâ virtute, tum etiam alijs in Rempubl. meritis insignibus, honorem postremum habebant. Quamquam non solum in Exequijs præstantium Virorum facta, dictaque verbis ornabantur; verum etiam ἐν τοῖς καμμοῖς, in convivij; indeque nata Encomij vox. Res autem ipsa non Græcis solis, sed & populo DE I usurpata de illis apud Athenarum; de hoc in Davidicâ inprimis Historiâ claræ exstant expositiones. Cur autem actus hujusmodi, curæque (τὰ κηδη,) susceptæ fuerint, quis, nisi fungus, ignorat? Concurrunt ad illas ratio Justitiæ δαίμωνις, tum officij πατριωτικῆς, & παρυδρυμικῆς; denique muneris ἑσσυμενικῆς. Quid enim justius, quàm laudare laudem meritos? quid dignius, quàm exemplis cum universos, tum inprimis juventutem constantibus corroborare? Quid tandem humanius, quàm mæstos solari, editâ significatione doloris communis? Et huic fini Hierarchia, inprimis Scholastica servire consuevit. Præter enim operam, etiam in vulgus notam, ejusque captui commodantem, qualis in Ecclesia adhiberi solet, polito insuper, adeoque literato hominum generi Imagines celebriores, adhuc proponere, non dubitavit. Id quod vel in nostro Ludo summâ religione observari vidimus: & observandum fuisse in PARENTATIONE HORSTIANA (proh! quantum indigitamus virum! quode nihil tam amplum, tam eximium dici

dici poterit, quin idem virtute sit suâ supergressus: ) per-  
 eleganter edocebit Præcellenti doctrinâ, virtute ac usu  
 Spectatiss. Vir, Dn. JOH. DANIEL DIETERI-  
 CVS, Medicus Doctor florentissimè eminens, amicus  
 noster dilectus. Neque hoc officij Professioni, aut pro-  
 pinquitate tantùm existimavit præstandum: pias virum  
 hûc attraxit, studiumque Heroi Incomparabili postremi  
 honoris iusta exolvendi. Verba itaque faciet, quantum  
 permiserit temporis, atque præsentium ratio, vel ( ut ἐν  
 ζήσῃσις πρόσω ex Polybio proponere liceat: ) λίξι πρὸς  
 περιλειπόμεναι τὰς APETΑΣ, καὶ τὰς ἐπιπελιευμένας ἐν τοῖς  
 ζῶν ΠΡΑΞΕΙΣ. Nihil autem dubitationis habemus, quin,  
 quotquot accesseritis ad μερμηκίαν nostram, vix audito Ma-  
 gni HORSTII nomine, videre visuri sitis Erectam Vi-  
 ri Medici & Philosophi τετραγώνου Figuram: in eandemq;  
 intuentes, præconiumque simul auribus percipientes, ex-  
 clamaturi: Vtinam conelamatus ad nos reverti posset!  
 Verùm vota hæc à spe & usu humano aliena sunt. Magis  
 est, ut conditionis communis memores, præterita ne ne-  
 gligamus: de præsentib. συμφρονῶντες μᾶλλον, ἢ πολυκωφε-  
 γμονῶντες futura autem nunquam ex oculis mentis dilabi  
 sinamus. Hæc, ô benevoli LECTORVM, trutinantes,  
 & HORSTIVM ipsum, & ejus Studiosiss. nervosumque  
 Præconem; utrumque debito prosequemini officio: nos  
 præterea beneficio; cui paria facere, ubi oportunitas fuerit  
 data magno studio annitemur. Valete. P. P. Festo Mat-  
 thæi, Anno R. O. cId Idc XXXVI.



## ORATIO FUNEBRIS.

**D**omine DEUS, irâ tuâ deficiamus, & fervente indignatione tuâ terremur: iniquitates nostras in conspectum collocaſti tuum, occulta noſtra in lumen faciei tuæ. Nam cuncti dies noſtri te irascente dilabuntur, annos noſtros finimus dicto citius. Sed quis novit poteſtatem iræ tuæ, & præ timore tuo iram tuam dinumerare? *Liceat mihi, Auditores omnium ordinum admodum Reyer. Magnifici, Nobiliſſimi, Venerandi, Conſultiſſimi, Experiendiſſimi, Humaniſſimi! Liceat, inquam, mihi iisdem verbis iudiciorum Divinorum admirari magnitudinem, quibus vir ille divina familiaritatis Moſes, humana vita miſeriâ deplorabat, ex eò, quòd peccatis Populi laceſſitus I E H O V A H, Iſraelitarum multas myriades è medio ſuſtulerat. Quamquam enim hoc ipſo decrepito noſtro tempore, non tanta ſavitia deſymæ præſto ſunt; nec tam exiguo temporis curſu, tot millia eripiuntur; ſavus tamen Mars à longo jam dulciſſimam Patriam Germaniam perreptans, ſolum ab Anno Mil-leſimo Sexcenteſimo octavo, ad Mil-leſimum Sexcentiſſimum quartum & viceſimum, atteſtante Chronologo Alſtedio, octoginta mil-lia Mil-ium atrociſſimo ſua acinace trucidavit. Nec minùs extra Mil-itis jaſturam ubiq;*

Miſta Senum ac Juvenum denſantur funera; nullum  
Sæva caput Proſerpina fugit.

*Nec de face duntaxat hominum agmina fatiſ perſunguntur: ſed Curia ſuos luget; huic ſiquidem Magiſtratuſ Vlmico, qui ingentes columnas, aliâq; florentia virentiaq; Germi-na hæcenus derepta, & proſtrata non vidit? mœret Ecceſſia DEL: cuius verè militantiſ Fulcimenta, Theologos adhuc diu vigentes, Deus benigniſſimè conſervet. Tota Regionis & ampla civitates conſecta ſenio ſunt. Et quid non præterea? Forum Medicum, optimum & fidiſſimum ἐπιστήμη GREGORIUM HORSTIUM, virum quâ Scripta, quâ Præctica beneficia de hac noſtra Republicâ, ec-quid dico de hac Republicâ? tota de Germania meritiſſimum, notiſſimum lamentatur. Quis itaq; cum Moſe non jure exclamet? Domine Deus, irâ tuâ deficiamus, & fervente indignatione tuâ terremur: iniquitates noſtras in conſpectum tuum collocaſti, occulta noſtra in lumen faciei tuæ. Nam cuncti dies*

dies nostri te irascente dilabuntur, annos nostros finimus dicto citius. Sed quis novit potestatem iræ tuæ, & præ timore tuo iram tuam dinumerare?

Quandoquidem autem optimo veterum instituto obtinet, ut præcellentium atq; diviniore quâdam mente præditorum virorum funera, laudatione solennis cohonestentur: id in celebratissimi HORSTII nostri funesto funere, in isto omnium laudandarum artium publico Athenæo neglectum iri, in humanum, & penè nefas arbitrabar. Non, quod me, sacundia vacuo, laudum præcæne indigeat: siquidem superstes adhuc dum, communi omnium calculo Ennianum illud dicere de se poterat,

Nemo me lachrymis decoret, neque funera fletu

Faxit: Cur? volito vivus per ora virum:

Sed ne in Beatum Affinem meum, quem vivum, Medica familia Coryphaum veneratus sum, ingratus; neve populo Iudaico a DEO illatam incurrere videar reprehensionem: Justus perit, neque quisquam hoc in corde reponit, homines benefici tolluntur, & nemo est qui expendat.

Si autem luctus vester, Auditores, vehementissimus, in quem vos HORSTII nostri insperatus excessus præcipitavit, mollia & ad amussim exquisita verba desideraret; aut si deceret eos, quos summa tristitia sensus occupavit, ad suavem aliquem sermonis adparatum mentes erigere: non ego me vobis ostensum, Cathedram hanc concendissem. Alia enim qua tracto Studia, perraro mihi in hac amœniora digressum permittunt; nec me unquam ad cultum Eloquentia urfit conditio vita: adeoq; ut si vos ex tristitia situ squaloreq; ex pergisceremini, mihi cum dedecore discedendum foret, qui jam vix cum rubore consisto. Verum interim oro vos, obtestorq; Auditores per manes Defuncti nostri: ut cuius inaccessam nullus non admiratus est virtutem, ejus vitam seriem & gloria curriculum a quo animo audiatu.

Qui de arte dicendi præcipiunt, vetant eorum, quos laudandos suscipimus, patriam, & πατρίδα præterire; quod Parentum Majorumq; virtus velut è fonte ducta, clatier antiorq; ad Posteriores emanet. Alij non parum momenti situm esse autumant in illo terra sinu, in quo orti, in quem excepti sunt, ubi primum hausere cælum; cum, ut Simonides dicebat, beatè perfectâ ratione victuro, ante alia Patriam conveniat esse gloriosam. Hanc tamen ego legem mihi insuper habendam duxi, quod laudabilius

(e)

videatur



# MEMORIA

videatur sibi ipsi parere, quam ab aliis per manus & quasi tributitium accipere nominis splendorem, quem illi iactare solent magnifice, qui in aliena lucis objectu aut suas tenebras dissimulant, aut turpitudinem verentur.

Cancrorum genus est minimorum, quos Pinnotheras Plinius vocat; isti, quod tutiores sint, inanini ostrearum testis se condunt, & cum accreverint migrant in capaciores: Ita quidam majorum suorum iululis se tuentur, cum suis propriis diffidant virtutibus, & a fortunâ petunt, quod circa se non inveniunt, qua fatuo ut plurimum delectu in eum munificentior, qui improbius.

Neque id tamen à me propterea dici velim, quasi Defunctus noster ignobili Patriâ ortus, aut obscuro genere natus sit.

Quid enim? an Saxoniam, illam Martialis populi altricem humum, an Misniam Germania nostra cellam penuariam, laudibus extollam?

Defuncti  
Patris.

an de Iacobo Nostri Patruo dicam, Medico olim conjunctatissimo, Professore Helmstadiensi celebratissimo? an Parentem Georgium laudabo, Senatorem & Aedilem olim Reipublica Torgensis meritissimum, hominem prisci illius ævi, sine cerussa aut similitudine huius seculi? possem equidem, & quidem copiose: cum hic maiorem se filium genuerit, Sed multo magis hominem aestimamus ab iis, qua in ipso, quàm extra ipsum sunt: qua in potestate nostrâ nec sunt nec fuerunt, ita plerumque cæco novercantis fortuna arbitrio dispensantur. Quapropter suspensis his omnibus, Medicum nostrum censu suo divitem intueamur, & quam in hac vite fabula personam egerit, contemplemur.

Nativitas.

1578. Bono itaque publico natus est GREGORIUS HORSTIUS, Torgæ, amœno & pervetusto ad Albim oppido; quod Dagoberto incunabula & foundationem suam debet; Anno æræ Christianæ Millesimo Quingentesimo Septuagesimo Octavo, ex

Mater.

Matre (Patrem enim jam diximus) de antiquâ Bornitiorum familia, Jacobi Bornitij p.m. civis Torgensis Primarij, filia.

Educatio.

Vix autem crepundiis valedixerat, literarum tamen rudimentis, quarum capax tenella ætas esse solet, patrio in Ludo prius hau-

1591.

stis, cum illum parentes ad Gymnasium Göttingense ablegarunt, ut ejus ibi informes anni ulteriori literarum studio imbuerentur, primosq; humanitatis rivos delibarent: ubi biennio

1593.

versatus, ad Scholam Halberstadensem mittitur, fideiq; sui

Studia  
Adolescentiæ.

Patris, venerandi Senus p.m. conceditur, Hic præclari ingenij Adolescentulus, in disciplinarum incude positus, eos sub ductu Præceptorum fecit progressus, ut celeriter cœtaneos suos ingenij

## HORSTIANA.

ingenij gloria antecelleret, & summo calide Musaeo passu ad maturitatem iudicii acceleraret, festinâq; & festivâ indole multorum vota praecurreret.

Quare promotione & suâsu modò dicti Patru sui, sagacis ingeniorum astimatoris, in illustre Ilfeldense Collegium cooptatur; ubi pari sedulitatis intentione ingenium magis magisq; excolens, primò omnium Linguarum usû principum, Graeca, Latina, nec minus Poeseos hausit opes. & ad arduissim melioris illius a vi exegit, & perpolivit. Hinc illius jam capax virtutis, quâ olim Roma Toga Purâ dari solebat, Anno Millesimo, Quingentesimo, Septimo & Nonagesimo in Academicam Juliam concessit: ubi cum in primâ jam limaturâ Philosophiae & Medicina positus esset, quadriennij spatio ferè elapsedo Wittebergam fausto pede adiit. Nam ut Planta interdum, si transferantur, felicius surgunt; ita Ingenia excelsa plerumque migrant cum fructu de Lyceo in Lyceum.

Excursus in  
Academias.

Juliam,  
1597.

VWittebergam  
1600.

In his verò Academicis ita versatus est, ut, quod olim in sacris, & ludis solemnibus populo acclamabatur: Hoc Age; sibi, qui sacris Musarum & ludo literario interesset, acclamari unice crediderit.

Cum enim se, & Studia sua Divina Meditatio destinaret, noluit peccare quod ferè solent, peccatum, maximo suo malo, ut illotis manibus sacratissimam illam Artem contrectaret; sed os prius linguis necessarius, pectusq; traditis Artium, & Philosophiae ita instruxit, (ad sit hic testimoniorum Cornu, Laurea Magisterij, Witteberge meritis lubenterq; sibi à Concilio Philosophorum collata; hanc mox subsequuta Collegia Philosophica, cum laude eximia ibidem actitata, in quibus incunabula futuri nominis gloriosi, Institutiones Logicas, postmodum typis exscriptas, posuit, & firmavit: ut dein meliore auspicio eminentissimam illam Professionem adfectaret, feliciusq; deinceps in eadem versaretur.

Laurus  
Philosophicae

Felicius dico, quàm modernorum latrices Studiosorum plurimi, & amœniores literas & Philosophiae cultum partim pro inutili omnino, neq; nebula cyathore dimenda curiositate habentes, quasi non sint de pane lucrando; Qui, ubi primùm de Hippocrate, & Galeno, Praeceptoribus nostris communibus, & tñs πᾶν, certiores facti sunt, credunt se jam in alium orbem delatos, imò cum superis nectar bibere: mox & sequuntur descriptiones varias, in quibus nescio quos aureos Picorum montes contineri Blenni & Bardi isti somniant, hinc inde erradunt, & ad unguem memoria insignunt quas dein, ut & Seneca nostri Aphorismos, haud intellectos, servidè uno spiritu

(e) 2 citant;

# MEMORIA

citant, & recitant, extemplo Doctoratus Medici Regiæ sitientes, ambientes, imò publicis in thesibus crudo ex iudicio & Priscorum & Neotericorum Præclariss. Medicorum sententias perstringentes & frigide taxantes. Quo tandem id efficiunt, ut in immenso latrices illo Oceano misere fluctuent, & cum Petroniano piscatore sine spe præda in scopulo morentur, ingloriamq; gloriationem suam doctioribus deridendam exponant. Verum è diverticulo in viam. Cum in Academia illa VVittebergensi non tam Philosophia, quàm Medicina studio usq; ad eò incumberet, ut difficilima quaque in abstrusis rerum latibulis, & absconditis natura recessibus demersa, curiosa Ingenii acritudine, felici sensus perspicaciâ, singulari mentis acie, versasset, Præceos quoque nomine iam satis benè inclaruisset, ibidemq; satis diu mansisse sibi videretur; (Septennium enim ibi fermè exegit:) ad Peregrinationes animum adjiciens ulteriore Præceos stimulo impulsus, VVittebergâ ad peregrinos excucurrit Lares; qui etiam illum superiori in Austria integrum ferè Biennium ambabus ulnis detinuerunt; nec minus apud Barones, Primates, Nobiles & Plebeios felicissimum & innotescentissimum Medicum Præcticum ibidem viderunt, & foverunt.

Scopus Peregrinat. O felicem HORSTIUM, qui, quod in rem suam, inq; Rempublicam & Literariam & Civicam futurum esse, acquisivit, iudicium firmavit, atque ita ex varia rerum notitia Praxin suam virentem rigare, ei aliquid ipse addere, famamq; suam monimentis hisce literariis per Orbem extendere voluit. Ex hac itaq; peregrinatione id reportavit Noster, ut felicitate Præceos velut indivisi Achatis, latus, excursionem continuando, utramq; Austriam, tum Bavariam, Sueviam, Alsatiam, Helvetiam transierit, harumq; Regionum moribus dextrè observatis Genevam, (hic exigua mora illius animum linguâ Gallicâ expolièrat;) tandemq; in pervetustam, & celebrem illam Rauracorum Academiam Basileam se reciperet; ubi cum ingens divine Artis Pæonia spatium legitime emensus, & secundo cursu in portum delatus esset, summos in eâ honores publico testimonio promeruit, resutiq; quos sanè omnium studia, & affectus jam dudum illi tribuebant.

Doctrinæ Medicæ Insignia. 1606. En Auditores, uberrimum peregrinationis bonis artibus instituta fructum! alienissimum profectò illum, à præsentis ævi Peregrinantium instituto, qui, etsi insanientem Bosphorum, & arantes arenas Assyrii Maris tentent, horum tamen morbum, palmaria

## HORSTIANA.

*palmaria quaque videns, nil præter olentes illas Antiquitates indagare solet, ubi tocorum Apicii Culina? ubi Messalina Fornix? ubi Apollo Luculli? cujus equus Curtius? & quod innutritum quasi, Vinum æternum chio sapidius? & talia tricarum & apinarum alia multa.*

Sed quid inde GREGORIUS noster celsioris Numinis Redi-  
compos factus? pergit ille coronâ Medicâ exsplendescens in Pa- tus in  
triam; ubi Coronationis illius proprio virtutum stimulo parta Patriâ  
fulgorem, & mente & manu latius protendere, inq; posterita 1606.  
tem transferre pleno cursu anhelans festinat. Quod desiderium  
optimè etiam cessit. A Nativò enim receptus osculoq; exceptus  
solo, simul fuit: fama HORSTIANA apud Saxones ante-  
parta, novari incipit; Ejusdem enim anni sub excursu, à Se-  
renissimo Electore & Duce Saxonia CHRISTIANO II. Wit- Munia  
tebergam in Professorum Medicorum numerum allectus est; quo Publica  
in munere ita stetit, ut omnes labores Academicos, cum quadam Medic.  
voluptate & alacritate animi subiret, pensum suum probè accu- VVitte-  
raret, non modò pro Cathedrâ voce, sed domi etiam calamo ca- bergæ  
lidè res suas exequeretur; cuius rei fidissimum pignus, Nobiles il- 1606.  
lius, de Natura Humana Exercitationes, ibidem primùm publici  
juri facti, largiuntur. Hic singularis in officio candor, judi-  
ciiq; vigor prosperè ipsi vertit, auresq; hominum & fama patefe-  
cit. Incliti enim Proceres & Nobiles elapso annuo spatio, eum  
Soltquellam Veteris Marchia Brandenburgica, Medicum ordina- Medic.  
rium experierunt, quò etiam advolitans, ita præclarè provinciam Solt-  
sui muneris sustinuit, ut illam non subisse, sed omnibus numeris quell.  
implevisse meritò diceretur. Sed quid sit? Medicus noster hac sub fi-  
suâ sorte contentus, ex arcanâ cœlestis providentiæ dispositione, nē anni  
ab Illustrissimo Hassiæ Landgravio LUDOVICO (quem 1607.  
consentiens fama calculus Fidelitatis titulo decoravit.) non con-  
temnendo salario proposito evocatur, in Academia Ludoviciana Profess.  
na Medici Professoris titulo cohonestandus. Quod præ illustre Medic9  
LUDOVICI judicium egregiam meretur laudem, quam & Giesse.  
Noster, quia merebatur, accepit, vicissimq; plenâ manu Confe- 1608.  
renti bona sua reddidit, Academiam Novam & Musarum &  
Gratiarum suarum uberrimo proventu copiosorem, illustriorem,  
& clariorem reddendo. Dubium esse non poterat, Illustrissimum  
LUDOVICUM plurimis virtutibus instar sideris coruscare,  
qui alienas raro exemplo inquireret ultro, atq; ad se traheret. Hic  
ergo Medicus HORSTIUS anteaños, & aliquà suspensos



## MEMORIA

Professorios labores repetens, ampliorem materiam virtutum suarum ad posteritatem transmittere: hic ulterius trophaum de perfecta sua laurices eruditione statuere pergit (Hoc enim à tempore, quà voce, quà calamo, quà privatim, quà pro Cathedra, partes indefessi Medici Professoris executus est omnes, id opera sibi unice dari credens, ut fidem in officio erga Studiosam Iuventutem examussim demonstraret.

Quam ipsam etiam adeò feliciter locavit, uti plurimi insigniores rivuli, medicà sescentes arte, totam in Europam ab ipso tanquam perenni fonte derivati, atque velut proba materia probum attestati sunt artificem.) Longè ergò diversus hic à valetudinario illorum Professorum, qui presentis nostri seculi Studentes neque fide, neque arte adjuutos, cum logis fictis sesquipedalibus commentitiis, omni virtutum dote vacuos ad Parentes remittunt, modò interim illi hydropicas istorum reddiderint crumenas. Porro Medicus noster Professor de obscuris perspicuè, de dubiis accuratè disse-

Scripta rebat, scribebat. Versantur illius Libri, tunc equidem temporis scripti, in luce fama publica, qui velut germana pignora, virtutem Authoris sui testantur. Edidit enim Anno 1609.

accuratissimam universa Ἱατρικῆς elaborationem, locis Galenicis & Hippocraticis illustratam (mox insequenti Anno) pernecessariam Centuriam problematum διεγερτικῶν; his accessit An. 1612. nervosa ἐξέτασις παθολογική: Libri item duo de Natura humana, denudò incudi redditi, quibus ut & aliis, paulò post recensendis, monumentis ad unguem factis, non tam Rem literariam, quam Publicum optimum, sibi maximè obligavit. Vnum quippe hoc dies noctesq; intendit, ut Medicinam agendo, docendo, altioris fama fastigium solidius constitueret. Vnde ut publicum lumen mundi Sol, cùm recenti manè radiis suis promicat, eorum luce angustissimas quasq; rimas trajicit: Ita

HORSTIANI luminis fulgor non ad inferiores auntaxat, sed & intra laqueata Principum tecta lucis suae radios immisit: qui cùm in oculos quoq; Illustrissimi LUDOVICI incurrent, eum etiam non sine locuplete honorata virtutis puncto, Archiatrum suum Princeps Celsissimus constituit. Quantà porro

Archi-  
ater  
Hassia-  
eus au-  
dit:  
1609.

apud Serenissima Hessorum lumina aliosq; Magnates, Satrapas, & Nobiles (qui omnes & singuli à consiliis ipsius medicis pendebant,) gratià polluerit, ex conserto numero illustrium & nobilium Curarum (quarum recensio Librum requireret, nedum bora unius angustiam, cuius ego cancellis artissimè sum circumseptus,) ex Itineribus item illustribus, Pragam, Coloniam,

1610,  
1611.

Erphor-

Ephordiam, ad Comitia Ratisbonensia, quo laudatissimus mo- 1613.  
do dictus LUDOVICUS concessit, publica in operâ institutis,  
ubi tam Medicus, quàm graciosus & acceptatus comes fuit, li-  
quidum existit. Non dicam jam de Numismatibus graciosis va-  
riis, à Principibus & Magnatibus ipsi oblatis; qua non nisi in be-  
ne merentes & graciosos transferri novimus.

Verum enim verò publicis hoc modo feliciter procuratis, Ar-  
chiatro Nostro Hassiaco solitaria vita pertaso, sibi privato quæque  
in vigilare curatio fuit. Igitur vel tandem animum ad con-  
jugium adpulit, exemploq; suo vetus illud Euripidis comproba-  
vit, Fatalem viro sceminaq; torum esse. Itaque ex Acade-  
mia cuius jam per Quinquennium Professor erat, sibi Conjugem  
elegit. Nimirum & morum & virtutum & formæ ornamentis  
conspiciam, lætissimamq; Virginem, HEDWIGEN, Viri in Sacra  
tegritatis famâ præcellentissimi, DANIELIS STAMMII, jugalia  
p. m. Quæstoris Giessensis, Filiam: quod factum Anno 1615. prima  
d. Decemb. 4. quo ipso die ante annos Sexaginta Octo mor- 1615.  
talitatem explevit, Iohan. Schneidvvein, fulgentissimum illud  
lurupudentia Sidus. Huic optima consorti sua, dum fata  
Deusq; sinebant, ex veteri formula felicissimè convixit, & opti-  
mè cohabitavit. Quid autem hic Archiater noster glorio-  
sus, concessit ne illorum in numerum, qui blandâ venere den-  
tenti, omnem Musis remittunt nuntium? Nullatenus, sed  
potius domesticis, privatisq; omnibus scitè adornatis, fama sua  
gloriam & calamo, & ore, & Præxi expandere, & diffundere  
satagit.

Qui circa natura arcana occupantur, tradunt, non reti-  
bus, aut venabulis, sed speculo duntaxat Tigrides capi; qua  
ita in medio viarum eriguntur, ut oriens ex adverso Sol, suos  
in ea radios projiciendo, alterum velut Solem producat. Ad  
hac specula cum maculosa ista adrepunt fera, in iisq; solem alium,  
& seipsum juxta intuentur, quasi illaqueata subsistunt, nulloq;  
negotio capiuntur. Non absimili modo studiosam juventutem  
medica in viâ deerrantem, laqueis medico rore madefactis irre-  
tire voluit Archiater, noster ille Vinator scitissimus: cui Phi-  
losophia & Diis genita artis Machaonia speculum, ex magno  
Scriptorum suorum proventu concinnatum; perspectum dico  
Tractatum de tuenda sanitate studiosorum & literatorum, sa-  
pius recusum objecit, qui non modo ironibus, sed & doctioribus  
& provecioribusque viris apprimè saluti & voluptati esse poterit.

## MEMORIA

Exquisitas præterea Vugarica luis, Dysenteria, Variolatum & Morbillorum enodationes. Libellum de Scorbuto germanico idiomate scriptum. Conciliatoris porro eruditam enucleationem. Dissertationes item insigniores Tres, de causis similitudinis & dissimilitudinis in fœtu: de Natura Amoris: de Natura Thermarum. Sic, inquam, studiosa Iuventuti speculum hoc eruditum, nec minus paulò ante enumerata monumenta literaria, opposuit: in quo salutaris Iatrices illa solem, atque adèò seipsam per avia deerrantem contemplaretur: tum profectò è vestigio sublitit velut incantata, nec minus impolitam mentem omni mellifluo succo inde emanante irrigavit, suæq; captatori vietas & gratiosas manus porrexuit. Cur igitur nostrum consummata eruditionis Professore Medicum hoc nomine non admiremur? qui quos habebat dogmaticorum Consiliorum thesauros, tamâ fidelitate & dexterritate de promisit, idq; negotij unicè sibi dari credidit, ne quid his in dictis litterariis loqueretur quod tacere, aut quid taceret, quod loqui præstaret: Ludovicianam autem Academiam ita exultam redderet, ut publici boni ratio haberetur, nec Placentiam potius quam Veronam Studiosos ducere videretur.

Archia-  
ter Ul-  
menfis.  
1622.

Ex his itaque videmus, quam satis amplum gloria sua the-  
aurum HORSTIUS noster apud Hessos existenterit, cuius ru-  
mor cum & ad hanc nostram Rempublicam Ulmanam, præ-  
cipuè ex ore venerandi Domini mei. Parentis delatus esset, fa-  
tum est divinitus, ut Amplissimus Magistratus noster, ab Illu-  
strissimo Hassia Landgravio LUDOVICO, Archiatrum Has-  
siacum sollicitaret in Vlmicum, quæ sollicitatio etiam ad nutum  
cedens, & HORSTIO, & Reipublica nostra honoratissima, &  
utilissima extitit. Quandoquidem ipsissimo tum temporis eoque  
severo Martis in tumultu, Excubiis Angelicis, promotione item  
Reverendissimorum Principum, Abbatis Fuldensis, & Episcopi  
Herbipolensis (quibus utriusq; erat à Consiliis Medicis) adjunctus  
Noribergam, hinc pridie Calendarum Iulij Vlmam nostram tam  
publico Magistratus, quàm privatorum cultu exceptus, feliciter  
cum suis appulit Archiater noster.

Hac est illa dies albo signanda lapillo!

Hac dies, O Vlma, Perfectissimum, & miraculum usq; do-  
ctum tibi attulit Medicum. Quid enim? antea quidem admi-  
rabaris Fuchsum, Rabus, Kuchelium, Verbeziun, aliosq;  
tum

rum florentes, nunc HORSTIUM satis demirari nequis, sed attonita natura miraculum, & divina bonitatis argumentum de-  
oscularis.

Attingit jam oratio mea illud tempus, quo Magnificus nos-  
ter Archiater virtutis sua gloriosa aliud Trophaum nactus, age-  
re partes suas pro autoritate, & eas natura dotes, quas glorio-  
se in Hassiâ effuderat, in lucem conspectumq; Reipublica Vlma-  
na proferre paulatim capit: ubi tanta mihi dicendi seges, & ma-  
teria nascitur, ut vix meditando dispicere possim, quid primum,  
quid postremum dicendum esse videatur. Quæ res tamen ora-  
tionis cursum non sufflaminabit, sed quomodo & hic decurrerit,  
paucissimis porro prosequemur. Vos, quaeso, nihil remittite de aurâ  
vestra benevolentia.

Tria à Sapiantibus requiruntur in eo, qui circa Me-  
dicinam versatur, quæ qui habet, hoc nec major, nec no-  
bilio, nec perfectior Medicus esse potest. Sunt autem Ea  
Virtus, Doctrina, Felicitas in Praxi; quæ singula cùm in  
aliis divisa inveniantur, eadem Archiater Noster uni-  
versa possedit. Ex universo autem Virtutum choro, nul-  
la est comparanda cum animi vera & orthodoxâ pietate; Pietas.  
quam & noster ille à Parentibus acceptam, per omnem  
vitæ Spiritum, non solum Charissimam, arctissimamq; in-  
corruptâ mente & voce custodit: sed eandem pari fide &  
industriâ, æquabiliq; vitæ tenore comprobata dedit, ut  
proin hujus verè Lemniscatam, ut Tullius ait, palmam ha-  
buerit. Ex hac ut principe cùm omnes cætera virtu- Bona  
tes Sororio quodam vinculo erumpant, illarum age! pom- Animi.  
pam in brevi contemplemur, in illas non nil & inquiramus.  
Viris in Medicis palmarem obtinet laudem Humanitas, quæ  
ut nonnunquam rara, ita præ reliquis clara meritò habe-  
tur. Hæc virtute Noster valdè eximius fuit: atque ab Comi-  
eadem profectò nunquam exorbitavit, sed eam ubiq; expe-  
ditam habuit, promptam ostendit, reapse exercuit. Neminem  
ille sermonis, neminem congressu exclusit. Neminem non a-  
mabiliter exceptum lubentiolem reddidit, neminem non bo-  
na spe perfudit, neminem à se salutarium consiliorum exper-  
tem dimisit. Quo ipso non modò totam Civitatem nostram,  
sed imò Ileram, Lacum Acronicum, Lycum, totum serè Da-  
nubij tractum, Franconiam, Ducatum VVürtembergicum,  
&c. sua ad Consilia Medica allexit: quod ipsum antehac,  
(e) s hæste-



hactenusq; sepius commeans remeansq; Consultantium Tur-  
ma, nulli non notissima, comprobatum dedit; ubi promi-  
scuè omnes prothymè admittens, & ades & animum suum,  
consiliorumq; latificorum verè thesaurum illis largiter a-  
peruit. Hinc etiam factum, ut ab omnium Ordinum choro  
singulari hac suâ affabilitate excultus, summâ in existima-  
tione haberetur.

Humanitatem hanc ut propriam no-  
flet habuit, ita candorem animi in primore fronte gere-  
bat, quem moribus cum maturitate suarvibus, cum serie-  
tate amœnis egregiè miscuerat. Candorem dico non Cal-  
liditatem: quâ pars mortalium multò maxima, sub per-  
sonâ civilis prudentia frontem aperit, mentem tegit: Vt  
vitiis nunc sapissimè faveamus, & in virtutum nomen,  
qua proxima illis sunt, adoptemus.

Sic temeritas inter-  
dum pro fortitudine colitur, & superbiam erecta virilisque  
indolis titulo admiscemus, transitq; fada humilitatis inge-  
nium in humanitatis colorem. Utq; margaritarum splen-  
dorem vitrum solerter imitari solet; ita ingenuitati ad mo-  
dum affinem se aliquando præbet simulatio. Quas artes  
etsi hac labes temporum ut sublimibus natu dignas æsti-  
mat, noster tamen ut fores Plutónicas aversabatur. Hanc

animi integritatem pulcherrimè exornavit vera gloria se-  
ges, Modestia. Cùm enim nonnunquam fieri solet, ut  
quemadmodum egressa ad Solem corpora umbrarum sequi-  
tur opacitas, ostentationis periculum eruditionis conscien-  
tia adhæreat, quod vitium Tinea Sapientia appellatur: sa-  
nè Archiater noster illud non declinavit solum, sed raro  
exemplo ab ambitione, quâ suprema homini tunica novissi-  
mè exuitur, liber agebat. Nimirum hoc ingenuitatis, hoc  
modestia est, à pudore sic deprimi, ut cùm plurimis præstes,  
nulli te anteponas. Ex hac matre soboles nascitur venu-  
stissima & amabilissima Mansuetudo: quam in eo virtu-  
tem adhuc hodie commendare illi sciunt, quos inter amara  
prælia lingua nonnunquam suborta ipse arbiter scitissimè  
discrupit, & sopivit. Collegium insuper Medicum ex obi-  
tu ipsius tantum non sideratum se profitetur, cui in Dire-  
ctoris Officio, omni comitate & dexteritate præfuit. In Col-  
legas scilicet dum vixit, vixit humanus, in alios facilis &  
benignus, sic lenis ut non videretur gravis, sic gravis ut non  
abiret in morosum.

Venio

Inte-  
gritas.

Mode-  
stia.

Lenitas

## HORSTIANA.

Venio ad alterum Medici requisitum, quod Doctrinam Erudi-  
esse dixi, quæ quin singularis, quin amussitata, quin ad-  
miranda in Defuncto nostro Archiatro fuerit, nisi me ani-  
mus fallit, aut non dubitatis ipsi, aut ego vobis jam proba-  
vi. Unde enim tot utilitatum eximiarum Rivuli, nisi à  
solida Eruditionis fonte? Istam igitur partem amplius non  
delibarem, ni adhuc uberior Scriptorum Horstianorum  
Vlma hic editorum fœtus, hæud oblivionis in campo deti-  
nendus, animum lacefferet, Nimirum observationum Me-  
dicinalium Libri duo: Observationum item Pharmaceuti-  
carum utilis Decas: At jam paulò ante obitum Problema-  
tum Medicorum Στεγνωτικά recocta, cum annexo medicina-  
lium consultationum accurato libro, ut & accessorium  
posthumum opus Physicum, Numinis alicujus cultu, quæ Pra-  
xin, quæ Theoriam expolitus.

Sed ad tertium, quod haud omnibus perinde obvenit,  
sermonis mei vela dirigo, Felicitatem in Praxi. Ea est  
Empiricorum, Thalmudicorum & Bullatorum Medicorum  
indoles & natura, ut mucosam suam praxin pro admiranda  
felicitate venditantes, sapissimè animos Magnatum & Di-  
vitem (utpote hoc censu facile se defraudari patientium)  
à verò Medicorum vultu, & cultu abalienent, egregiam  
spem, & verè prodigiosa sua cura (quippe illâ ipsâ excidium  
denunciant) expectationem concitando: quâ superstitiosâ,  
splendidisq; strophis suffultâ infelicissimâ felicitate Micro-  
cosmum argento simul, & sanguine emungere sceleratissimè  
norunt: quibus Plagiariis interim illud Poëta apprimè ad-  
aptari convenit,

Es Medicus, simul Chirurgus,  
Cur? mittis stygiam viros ad Orcum,  
Et manu simul, & simul veneno:

Nequaquam autem hujusmodi felicitatis excessum in De- Prospe-  
functo nostro, velut absoluto Practici Exemplo, quære- rit. pra-  
mus: quin potius fortunam illius in Praxi integram & illi- tica.  
batam, cumulatissimo rationis & experientia instructu par-  
tam demirabimur: quandoquidem in forum practicum pro-  
gressus, primùm notis suis Affectû, Affectû temperie probè co-  
gnitis, prognoseos ex fonte prudenter de eventu statuit, tem-  
pestivè

peſtivè convenientia egit, remq; ſic totam geſſit, ne quid committeret, quod officio boni Medici repugnare, cujuſque non potiſſimum rationem dare poſſit domeſtico ſuo cenſori, & anima pedagogo, conſcientia. Hinc Accuratiffimus hic & aurariâ quaſi trutinâ ponderatus Praxeos Antecellor, Archiatrum noſtrum non tantum ad artem felicitatis practica exivit, atque in perpetuo illius curſu retinuit, verum etiam illam ipſi ſubjugavit, imo ipſam uſque ad ſandapilam indiviſo comitatu ſequutus eſt: qua de re cum ex innumerorum affectuum deploratorum, inveteratorum, deſperatorum feliciffimâ HORSTIANA curâ, nullibi non nota, locupletiffimè eſtimari liceat, diutius hic non morabor: ni adhuc paucis multa dicam. Archiatrum noſtrum apud nos tanquam aliquem victorem, imo altetum Alcidem in hac arenâ ab omnibus habitum fuiſſe. Pediffequum illius, Conſilia Medica, quorum frequens ille & ſingulare diribitorium fuit, ſi excutere velimus: ita dilucidè, ita ſapienter atque ornatè dixit, ſcripſitq;, ut illa multis ac mirabilibus ſapientia luminibus & aptiſſimis rerum coloribus, ſecretioris diviniſq; Medicina theſauris longè lateq; illuſtraret, quaſiq; ex Delphici Oraculi reſponſis, aut cuiuſpiam alterius divi numinis afflatu, rem egiffe, omnium iudicio videretur: propterea, illum in conſultandi munere, in auxiliorum delectu, in Morborum occuſu plurimis aliis præſtitiffe meritò eſtimabimus. Hunc publica felicitatis Solem, nulla domeſtica nubes, ſive eas diſcordia, ſive ſterilitas inducere ſolet, obſcurarunt. Ex lectiſſima enim Coniuge ſuperius dictâ, quatuor Filios, duos Heſſos totidem Suevos: & duas Filias, unam Gieſſe, alteram hîb Vlma, omnes adhuc ſuperſtites, ſuſcepit. Quando autem factum ut Anno 1634. ſuaſſimam hanc ipſius tori ſociam maligna febris deartuaret, in hoc infelix fuit, quod ſavam illam declinare neſciens, mēſe Novembri miſeram viduitatem colere fuerit coactus: quâ in cum ſex Liberiorum Pater & occupatiſſimo functionis muneri & moleſtiſſima rei familiaris cura vix non ſuccumberet, divinâ adlucente gratiâ, ad vota ſecunda accedens, Praclariffimi Medici Fingerlini p. m. relicta vidua, matrimonialem addidit fidem, hoc ipſo iterum titulo felicitatis privata redonatus, quod hac caſtiſſimis illius amoribus mirâ morum amabilitate reſpondebat: ita ut charitate Coniugem, ſedulitate

Soboles.

Sacra  
jugalia  
ſecunda  
1635.

ate Ministram præstaret: assidue cum votis suis luctata, ut viri vota officii & obsequij alacritate præverteret, ac jugi quodam sinceri affectus certamine pacem & concordiam domus firmaret: quam mentem ab accensa nuptiali face ad funebrem usque tadam, sartam illibatamq; perduxit.

Devenio tandem, quod me vocari sentio, eheu ad lectulum Archiatri nostri, in quo se ad decretoriam illam & æternitatis Iudicem horam composuit: cum vitam illius, dum vivere sibi videtur, mors per anteambulonem suum aggreditur morbum, Præterlapso enim Mensis Iulij d. 16. Gonagrâ, (quam nefandam sævitiem multò ante sapius **Fatalis Morb.** fortiter sustinendo repulerat) infestari capit: cujus materia peccans, per Exteriora membra, ex paulò antegresso Balnei usu roborata, exitu frustrata, ad interiora aufugit viscera, statim Anorexiam excitando; qua initio quàmvis levior, illius tamen, ut & acrioris fastidij ad quidlibet, minimum etiam Medicamenti vim habens, accedentis, diuturnior mora, virium vacillationem inducere visa est. Hanc cum ipse, Prognoseos alter Parens, idemtidem crescere animadverteret, aliquoties spontaneus denunciator proprij fati auditus fuit; quia propter etiam omnes sortes suas in sinum Domini effundens, eò cogitatione sanctâ in duxit Animam, ut illa divinis epulis ante omnia reficeretur, quibus etsi non ita pridem ante decubitus, in facie Ecclesiæ, in cœtu inspectantis populi, usus fuisset, denuò tamen in vulnera Servatoris JESU reclinatus, divina gratia efficacissimum sigillum, animo confessione expiato, in Dominica Cœna accepit. Quo à tempore, Natura cum Neutrum dictorum Malorum profugare sufficeret, (quandoquidem modò dicta extrema nausea omnem ~~negocias~~ nutrimentiq; usum suspendebat) imò planè nova lethiferaq; adversitatis spicula, Insomnes noctes, dolor **via Le-** Nephriticus, Hæmonhagia, & per Nares & per vesicam **thi.** conferta, advolitarent, infirmitas jam imperium nacta, omnem spem vitæ, & Ægrotanti & Medicis præcidebat. Quid verò tum ille noster, cum morti admodum propinquus? Hic virum ostendere possumus, ubi magni alias viri infantiliter tremuerunt; ubi plerique inter mortis metum & vitæ tormenta miseri fluctuant, pauci illam horam placidè expectant, cujus metus omnes alias inquietas facit





## MEMORIA

facit: paucissimi a quo animam deponunt, & ita è  
 Agoni- vitâ exeunt, tanquam modo intrassent. Ergo adver-  
 zantis sus Vltimum illum agona compositus, totus in DEUM re-  
 firmus volutus, nil jam ulterius, nisi immensam illam in serenissi-  
 in Deū mo sempiterna tranquillitatis portu futuram possessionem  
 animus. flammeâ meditabatur fide: quâ & DEVM precatus, sibi  
 lethiferis in luctibus versanti ad extremum usque vita ha-  
 litum quietam & intelligentem ad Divina mentem daret.  
 Sui amor & permanendi conservandiq; se insita voluntas,  
 atque difficultas dissolutionis, quia videtur multa nobis  
 bona eripere, & ex hâc, cui adsuevimus rerum copia edu-  
 cere, nequaquam à Desideratissimo aternitatis ambitu il-  
 lum absterruerunt. Quin potius in insuperabili loco il-  
 lius stat animus, quî externis valedicens, ante omnia DEI  
 cultum a vito testamento sibi commendatum Liberis suis  
 precetur hereditarium. Quicq; DEVM suum complexus,  
 in sinu summi amoris quietus, sanguine Divinò rigatus, So-  
 latore Spiritu plenus, ritè ab omnibus vita inquinamenti  
 piatus, eâ fronte mortem huiusq; noviter in se projecta te-  
 la excipiat, ut inter exitura jam jam, & ad suam liberta-  
 tem properantis anima contentionem sibi aternitatem desti-  
 naret: subvectam è terrenis animam & suo jam fonti pe-  
 nè refusam aternitati submittat; quam etiam à cœlitibus  
 sibi porrectam gratiosissimo anima vidit lumine. Quantâ  
 fiducia arbitramini, Auditores, Beatissimum Archiatrum  
 cum morte congressum fuisse: qui nondum omni certamine  
 defunctus sibi ipsi aternitatis pramium præstinavit. O si  
 daretur nobis spectandus illius animus in agone mortis posi-  
 tus, in quo nexus DEO, superior morte, exitui proximus Sa-  
 lutis asyllum acquirit. Videremus hospitem sancto DEI  
 Spiritu plenum: Perciperemus sanctissima desideria, quæ  
 digressurus ab inquieto hoc orbe pro ejus salute remittit. Vi-  
 deremus mentem in mortalitatis & aternitatis confinio po-  
 sitam, & DEO se plena fide Presentaturam. Nihil vulga-  
 re, nihil vile, nihil ad humanas sordes recidivum, sed omnia  
 summa, aterna, divina præberentur delibanda.

Sic igitur natum, sic virtutibus conspicuum, sic doctri-  
 nâ Clarum, sic fortunatum vidimus Magnificum no-  
 strum Archiatrum, Medicum hoc avo facile-Principem,  
 qui

qui d. 9. Mensis Augusti spiritum suum ad Quinquaginta Octo annos in hoc corporis diversorio tanquam præstantissimum hospitem commoratum, DEO Creatori leniter transmisit. Qui etsi obitu suo non parvam & nostra Republica, & toti foro Medico intulit stragem; satius tamen est illius bono immortalis letari, quàm rebus exemptum humanis, nil profuturis lachrymis deplorare. Quin potius, quibus multa reliquit, quæ collaudemus: innumera quæ imitemur, dotes ejus, quibus Ulmensēs laborantes sæpe erexit, gratâ recordatione prosequamur: nec committamus, ut cujus superstitis honori, boni omnes favabant, de illius jam defuncti gloria in posterum aliquid decerpatur. Attribuamus igitur merito Defuncto nostro Archiatro, Plinij illud in Scipionis Exequiis usurpatum: Ite, celebrate exequias: nunquam majoris Viri funus videbitis. Aut, si fortè invidiosum hoc videbitur, saltèm hanc ejus memoriam servare, & audire liceat, cum aeterno elogio. Fuisse in hac nostrâ Republicâ Ulmensi Medicum Archiatrum, quem qui cognoverunt, non potuerunt satis æstimare: quinon æstimarunt, nunquam satis cognoverunt.





IN EFFIGIEM

GREGORII HORSTII,

Torgensis,

*Philos. & Medic. D. Archiatri Hassiaci, & Reipubl.  
Vlmensis Physici Primarij.*

**H**ORSTIUS hîc frontis, quantum pote, mon-  
strat honorem,

Orbe modò gestis Cognitus, atque libris.

Nil fermè superest quod perdas, Patria. Sed vos  
Manes, Divorum, Suspicitote, manus!

*Mæstiter-habens poneb. deb.*

M. J. B. Hebenstreit,  
P. & P. P.



VITA

Der Buchbinder wird benachrichtigt

V I T A

*Excellentissimi, Experientissimiq; Viri,*

DN. DAVIDIS  
HERLICII,

Philos. & Medic. Doctoris, Astro-  
nomi, Historici, Poëtæ Celeberrimi, &  
Practici, dum vixit, felicissimi;

*Qui,*

*Cum de Republica literaria præclare meritus,  
adeoq; immortalē nominis celebritatem consecutus esset,  
 tandem senio confectus, post multas easq; arduas calamitates per-  
 pessus, Stargardia die XV. Aug. A. Christi MD LXXVI.*

*Ex hac vita pie ac placide decessit, descripta in  
Epistola quadam*

a

LAURENTIO EICHSTADIO,  
Med. Doct. & Stetin. Physico Ordin.

**M**issus est in hanc lucem, DEI benignitate, D. HERLI-  
CIUS, anno Epochæ Christi exeunte supra millesi-  
mum quingentesimum septimo & quinquagesimo, die 28.  
ultimi mensis Decembris, memoriæ Innocentium Infan-  
tum Sacro, seu V. ante Calendas Januarias anni instantis  
1558. feria 3. media quinta pomeridiana ad tempus æsti-  
matum, sicut hoc tempus à sua matre acceperat, & in *Ephē-  
meridibus Petri Pitati* inscripserat. In Cizio autem non igno-  
bili Misniæ civitate, aëre, Elystro flumine, situque peramæ-  
na genitus est, quam cap. 5. sui Tract. Geographici, Anno  
1592. Gryphisvaldiæ publicati, *Ceitzam patriam suam dul-  
cissimam* appellat, & Latitud. 51. grad. 8 minut. circumscri-  
bit. Parentes: *Andreas Herlicius*, Senator & Camerarius olim  
ibidem. & *Susanna Hanemans*, cujus suæ matris loco præfa-  
to Tractatus Geographici patriam dicit *Salicetum*. oppidum  
in Voirlandia, per 28. minuta Cizio australius, sed sub ea-  
dem Longitudine & proinde ab eo 7. milliari distans.

Quum



Quum autem Astrologi & rationibus & experientia persuasi existiment, ingenia sumere impetus aliquos à celestibus causis, volui etiam positum siderum ex Tabulis Tychonis Rudolphinis in Mercurio & in reliquis planetis ex Tabb. Astronomiæ Danicæ Tychonis supputatum in peculiarem chartam referre & Astrophilis ob oculos proponere :

*Sic est in promptu cæli fulgentis imago,*

*Sub qua denatus nascitur HERLICIVS.*

Fuit horoscopus 23. gradus Cancrī, cujus Domina Luna in Ariete, domo Martis & Medio Cœli, est supra reliquos Planetas in configuratione Solis & Jovis ac Trigono Mercurij feliciter elevata : Et amica illa conjunctio Solis cum Jove non procul à cardine occidentis naturam moderatam, bonam valetudinem, vitamque longævam significavit. Nec Sextilis ille Aspectus Mercurij, Veneris & Martis ex domo Jovis ac Martis, & trigonus Saturni atque Mercurij efferam naturam, sed docilem, disciplinarum capacem & ad sublimia studia, Mathesin & Medicinam tractandam idoneam, ingeniumque alacre & acre ostenderunt, bonitatemque temperamenti auxerunt. Plura periti Astrologiæ viderint.

Bonas literas cum pietatis fundamento à primis statim annis in Schola patria hausit, & quum pater plures liberos, opes non adeò amplas, haberet, agnati matris delectati præclaræ ejus indole eum Saliceti in Voithlandia liberaliter foverunt, ubi in ludo literario ibidem Grammaticalia plenius, & latinæ græcæque literas imbibit, atque spontè ad Poësin & Musicam exercendam se dedit : à quo utroque studio etiam postea in Academijs, quoties aliquā inopiā laborabat, fructus non pœnitendos percepit, eoque sibi viros bonos & homines doctos patronos atque amicos conciliavit; sicut & habuit duos alios fratres Stralsundi in Pomerania & Musica Instrumentali & Vocali ( quorum unus Cantorem Scholæ, alter Musicum organicum in templo Nicolaitano inibi egit ) celebres atque excellentes. Post degustatas autem scholasticas disciplinas, *Vittebergensem Academiam* suam sedem atque studiorum alumnam elegit, eoque abiit ad audiendum Celeberrimum Professorem, *Casparum Peucerum* : Verum quia ille paulò post ad carcerem fuit damnatus & abductus, atque ex hoc tunc Academia illa aliquam Ecclipsim pati videbatur, non diu inibi loci sub-

substitit, sed Lipsiam concessit bonæ famæ *φρονης δειος*. Hic magis captus studiorū amœnitate magnā quadam vi ingenij per varia autorū genera pervolitavit : Latinos, Græcos, Poëtas, Oratores, Philologos, Historicos, Philosophos, Mathematicos, Medicos animo se complecti posse credebat. In Mathesi Dn. M. *Steinmetzum* (cujus in suis Scriptis honorificam subinde fecit mentionem) profitentem diligenter audivit : Aliquoties etiam publicè specimen aliquod suorum profectuum declamando in cathedra & disputando dedit, ita ut a Professoribus omni benignitate fuerit habitus, & ad studia porro fideliter tractanda incitatus & adjutus. Et quia cum Philologico studio etiam Philosophicum seriò conjungebat, per Physicam atque cognitionem rei herbariæ & anatomicæ ad excolendam quoq; Medicinam fuit ductus. Rediens autem domum D. HERLICIVS ad prospiciendum rebus suis domesticis, defuncto jam parente, invenit matrem suam doloribus dentium graviter laborantem, cui pilulas ex semine apij, hyoscyami & opij pauxillo aceto subactas paravit, unamque earum in cavitate dentium detineri jussit, quo felici *εὐπορίᾳ* & experimento statim ab immenso dentium cruciatu liberata est, & D. HERLICIVS egregium specimen suorum profectuum in Medicina dedit. Mater quoque studio ejus Medico optatum successum à DEO precata est : quod votum benedictionemque maternam non de nihilo fuisse sæpe narrare solebat. Supervixit ea ad V. usque Idus Novemb. anni 1601. ubi placidè in Domino obdormivit & pius hic filius funus ejus honorifico Epicedio, quod reperitur in volumine primo suorum carminum, prosecutus est. Porro ad studiorum delicias & divitias ulteriùs quærendas *Rostochium* se contulit : ibi etiam Professores sibi propitios ob morum elegantiam & singularem doctrinam expertus est : quorum ope impetravit in magna Studiosorum frequentia privatim docendi licentiam, & titulum etiam Magistri in Philosophia publicà inauguratione sumendi. Hoc gradu ornatus, & alios in Poësi, Humanioribus literis, Philosophia & Mathesi erudiendo sibi ipsi & sumtibus, qui ob obitum Patris sui à Matre parciùs jam suppeditabantur, consuluit. Et quum industria & diligentia ejus in docendo passim innotesceret, ab Illustrissimo Duce Megapolit. &c. VLRICO, anno octogesimo ad Con-Rectorem Scholæ Gustavoviensis ex Academia evocatus est, quum Spartam etiam

etiam per biennium summâ curâ ornavit, & quicquid temporis extraordinarij lucrari potuit, Astrol. studio, constructioni & iudicio geniturarum tribuit, & insuper ad Medicinam facitandam se applicuit. Elapsò bienniò oblata est ei conditio obeundi Physicatum Primislaviensem in Marchiâ, quâ rursus per biennè spatium saltem fideliter functus est: Nam alia vocatio eum anno 1583. ad Physicatum Anclamensem pertraxit, ubi medicinam faciendo ægris inservivit, & anno 1584. primum suum Calendarium & Prognosticon de mutationibus auræ & tempestatum in hoc Physicatu publicavit, quod magno hominum applausu statim exceptum fuit. Hinc quum singularis ejus peritia in Mathematicis disciplinis per Pomeraniam clarere inciperet, autoritate Celsissimi Principis Pomeranorum Wolgastensis, &c. ERNESTI LUDOVICI, laudatiss. Memorix, defuncto Mathem. in Gryphisvvaldensi Academia, accedentibus Dominorum Professorum ibidem suffragijs, anno 1585. mense Octobri successit. In hac Universitate plus quam antehac ocij nactus in flore ævi & ingenij, nec valetudine titubante, multa utilia, necessaria, jucunda in Mathematicis, in Physicis, in Logicis, in Poësi, in Latina & Græca lingua publicè docere & privatim scribere cæpit, præsertim quum complures Studiosi tantâ aviditate & frequentia (sunt verba ejus in prima libri 1. orationum sub finem) ad eum audiendum confluerent, ut gaudens cathedram insilierit (apertius. Hinc & se laboribus nocturnis atq; diurnis, in usum & commodum eorum, quibus studia videbat esse cordi, fregit. Illic enim per tredecim annos integros (sunt rursus verba ejus ex Præfatione libri primi Orationum) juvenutem studiosam erudit, ac subinde orationes varias de rebus non inutilibus publicè ad Collegas & Scholasticos habuit, & librum unum Orationum nec non alios doctissimos libellos in Physica, Medicina, Mathematicis, Poësi, Historiis suo nomine dignos emisit.

Anno 1593. honestissimam Virginem Reginam Hungers, primarij civis Primislaviensis filiam, in matrimonium accepit, cum quâ tamen non aded concorditer (causam novit DEUS) vixit & sine fructu matrimonij per 17. annos. Quamvis autem nihil magis optasset, quàm si ita DEO visum fuisset, in Academij consensescere: tamen supremo Numini, omnium actionum nostrarum moderatori, aliter placuit, quod eum Anno 1598 ordinariâ vocatione & liberali stipendio ad Physicatum Stargardensem

sem in Pomeraniam accersivit. Sed proximo anno antequam Gryphisvaldiâ abiret, Academicum Magnifici Rectoris munus sustinuit, & ab Excellentissimis Medicis, *Dn. D. Christiano Caleno* Promotore, & *D. Iacobo Seidelio*, Examinatore suo, peractis peragendis, autoritate publica ad summum honoris & dignitatis Scholasticæ fastigium in professione praxique Medica evectus, & adhibitis debitis solennitatibus Medicinæ Doctor ibidem renunciatus est. Ubi Stargardiam se recepit, non solum officio suo fideliter medendo ægris ac visitando reformandoque Pharmacopolia diligenter per bis quatuor annos ritè præfuit: Sed & prognostica annua de Statu aëris, quæ jam per quatuor ad decem annos conscripserat, maximo labore, summa fide, indefessisque observationibus, in usum Pomeraniæ & regionum regnorumque adjacentium quotannis per 2. annos continuavit.

Qui labor progressu annorum in tantam lucem venit, ut non tantum à Germanis in suo idiomate expetitus, verum etiam ab exteris in Latinam; Bohemicam, Polonicam, Danicam & denique Suecicam linguam translatus, mox hinc inde in vicina climata illatus atque **HERLICIUS** noster tam utili anniversario opere decus & ornamentum Pomeraniæ factus sit. Hunc Doctorem & Mathematicum omnium sermone celebratum etiam *Reipublica Lubecensis* an. 1606. suum Physicum communibus suffragijs elegit, & honestissimo proposito salario ad hanc functionem invitavit. In cujus Reip. & DEI voluntate lubenter acquiescens cum conjuge atque supellectile sua eò concessit. Hic homines benignos & beneficos reperit, & in ampla praxi Medica vixit, ita ut mihi aliquoties retulerit, se sæpius sub obscuro mane ægros suos visitatum extra ædes pedem extulisse, & usque ad vesperam, ut numerum eorum in chartam relatum absolveret, contentius per plateas ambulasse, demumque tenebris obortis domum reversum esse. In tanta praxi multa experimenta medica & admiranda curandisq; morbis peridonea observavit ac collegit, quæ forsitan etiam post obitum suum publicam lucem aspexissent, nisi in Stargardiensi *πινωλεθρία* cum omnibus libris atque Manuscriptis incendio periissent. Verum enim verò in hac urbe aliquam duntaxat stationem octennio circiter, non portum, habuit: Nam ut defatigatus istic plurimis negotijs, curis, turbis



turbis, honestum sibi otium quæreret, & DEO, suis Musis atque Affinibus vacare commodius posset, rursus valedicens Lubecæ anno 1614. cum universa sua familia rebus compositis Stargardiam Pomeranorum se contulit, ubi majore tranquillitate literariâ ad absolvendum & expoliendum opus illud magnum, quod de *triplici Kalendario, Ecclesiastico, Astronomico & Astrologico* conscribere inceperat, sed ante annum, pro dolor, in communi Civitatis Stargardensis flamma unâ conflagravit, se frui posse sperabat. Incunte anno 1611. etiam defunctâ priore conjugē, hoc in loco pudicissimam Virginem, *Vrsulam*, Reverendi nec non Clarissimi Viri *Jacobi Fuhymanni*, Archi-Diaconi Stargardienſis b. m. filiam, relictam nunc Viduam, in secundi conjugij consuetudinem affciverat, quæ suum carissimum maritum, tanquam individua comes & socia, in itinere Lubecensi ac Stargardienſi per communia pericula secuta est. In ea deinceps civitate, ut ante quoque fecerat, doctrinam suam egregiam & peritiam in arte medica plurimis omnium ordinum hominibus, opem suam implorantibus, fide, industriâ & prudentia summa probavit domi non solum, sed & foris: In rus enim & loca remotiora meditationum causâ evocatus sæpe longè latèque excurrit. Quin & universam suam vitam tum demum magis quàm ante magno consilio & deliberatione in timore DEI ita rexit, ut non voluptates, otium & tranquillitatem vitæ, aut artes quæstuosas, quibus rem saltim faceret, sectaretur; sed gloriæ DEI & hominum salutis deserviret. Natura quidem ejus libertatis atque otij erat avidior: sed quemadmodum otio, quum datur, lubens utebatur; ita quoties poscebat res, nemo mihi videbatur eo vigilantior & patientior. Ferunt nonnulli eum, quum ætas ferret, non abhorruisse à puellarum amoribus, id quod in genesi ejus conjunctio quoque Veneris cum Marte præ se ferre videtur. Quod si quis hinc eum fortè salacem, & hinc multas turbas in priore matrimonio ortas esse dixerit, ille sciat, D. HERLICIVM ex utraque sua conjugē nullos liberos vel *Herlicium* suscepisse, sed illorum exortem fuisse atque in sterili agro (ut dicere solebat) laborasse, & proinde animo juvenularum mutuo potius, quàm coitu captum esse. *Hieron. Cardanus* quidem in judicio suæ genituræ se lascivum fuisse multitudine procreatorum liberorum probat. Qua quum D. HERLICIVS destitutus fuerit, contrarium magis inferre licet. Hominem & ideo etiam

etiam peccatorem & humanis erratis obnoxium se noverat, hæc quoque serio calidis lacrymis deplorabat, & in album Amicorum inscribere solebat dictum D. Bernhardi serm. 64. super Cantica: *Lacrymas peccatorum esse delicias Angelorum. Divinum enim est, quod labe caret: Hinc & quamlibet firmi, quamlibet fortes in fide necesse habent orare: Demitte nobis debita nostra: Alioquin si dixerimus, quoniam peccatum non habemus, nos ipsos seducimus, & veritas in nobis non est.* Idem Bernhardus serm. 6. in Vigil. Nativitatis Christi. Ego tamen hoc verè testari possum, & multi Stargardienfis id mecum, quod cum altera sua conjuge, jam superstitute vidua, ultra 25. annos, durante matrimonio, comiter suaviterque vixerit: ita ut vix ullus maritus à sua tantum obsequij impetret imperio atque severitate, quantum hic blanditijs jocisque solebat. Astiti enim sæpè & hanc mutuam benivolentiam inter hosce conjuges admiratus fui. Ante duodeviginti annos malus quidam rumor Stargardiæ spargebatur, ac si bonus D. HERLICIUS in itinere Stetinenli, à Landtrachtingero Typographo Stetinenli vinctus, & curru delapsus crus fregisset. Mota eo rumore Uxor ejus, licet ægra, statim Stetinum advolavit. At quum Dominum suum adhuc incolumem & commodè ambulantem conspiceret, mirum, quàm hilari vultu, quàm dulci amplexu eum acceperit & tenuerit, me, alijsque amicis in ædibus quondam Consultissimi Viri, Dn. Friderici Neodorpij, Advocati & Senatoris olim Stetinenfis spectatissimi, tunc præsentibus, idque non sine admiratione tanti amoris spectantibus.

Venio quoq; ad studiorum commemorationem, quæ me D. HERLICIO, mihi que D. HERLICIUM conciliârunt. Quum enim videret ex primo meo Calendario & Prognostico Astrologico, an, Christi 1615. accommodato & foris dato, me cum Medica Mathematicam quoq; artem conjungere & excolere, mihi per Vitricum meum p.m. Dn. Tobiam Erdtmann, Mercatorem Stetinensem, & dulcissimam Materteram meam, civem suam Stargardiensem, quæ adhuc in vivis est, autor & suasor extitit, ut ita pergerem. Proinde ad annum sequentem 1616, iterum Prognosticon de mutatione, aëris unà cum calculo Eclipsis Lunaris ex lib. 1. Progymnasmatum Astronomicorum Nobiliss. Tychois Brahe (quorum lectione tunc valde delectabar) exaratum publicavi, Celeberrimo Mathematico & Ephemeridistæ Dn. Origeno  
(F) & Phi.

& Philosopho Dn. *Jacobo Martini*, tunc hospiti meo, gratitudinis ergo dedicavi, unumque exemplar etiam D. *HERLICIO* obtuli. Hoc ex literis tunc ad me datis sibi complacuisse testatus est, & propositis construendi *Thematis* & directionis instituendæ exemplis ut quoque ea in parte *Astronomiæ* aliquod specimen ederem, voluit. Hac in re quum me facilem & obsequentem experiretur, meiꝑ; perfectus ei arriderent, exhibitis novis subinde paradigmatarum documentis me exercuit atque magis magisque in suam familiaritatem non solum admisit, sed & invitavit & pertraxit. Quanquam autem hæc epistola, Integerrime *Affinis*, mihi scribenti videtur non nihil prolixa: tamen quum grata nostri communis Dn. *Amici* & *Compatris*, dum vivebat, *HERLICII* optima recordatio cum singulari suavitate sit conjuncta, ideoque de consuetudine exercitationeq; literaria in communi nostra arte inter nos frequentata eā, quā fieri poterit brevitate, aliquid adhuc referam.

Diversæ sæpè nationes ad eum confluebant, & ob multa experimenta nominisque celebritatem judicium de suis genituris ab eo poscebant *Germani* & *Exteri*, præsertim *Bohemi* & *Poloni*, quorum liberalitatem præ reliquis prædicabat. Et quia in sua ingravescente ætate parcere oculis & ad plures annos eorum usum reservare volebat, haud raro à me perijt, ut sibi ad calculum geniturarum perficiendum & aliquod breve judicium de ijs ferendum subvenirem, cui lubens annui. Ille meum qualemcunque laborem vel aliquo utili libro *Medico* aut *Mathematico*, vel *Instrumentis Astronomicis* e. g. *Baculo Jacobi*, *Annulo Astronomico*, *Cylindro* & *Conspicillis*, vel denique aureo dono remunerari solebat. Nunquam autem illis *Χειρλιακόν* suum adornare volebat, qui sine cognita nativitatishora ad eum accedebant; maluitque dignitati Artis quàm pecuniæ turpiq; lucro consulere. Sobriè quoque hanc artem tractari volebat, hinc aliquando in suis literis ita ad me perscripsit: *Vtinam amicis fortuna me intueretur oculis, ut sine Astrologiciis gerris senectuti meæ (quæ mihi cecitatem minatur) prospicere possem, nunquam Χειρλιακόν calculo inquirerem. Interim quando multi plura inquirunt, & scire desiderant, quàm Ars nostra fert, aut patitur, aut habet, aut explicat, malo juxta conscientiam agere, quàm Sanctam Vraniam nostram deturpare & velut stuprare, eiꝑ; nigrum salem vel atram notam aspergere: Quum alias tot superstitionibus Chaldaicis nostra Ars scateat, quas multi ex nostratibus*

nostratibus adhuc mordicus tenent. Multi ex me scire laborant, qui colores vestimentorum & equorum fortunati sibi sint futuri? Hac & alia monstra questionum sæpè albis dentibus rideo; sæpè etiam detestor. Amo enim virginitatem nostra Artis, nec patiar eam ita nefario stupro pollui, ne Misastrologi hosce abusus in contemptum Astronomia nobis objicere possint. Hactenus verba D. HERLICII. Interea suas observationes Astrologicas publici juris facere decreverat: sæpe enim ad me scripsit, quod ultra mille & ducenta collegerit Themata, quæ suo tertio operi Calendariographico & Astrologico inserere, iisque veritatem aliquot Aphorismorum Astrologicorum probare nitebatur: e.g. *Quod Planeta benefici, Iupiter & Venus conjuncti, imprimis in octava domo longam vitam & annos (ultra 70.) diuturnos polliceantur.* Item, *quod Fomabant, insignis stella aëtherum Aquarii, in octava domo celebrem & gloriosum post mortem faciat.* Item, *quod Cauda Draconis in prima domo Caeli vel altero oculo carentem vel gibbosum fore mineatur.* Ut complures alios taceam. At hæc cum reliqua sua instructissima Bibliotheca (cujus similem vix privatus alius tota nostra in Pomerania quoad Mathematicos, Historicos & Medicos libros possedit.) in communi Stargardienſi excidio flammis conflagravit. Horum librorum (quorum Catalogus adhuc penes me est) jacturam cotidie ferè adhuc doleo. Sed irreparabilium felix obliuio rerum.

Chiromantiam parvi æstimabat. Nam lineis & frontis & maximè manuum nihil incertius & mutabilius, quasdam enim obliterari, deleri, prolongari, decurtari, item profundiores, interdum altiores vel eminentiores; multas quoque novas figuras (ut cruces, circulos, stellulas, puncta) in manibus existere longa experientia didicerat.

Vanitatem quoque hujus studij exemplo Medico-Astrologi aulam Wolgastensem olim sectantis (qui inepta Chiromantiæ tractatione omnem suam autoritatem amiserat, adeo ut tandem ob multas vexationes aulâ excedere coactus fuerit) ostendebat. At hoc mihi in literis affirmavit, se ex directionibus exquisitarum Geniturarum sæpè tempus obitus Illustrium personarum præcisè fuisse assecutum, & in Calendarijs suis annuis (quæ jam per 52. annos evulgavit) expressisse, id quod etiam in Illustriſſimis Pomerania: Principibus factum fuisse nonnulli Veteres Aulici adhuc meminerant: In Joh. Friderico, Philippo Julio & Ulrico, augustæ memoriæ Ducibus Pomer., &c.



De rebus Medicis sæpe quoque mecum contulit, & præ reliquis Medicinæ Doctoribus, Montani, Mercuriali & Fernelij praxis atque consilia ei perplacebant, id quod formulis medicamentorum uterentur exquisitissimis & brevibus, non amplâ, aut longâ ingredientium serie ( sunt verba ipsius ex quadam ad me Epistola excerpta ) & farragine conflatis, sicut multi solent, ac sæpè quidem per ostentationem, ut crumenis pharmacopolarum consulant; non attendentes tot simplicibus & compositis remediis indifferenter mistis naturam corporis in errorem agi, ut ignoret, quid manibus, quid natibus attrahendum sit. Deinde ideò quoque hosce Autores præferebat, quod Physiologicis & Pathologicis aphorismis quasi manu & juniores & seniores Medicos ad fundamentum practicum methodumq; legitimè medendi deducant. Sciscitanti mihi aliquando ex eo iudicium suum de Virtute celebratæ Panacæe Anvvaldinæ; recitabat per literas unam atque alteram observationem in sua praxi occurrentem, quæ quia rara est, ideoque & hic apponam. D. Rungius, inquiens, elegantissimus quondam Medicus Stetinenfis, jussu Nobilissimi Francisci à Borcken jam demortui, ad quem curandum millies vocatus fui, proprium tabellarium ad Sylvaticum Medicum (ita Anvvaldum vocabat) ablegaverat, & ab eo viginti doses numeratis viginti aureis Rhenanus impetraverat. Unam dosin præfato Nobilissimo Viro in mea præsentia porrexit, à qua tot repente angores ei moti sunt, ut de vita ejus uterq; desperaret: Et statim exhibitis cordialibus remediis vix symptomatum vehementiam angoresq; eos sedare posuimus. Voluit Dn. Ægrotus etiam experiri operationem reliquarum dosium in aliis corporibus, unde mihi tres dedit doses, qui duas exhibui uni atq; alteri quadrato rustico quartanâ laboranti. Vterq; quidem ope hujus pulveris à quartana liberatus est: At ambo tantos morsus in regione cordis persenserunt, atq; adeò àvā r̄j xātrū dejecerunt, ut vix animam retinuerint. Igitur basu hujus Panacæe ex argento vivo aut Cinnabari inturpetum minerale aquis fortibus redactū constare arbitror, & ab eo tempore usum hujus Panacæe repudiavi. Haftenus audivisti verba D. HERLICII. Contra commendabat mihi Aurum potabile Marsilij Ficini, Medici Florentini, cujus descriptionem habet in grandi suo volumine fol. 118. & in lib. 2. de Studiosorum vita producenda & refocillanda cap. 10 quod & à Luca Gaurico Astrologo Tomo Tertio folio 1782. allegatur: Hoc enim se feliciter usum fuisse affirmabat.

Cæterum



Cæterum pietatis erat studiosissimus, & precationibus, jeuniis, eleemosynis, & consimilibus operibus à fide & caritate profectis se bonum Christianum probabat. Et de sua confessione 1626. ita ad me perscribebat: *Nihil mihi & cum Pontificis & Calvinianis: A LUTHERO stabo confessione meâ usque ad mortem.* Delectabatur etiam majusculis literis & voce clarâ, quia se olim à Præceptoribus suis (qui Divi Lutheri fuissent auditores) in Schola triviali audivisse narrabat, huic Theologorum Heroi crebrò in ore fuisse hoc dictum: *Viro docto convenit habere crassam vocem & crassam manum.* Lentè & attentè solebat res suas peragere: dicebat enim canem ob nimiam in pariendo festinationem cæcos ejicere catulos. Pomposos titulos e g. nomen *Excellentiæ & Celeberrimi Mathematici* planè averfabatur, seque ijs magis *onorari* quàm *ornari* ajebat: Et sæpe dolebat, quod Astrologiæ abusus nomen *Mathematici* non tam celebre, quàm infame in *Cod. juris textu de collatione veneni & gladij 1. Artem Geometriæ &c. & in Jure Canonico causa 26. decret. soc. c. 6.* audiat, quando Genethliaci, Astrologi & Planetarij olim Mathematici habiti sunt, quæ artes tantum veræ ac intemeratæ Matheseos Scorix ac quisquilix sunt. *Nagelij* quoque *Astrologiam-Apocalypticam* rejiciebat, hominemque impudentem & profligatæ audaciæ dicebat.

In Consultationibus medicis (sicut in trienniali mea qualicunque praxi Stargardienſi expertus sum) sese ut Medicum eruditissimum, scientissimum & prudentissimum probabat, & charitate Christianâ præditum; non avaritiæ, odio, ambitioni, invidiæ aut alijs vitijs deditum, sed unicè salutem decumbentium sibi propositam habentem.

Multis usus est dulcissimis Amicis Theologis, Juris-Consultis, Medicis, Philosophis & Astronomis in Academia Gryphisvaldensi, Rostochiensis, Civitate Lubecensi, Stetinensi, Anclamensi & alijs. Quum enim complures Viri Doctissimi diligentiam ejus ex publicis Scriptis agnovissent, certatim ad eum literas dederunt, cujus judicio multum tribuebant. Commmercium literarium nominatim cum Mathematicis eximijs, *M. Davide Origano*; p. mem. (cum quo Stetini Anno 1620. in ædibus paternis me præſente familiariter congregiebatur) *Mathemat. Francofurtenſi*, *M. Petro Crügero*, *Mathemat. Dantiscano*, Amico ejus summo, *M. Adriano Metio*, *Mathematico Franequerensi*, *D. Antonio Helwico*, *M. Burmistero*,

præclaris Astronomis, aliisque quorum Catalogum hic recensere nimis prolixum foret, diligenter frequentabat, Quin & plures Illustrissimarum Personarum ei per literas suum favorem & gratiam singularem sæpiuscule deferebant, & operam ejus consiliumque in rebus Astronomicis & Astrologicis requirebant, sicut Tomum Unum talium Epistolarum foris dare constituerat, si magnum illud opus Calendariographicum, cujus primus Tomus jam munditer descriptus erat, in publicum emanasset. Sed temporum injuria laudabile & utilissimum illud institutum remorabatur, & tandem accedente vi ignis irritum reddebat.

In ingravescente sua ætate nullum virium ingenij & corporis sensit detrimentum, nisi quod oculi fierent hebetiores; judicium autem eò erat acrius. *In potu temperantissime vixit, & raro præfato honore ac amore sui Amici poculum φιλοσόφου (ita cum Theognide loquebatur) bibit.* Hinc & Symboli loco usurpare solebat: *Medicè vivere, est modicè bibere.* At in cibis paulò indulgentiùs palato servivit, ut invenio in literis, Anno 1627. ad me datis. DEUS quoque cum in pestilentissima lue Stargardiensi anno 1625. quæ multos cives abstulerat, benignè conservavit: Pro quo beneficio ei ex intimis sui cordis penetralibus maximas egit gratias, nec aliquid suæ arti, sed potiùs *omnia Cælesti Artifici tribuit, qui est dierum nostrorum longitudo, & menses gressusq; nostros numerat, tanquam perfectissimus Arithmeticus.* Sic iterum verba ejus in quadam Epistola sonant.

Non nunquam etiam de iniquis nostris temporibus, in quæ reservati sumus, conqueri solebat. Nam tot bellorum, dicebat, tumultus in Germania nostra facit, ut doctrinæ & Artificum opera lentè pereant, & in ipso quoq; Astronomico studio intercidant. Ad quos jam pertinet cura conservandi & illustrandi studia, hi ad bellum gerendum avocantur, ita ut in illa vili operam ponere nequeant: Multa etiam ingenia tadium cogitandi & indefessum studium, quod in Astronomia requiritur, deterret. Quid de Nobilibus nostris dicam, qui non modò perire literas patiuntur, sed & votis exoptant? At hujus rei pulcherrima contemptus atq; odium brevi nos in profundum ignorantia demergit: Interim manent tempora, pergebat, fertilia curioforum, audacium, polypragmonum, ò secula! ò mores! Et quia sciebat tempus vitæ nostræ breve esse & incertum, ideoque cavit sibi bonus noster Senior, ne concessis vitæ hujus bonis abuteretur, cum sua pernicie, quæ vix umbra sunt verorum bonorum

bonorum, quæque faciliè evanescunt, & possessorem suum deferunt. *Animus enim expeditus levissq; & contentus medico emicat & veluti vinculis liberatus in originem redit, atq; hoc habet argumentum divinitatis suæ, quod illum divina delectent, ut ait Seneca lib. 1. quæstionum naturalium.* Proinde una omnium spes HERLICIO fuit Spes vitæ æternæ, quam mente concepit & nunquam deposuit. Hinc & jacturam omnium suorum bonorum, quibus per publicum Stargardiae incendium die 7. Octobris, fer. 4. anno 1635. brevi exutus fuit, eò facilius pertulit, & ab eo tempore cum majori desiderio ad vera & æterna bona, quæ in cælis fidelibus parata sunt, aspiravit. Nam hæc ætas provecta & vita ei habebatur via ad æternam patriam, in qua viator HERLICIIUS opibus magis se onerari, quàm levare sentiebat. Semper autem antehac in sua genesi Saturnum, ceu vitæ abscissorem, metuebat. Nam quum Luna Domina Horoscopi ad eum dirigeretur, se graviter decubuisse assererat. Hinc me jubebat observare directionem Saturni ad oppositos radios Solis & Jovis, & ad ipsum gradum vitæ ascendentem. In annum igitur 1628. & mensem Octobris incidebat directio Saturni ad oppositionem Solis, ubi Stargardia peregrinis hostibus erat occupata, quorum favorem & promotionem initio quidem experiebatur, quia Soli Jupiter succedebat: Sed abeunte hac directione, Saturnoque Horoscopo appropinquante varijs casibus fuit jactatus, & Anno 1633. Stargardiam ad tempus deferere, menseque Octobri ad nos Stetinum versus cum alijs ob metum irruentium hostium fugere coactus est. Ab eo tempore virium defectum & levem quandam Paralyfin sensit. Quemadmodum igitur viatores, qui varias gravesque itineris molestias sunt perpeffi, se quieti sine strepitu tradunt; ita & optimus noster Senior, postquam tot peregrinationum & laborum molestijs fatigatus, curis confectus & Senio defessus erat, in cellam suam (ut Scriptura loquitur) sumta prius Sacrosancta cæna Dominica *εἰς ἀναστάσεως τοῦ σύμβολον*, monente eum Canone Concilij Niceni, se abscondit, & vitam hanc die 18. Cal. Sept. fer. 2. an. 1636. mane circiter quintam sine omni querela exiit & reliquit. Complevit annos ætatis octo & septuaginta, menses 7. dies 19. & Saturni directione ad ipsum Horoscopi gradum pervenit. Et tantum de vita Beati Nostri HERLICII. *Funeris eidem Concio habita fuit ex 2. Tim. 4. 7. 8. à M. Friderico Crügero, Pastore Stargardienfi.*

## E P I C E D I A.

**M**ORTUUS HERLICIUS ! *proh aspera fata perennem  
 Vitam pro merito vita manere nequit ?  
 Mirum ! qui sanò medicamine sapè moratus  
 Mortem, nunc masta morte peremptus obit ?  
 Syderis indicio rerum pradicere fata  
 Doctus, jam satis succubuit propriis.  
 Ambiguum lucro num damno hac fata putentur,  
 Iudico masta aliis ; commoda in HERLICIIUM.  
 Post Patria cineres durum superesse, benignis  
 Damniatum satis corpus it in cineres.  
 Artis habet precium scrutatier astra peritus  
 Perpetuam vitam nunc super astra colens.  
 Hic anima domus est ; post ultima fata sub astris  
 Cum seculo & cyclo fama perennis erit.*

DAVID MEVIUS J. U. D. & in Acad.  
 Gryphisvv. Prof. Ord.



**H**eu jacet Hippocrates, Polyhistor, Virgiliusq;  
 HERLICIUS, vetus & qui Ptolomæus erat.  
 Vranies, Sophies, Hygiea, Palladis Artis  
 Atlas, Lux, Prasfes, gloria magna jacet.  
 Ingenij dotes, Prognostica, Carmina, libros  
 Italus & Gallus, Sarmata, Teuto tenent.  
 Hunc quivis meritò celebrat, commendat, honestat  
 Nomine, Carminibus, elogijsq; bonis.  
 Verùm ego quæ nequeo jam scribere, posthuma fama  
 Dicet ad Eoos, dicet ad Hesperios.

LAURENTIUS EICHSTADIUS, D.

## E P I T A P H I U M.

**T**V, qui vaticinâ præcedis mente, parumper  
 Siste gradum, & quid sit vaticinare mihi.  
 Inclutus VRANOMETRA, peritusq; arte MACAON,  
 HISTORICUS, VATES, PHILOSOPHUSQ; bonus.  
 THEOLOGUS pius, & RHETOR facundus opaco  
 In tumulo hoc (dolor heu ! ) post sua fata jacens.  
 Septem hac claudit humus, verùm unâ mente, quis ergò  
 Septemplex ille est ? NOSTER is HERLICIUS.

ELISA SCHACHTIUS.

SCRI-

## S C R I P T A.

De Curationibus gravidarum puerperarum & infantium :

*Ancklam* 1584. in 8. & emendat. 1602. in 4. Germanicè *Stetin*. 1618. in 8.

Discursus historico-Physicus, de Iride Lunari ; *ibid.* 1609.

Tractatus Geographicus de distantijs locorum Arithmeticè supplendis, per calculum in exemplis 1071. propositus : *Gryphisvaldia* 1592.

Oratio in funere Barnini XI Ducis Pomeraniæ.

Operis mirabilium Tomus primus : *Norimb.* 1614. in 4.

De extrahenda radice tractatus :

Exercitationum Philosophicarum liber I. de lacrymis, risu, saliva, pudore & sternutatione : in 4.

De Academiis totius mundi :

Carminum variorum volumen primum in libros IX. distinctum : *Stetini* 1606. in 8.

De Rapto Pauli in tertium cœlum, ex sententia variorum Philosophorum & Theologorum : in 4.

Libri septem Poëmatum; liber & regulæ de decoro poëtico : item commentarius in Horatium de arte Poëtica :

Orationes vel Declamationes in Acad. Gryphisvaldensi scriptæ & recitatæ : *Gryphisvv.* in 8.

Bedencken von der Pest. *Ancklam* 1582. 1584. *Frankfurt* 1621. in 4.

Pestilenz-Ordnung. *Stargard* 1599. in 4.

Historische Stern-Glocke / oder Tractatus Astronomistoricus, von der grossen Conjunction Saturni und Jovis im Schützen : 1603. in 4. (Ursprung.

Erklärung von dem 13. Mondschein und des Einkömmlings  
De Maculis Lunæ, Warum der Mond solche maculas oder Flecken in sich habe?

Speculatio Metaphysica de Dysenteria, von der rothen Ruhr und blutigen Bauchfluß.

Erklärung von den Sonnenfinsternissen / wie man sie ohne Verletzung der Augen observiren und ansehen könne.

Historische Erklärung / auß der Stern-Kunst genossen / von Veränderung der Regimenter in diesem 1600. Jahr.

Astronomische Tabel, von Auf- und Niedergang der Sonnen / Tag und Nacht Länge / durchs ganze Jahr / auß die Stadt *Stargard*. Astronomische und Historische Erklärung des neuen Sterns oder Cometen / im Septemb. October und Novemb. des 1604. Jahrs.



Vier Tomi Historici & Prognostici, von des Türkischen Reichs Untergang und Verfürung. Stettin 1596. Wittenb. 1597. in 4.

Miles Anti-Turcicus, wie ein redlicher Kriegermann wider den Türken soll geartet und gerüset seyn/ mit etlichen 100. Historien erkläret.

Discursus Physicus & Historicus de pluviis cruentis & prodigiis variorum generum, vom Blut-Regen/der sich in Pommiern zugetragen.

De Fulmine & aliis Impressionibus, prodigiis & miraculis ignitis. Vom Bliß/ Donner und allerley Feuerzeichen und Wunderwerken.

Disticha & Tetrasticha Evangeliorum Latino- germanica. Gebet- Buß wider die Feinde und Verfolger eines Christen/ auß den Psalmen Davids/ auff die 7. Tage in der Wochen zusammen getragen.

Prodromus gründlicher Widerlegung oder Refutation des Neuen Päßstischen Calenders/ wider Michael Dunk. Alt-Stettin 1605. in 4.

Discurs vom Cometen An. 1618. gesehen: ib. 1619. in 4.

Hermetischer Rosen-Krank außertlesener Chymischer Tractätlein: ibid. in 8.

## ORATIO PANEGYRICA,

*Memoria*

VIRI INCOMPARABILIS,

**DANIELIS  
SENNERTI,  
MEDICI,**

Dicata ac dicta d. XXV. Julij  
A. cl<sup>o</sup> l<sup>o</sup>c XXXIIX.

*In Academia VVittebergensi,*

*ab*

**AUGUSTO BUCHNERO.**

**V**etus religio est, natales non modò virorum ingentium colere; sed obitus quoque venerabiliter recordari.

Ut



Venunquam non meditanda ad imitationem exempla egregia sunt: sic oportunè cum primis reperimus animo, cum aut concessa terris fuerint, aut iisdem erepta. Ibi testamur lætitiā nostram de partæ felicitatis copiā; hīc desiderium doloremque ex clade acceptā declaramus. Utrobique pij in illos sumus, quorum & vita commodo, & singulari exemplo mors fuit. Apud Virgilium, qui solus inter Poëtas nihil ineptè molitus est, Æneas, Anchisæ soboles, cūm rediisset in orbem annus, ex quo divinum parentem condiderat terrā, festos honores indicit socijs, epulas apparat, victimas cædit; functusque religionibus & ceremonia Deorum, pompas instituit ac ludos: ut, ne cui tædio esset tristis solennitas, spectaculorum illecebris teneret. Ego verò cum DANIELIS SENNERTI manibus anniversarium solenne instituturus in præsentī sum, nec defatigabo præconem indicendis muneribus; nec vastitatem macello aut pecuarijs inferam, ut vel accumulem mensas dapibus, aut aras carnibus exstruam; & satis habebō, si cujus fortunam non licet assequi, æmuler tamen pietatem. Quā quidem laude si non destituar planè, splendore ac magnificentia facilè carebo. Itaque cūm aliud haud possim, vel nudæ officium vocis tantum conferam. Ne cum SENNERTUS ipse audiri in præsentē amplius ac cerni haud possit; pariter quoque & ejus memoria conticescat. Quam æternam ac immortalem præstare, ut relinquendum felicioribus ingenij se est; sic provocare illorum industriam, nec fraudi nobis, & operæ pretium erit. Neque enim silendum sibi sentient amplius, qui intellexerint, vix quicquam dignum Clarissimi Viri meritis nos protulisse. Quo magis in ipso aditu statim petenda à Vobis, AUDITORES, veniā est: ne cum ingenio pariter, nos favor etiam vester relinquat. Qui magnos oratores ut facilè ultro ambit ac sequitur; ita minutis & proletarijs nunquam contingit, nisi materia ipsos commendet. Quæ maximè addit animos, verbaque facturi erigit spem: ut quam attentionem sibi dicentis conatus promittere vix potest, ejus celebritas ac virtus, de quo dicendum, mereatur. Qui vina commendare volunt, aut Rheni flumen, aut illa felicitis temulentia jugā, Gaurum, Falernum, Massicum, canunt. Alijs quoque mercibus ut pretium institores concilient, terrarum & gentium, unde advectæ, vocabula, non sine ambitione quadam inculcant. Magnos viros ut facit animus, ita necesse

adeo

adeò non est, commemorare in illis, ubi, atque ex quibus nati. Sicut excellens atque egregia mens cœleste donum est, atque à DEO cum primis venit, ita contingere ubique potest. Non illam aut soli confert nobilitas; aut vilitas loci contrà excludit. Si patriæ ac incunabilis deberetur, non apud fœcundissimos Scythas Anacharsis natus esset sapiens: nec apud Athenienses cato, Meletides stultus. In rure, & inter rastra ipsa adeò, non laquearia aurea tantum, ac aulæa purpurea, adolevere magnæ animæ; & qui scripserunt leges populis, qui imperarunt latè ac dominati sunt; de casis etiam & gurgustiolis prodierunt. Non reprehenderim tamen Simonidem temerè, qui inter cæteras felicitatis humanæ partes illustrem patriam etiam habuit. Ac gratulandum adeò Nostro arbitror, quod in Elysiis potius, nobilissimâ gente, quàm ad Borysthenem Schythicum, aut inter desertâ Nomadum, hausit lucem: clarissimamque urbium Uratislaviam incunabula habuit pariter, & primam incudem morum, ac officinam. Manat quidem à DEO, tanquam ex sole demissus radius, cœlestis animi vis, quæ nos virtutis & maximarum artium capaces facit: sed ut emicet illa, & adolescat quasi, roburque ac vires accipiat, fomentis externis etiam indiget: nec excitanda solum exemplis egregijs est, sed moderanda etiam disciplinis præclaris. Quarum rerum ut non ubique copia suppetit, ita illustribus civitatibus vix unquam deest. Nam neque esse tales, nisi per viros excellentes queunt: & hos, cum supra alios dignitas fama que poneret, virtus & sapientia evexerat antè. Refert idcirco non nihil planè, ubi quis natus olim sit; inter quos mores & disciplinas increverit prima ætas & adoleverit. Quæ ut tenerima est, & ceræ instar mollis ac sequax, ita in quæ exempla incidit primum, eorum formam accipit & tenet. Nunquam non Uratislavia Viris magnis, & omni laude excellentibus, aut incunabula præbuit, aut domum. Hic DUDITHII, hic MONAVII, CRATONES, BUCRETII, SCHOLTZII, & plura alia illustria nomina, aut patriam sibi invenere, aut larem. Invitante quodam elegantiae Genio, qui se ubique per urbem insinuat, & luculentis indicijs passim prodit. Hic ergo cum lucem ac spiritum hausisset noster, ubi nihil propemodum, nisi eruditum ac cultum, & quovis animo liberali maximè dignum, videret; quid mirum, si literarum & honestissimarum artium amorem vel maturè induit animo, vel indole ipsâ statim ostendit?

dit: Patrem NICOLAUM habuit, non generosum illum quidem, sed virum bonum tamen. Quod unum nomen plus veræ ac solidæ laudis habet, quàm si in titulis ejus plurimas gentes recenseam, vel victas ac domitas, vel regnatas. Quod prærogativæ, ut vis & scelus invadit haud rarò; sic illud, nisi virtus & probitas mereri non potest. Quæ quia præclusa nemini, & omnibus patet; nec in SENNERTI patre Calcearium fastidivit amplecti. Atque ex eo duxisse genus, non magis fraudi esse nostro potest; quam Socrati fuit, quod pater ei marmorarius; aut & Euripidi, quod olitor contigisset. Nihilo secius enim uterque ad summam gloriam pervenit: & ille mortalium omnium sapientissimus, hic Poëtarum æstimatus. Prætermittenda nec mater est, CATHARINA HELMANIA; ac propter dotes egregias, vel singulari laude commemoranda. Nam quod concepit ac edidit tam nobile pignus, tum naturæ, tum sortis, tum utriusque est: quod aluit, fovit, educavit; ac ita quidem, ne quid decederet deposito tam grandi; eumque se exhiberet SENNERTUS, quem olim natura formaverat, cum summum Medicinæ vatem in ipso moliretur, prudentiæ fuit ac pietatis. Vix adolescentiæ spatia erat ingressus, vix ruditatem ætatis primis absterferat disciplinis, cum necessitatis ultimæ lex patrem ipsi ademit. Quam ob rem non tam concussa hoc fulmine nutare videbatur adolescentium studiorum spes, quàm penitus firmè jacere prostrata. Erexit tamen illicò mater optima; & quod exerat magno animo, prudenti firmavit. Parum existimans, genuisse manum ingenium, nisi educeret quoque: & quale conceperat, repræsentaret. Non illam sinistra quorundam adversus literas remorabatur interpretatio: non sumtuum ratio deterrebat: thesauri loco habebat filium: & eum ut tueretur, cætera facilè contemnebat. Quare nec detrectavit peregrè alere, quæ sustentarat vota hactenus domi: & ut in suum fastigium excitaretur præclara moles dedit operam; cujus fundamenta videbat tam egregiè jacta. Ex prodigalitatibus pulcherrimæ genere & lucraturâ sibi pietatis gloriam, & ingens publico emolumentum. Quò omnia nostra referenda. Viginti annos confecerat, cum Academicis studiis initiandus Leucori nostræ civem dedit: instructus commeatu uberrimo eruditi & cupidi perquam discendi animi, & bonæ mentis: cui rectores ac duces dederat, hinc temperantiam, inde pudorem. Neque enim

nisi



nisi horum auspicijs assuetus animus egregij aliquid aut unquam concipere, aut gerere potest. Quare non ille Juvenum more, qui studiorum libertatem in lasciviam vertunt, referre segniter otium ad voluptates ac temulentias; sed hoc vacare magis disciplinis egregijs, quò aliarum curarum ipse liberior esset. Impetratam Philosophiæ laureâ Medicinæ studio se dedit. Non tam suapte sponte; quam excitatus illorum vocibus, qui paulò benignius de ejus ingenio, quam ipse per modestiam poterat, sentiebant. Quæ ut egregias aliorum dotes æstimat liberaliter; ita vix unquam satis agnoscit suas; & dum prolixè alijs omnia tribuit, sibi plerumque maxima demit. Evenit facillè tamen quod DEO erat cordi: & quicquid de nostro destinaverat Numen, benignè provexit. Jam deformatus, jam lineis omnibus expressus descriptusque erat ille SENNERTUS, qui ingenij & admiratione doctrinarum, quibus instructus, non modò Witebergam nostram, aut Saxoniam; sed universam Germaniam, & omnem adeò conversurus in se Europæ orbem esset. Id tantum restabat, ut partes quædam tollerentur immissio lumine altiùs, aut exaturantiùs inductu colore luculentius paullo ostenderentur. Ne tanquam in Apellæ aliquâ tabulâ deesset quippiam, tum consummandæ artificij gloriæ, tum decori ac gratiæ conciliandæ. Hoc consilio Lipsiam, Jenam, Francofurtum ad Viadrum adit: congressusque cum prudentissimis ejus artis tandem Berolinum concedit. Urbem amplam & copiosam; nec tantum florentem civibus, sed alijs quoque laudibus præcipuè verò Serenissimorum Marchionum, penes quos Septemviratus Imperij dignitas est, comitatu illustrem. Hic tanquam in splendissimo aliquo theatro, exhibere se noster Roscius, artisque pericula facere, & exercendo adeò experimenta capere volebat, quantum discendo hætenus profecisset. Unum deerat, testimonium publicum, seu gradus, ut vocant: qui instar patroni hunc Candidatum deduceret in campum; aut quasi titulus ac index nobilissimam mercem commendaret. Quà in parte, ut sibi non modo, sed alijs quoque, quibus nuda virtus suspecta propemodum, ne deesset, Consilium petendæ dignitatis, & Basileam proficiscendi, capit. Sed cum in adornando itinere esset, aliud ab amicis, præcipuè verò JOHANNES GEORGIO MAGNO Berolinens. Medico, quem intimum semper habuit, persuaderetur. Et jã occulto ductu fati vis, quæ omni consilio

valen-



valentior est, Wittebergam, ut novum decus ac ornamentum adderet, ipsum trahebat, oblata compendiosiore viâ, id, quod spectabat, consequendi. Huc cum venisset profectus, ut sedulam formatricem studiorum habuerat antè, sic dispensatricem honorum benignissimam tunc est expertus. Fautricem verò usque adeò, ut post hospitium, quod comiter hætenus præbuerat, jam domum ipsam & certum larem prolixa humanitate offerret. Insitum natura mortalibus, amare patriam: & quæ produxit nos tellus, miris illecebris assiduè trahit. Quid erat Ithaca aliud, quàm incultus merus mons saxumque asperum; & ei Ulysses tamen beatos Alcinoi hortos posthabet; nec tam tenere ejus animùm Nympharum secessus mollissimi, & illi ipsi divini possunt amplexus, ut non de patriæ rectis exilientem malit videre fumum, quàm vel delicatissimis delicijs, & ipsa immortalitate adeò ibi frui? Noster, ut semper hætenus respexerat domum; ita tum patriam maximè cogitabat. Ratus, non vitam ipsam & spiritum tantùm; sed eorundem fructum quoque atque usuram ei deberi. Piè sanè ac religiose: nisi quod consiliorum electio penes nos est; eventus omnis penes DEUM. Qui universo non modo providet, sed singula membra etiam curat: nec magis rerum ac mundi ordinem temperat, quàm fata fortunasque hominum disponit. Ceperat commodum sub illud tempus vacare inter Medicos locus: in hunc ut digna virtus succederet, non jam suffragijs tacitis legebatur SENNERTUS; sed clarè atque palàm deposcebatur. Qui pro se tamen ut vellet audere, quibus machinis erat expugnandus? Usque adeò premebat modestiæ suæ legem, & quicquam niti, non eruditionis fiduciam; sed ambitionem interpretabatur. Suscepit tamen eas partes, & designante Academia, & ipso Principe Illustrissimo, FRIDERICO WILHELMO, qui tutelari jure tum summam rerum administrabat, jubente; cui accuratè, atque ex meritis commendatus erat. Nescio equidem, incertusque sum, ecquid hòc loci potissimum mirer. An, quod vix sustineret petere Noster, ne morum proditor disciplinam; singulari verecundiæ laude; an, quod vel offerendum censuerint Academiae Proceres, quod tanta virtus merebatur, quæ summa sapientia fuit? Nam reprehendendi vanitatem seculi nostri dicam, an stoliditatem potius, quanta hîc sese materia daret, cum quò quis impudentior fermè in petendo atque audacior fuerit, hòc &

in impetrando felicior esse consuevit? Multi, priusquam adipiscuntur honores, egregij habentur & digni maximis, cum fallant postea, cum sunt adepti. Sive quod magnæ humanarum mentium latebræ sint, & callidissimis etiam imponi queat: sive quod in eundem haud semper cadat, & scire, & facere præclara. Nonnulli sic quoque comparant se, ut nihil nitendum ultrò putent, cum semel in manibus terræ fuerint: munusque ac dignitatem, non tam virtutis stimulum habeant, quam præmium potius exhausti laboris, & portum quasi, ubi quiescant. Noster cum semel se addidisset in ea spacia, quæ designat ores legitimi aperuerant, eum se gessit, sic se exhibuit supra triginta ipsos annos (nam altero hujus seculi cooptatus in Medicorum Ordinem est) ut quanta ingredientis fuisset modestia, tanta & decurrentis vis atque strenuitas spectaretur. Ac nemo esset adeo, qui non SENNERTUM omnes & boni Medici, & Professoris numeros ita implere existimaret, ut anteferet ei neminem, paucissimos verò in isto genere poneret pares. Nam profitendo non tantum ac disserendo de cathedrâ; sed lucubrando etiam domi, condendoque monumenta æterna, & promovebat Medicinam quotidie, & exornabat. Testes pulcherrimi, & omnis majores exceptione, tot missi ab eo in lucem libri. Quibus & suum præclare eruditj seculum, & post venturas mirifice instruxit ætates. Quibus manurâ non minùs famâ intererit, quàm suæ non defuit illustrandæ. Nempe sic comparare se decet viros doctos, quemadmodum boni Patresfamilias solent. Qui ita in fundis suis versantur, sic agros colunt & hortos, ut familiaribus inde non tantum prospiciant; verum ad alios quoque industriæ suæ porrigant fructus: atque vel posteris etiam provideant. Qualis Cæcilianus ille in fabulâ

*Serit arbores, qua alteri seculo profint.*

Eruditos quoque quàm procul esse ab invidiâ; tam dare operam par est, ut quicquid bonorum assiduo studio atque labore partum habent, de suis thesauris liberaliter promant; nec cum præsentis modò ætate vivâ voce, sed insequentibus etiam seculis perennitate literarum communicent. Quam sibi laudem adeo propriam fecit Noster; ut vix eorum aliquem, qui longè lateque nostrorum corporum curam agunt, aut post deinceps futurum autumem, qui non SENNERTO multum, vel jam nunc debeat, vel debiturus in posterum sit: eoque peritior habeatur Medicus, quo ita

diostor

diosior olim in versandis ac evolvendis ejus fuerit scriptis. Quorum cum haud pauca edidit hactenus, tum omnia tantò majore applausu ac admiratione excepta publicè sunt, quò & absolutiora ipsa essent, & plus utilitatis promitterent. Quare hunc exantlati laboris fructum tulit, ut quod ab obitu demum alij decus vix sibi audent sperare, id vivus abstulerit; & nihilo seciùs nunc quoque à posteris exspectet. Qui vehent semper iisdem laudibus, quibus interfuit ipse olim. Nisi quod quæ defunctos gloria sequitur, augustior fermè magisque sincere esse soleat; dulcior ac delectabilior, quæ vivos manet. Interim tamen non eadem omnes fama amplectitur: nec pari gloriâ intelligentia scriptorum ac eruditio, & ipsa solertia operum celebratur. Illam & cogitationum subtilitas, & ingens optimarum rerum, quibus scientia constat, modus tuetur facile, & admirabilem etiam facit: hæc, nisi acceperit explicandi vis atque facilitas, decoraque commendet oratio, ut intra famam non sit, at intra gloriam erit tamen? & quò ad gratiam, hoc quoque ad laudem habebit minus. Quicquid SENNERTUS monumentis victuris posteritati tradidit, ut omnes consummatæ doctrinæ numeros implet largiter; sic nulla alia laude caret, qua magni auctores legentium studia mereri solent. Nam neque docendi via ac ordine planius quicquam aut explicatius est; & dictio ipsa nec tortuosa atque difficilis, nec barbara etiam aut planè inculta. Quæ si fortasse in Rhetorum thronis haud tollat clamores, ac plausus, tamen in Philosophorum scholis maximè probatur. Quam apertam, perspicuam, candidam, plenam pudoris atque modestiæ; nec in elegantem & hispidam tamen, sed instar matronæ, quantum necesse ad honestatem, decenter ornatam, si esse contingit, vel absolutæ eloquentiæ laudem habet. Sed explicandi docendique virtutes noster ex Philosophiâ, cujus magnum in eo studium semper fuit, hauserat: nec ineptam & facilem dicendi ac enarrandi copiam literarum humanitati debuit, & mansuetioribus istis Musis. Quas sicut amare puer ceperat, sic nunquam fastidivit senex, & usque dilexit. Quâ in re duo consecutus est: ut vigiliæ ejus ac lucubrationes non doctis modò satisfacerent, sed elegantioribus quoque ne tædio essent. Et demereri utrosque, perfectæ laudis statuebat. Quare & fama gloriaque ejus hòc evagata latius, omnemque complexa est eruditum orbem, quò funda-

(G)

mentis



mentis solidioribus opera pluribusque subsidijs innitebantur. Ac factum adeò, ut non Germania tantum mater, quacunque patet, SENNERTI nomen: sed tradux etiam atque vicina Belgarum natio, &, alius orbis vetustis seculis, Oceano undique circumfusa Britannia canat. De humanissimâ autem Gallorum gente, quid dicam? Quæ amat colitque haud tantum, sed gnava in recudendis Nostri scriptis tueri etiam studet? Quid de Italiâ, magistrâ elegantiarum veteri, & omnis propemodum humanæ sapientiæ lare? Quæ adhuc memor magnitudinis pristinæ, & quiddam altius spirans, ut restauratarum sibi non modò artium ac disciplinarum decus: verum ingenij atque acuminis etiam laudem, avida gloriæ, vindicet: SENNERTUM tamen maximè admiratur, & ejus nomini nunquam non libentissimè assurgit. Nec nunc agendum nobis judiciorum, opinor, more, testibusque ac tabulis dictorum fulcenda est fides. In laude versamur, quam æquus quisque ac bonus ultrò, & sine juratore admittere consuevit, non verò in lite & controversiâ. Cùm quia negat alius, & alius ait, qui viderint, audiverint, deprehenderint, produci oportet, quoties rerum veritas solius ingenij industria investigari haud potest. Aliàs infinita hujusmodi se darent ad manum operta scriniorum rimanti, & si quid literarum conditum ibi, excutienti. Quæ omnia si vellem proferre accedere, non horæ unius, sed verò diei integri aqua postulanda esset. Id unum commemorare exempli gratia interest, Illustriss. Dominum NICOLAUM SAPIAM, Codeni Comitem, & Magni Ducatus Lituani Vexilliferum Supremum, Patavinorum Medicorum consilio, quorum magna per universam Europam semper auctoritas gloriaque fuit; inprimis autem Clarissimi Viri, JOHANNIS PREVOTI, adductum, ex Septentrione ultimo penè, curandæ valetudinis causa tot, millibus passuum, tot difficultatibus itinerum superatis, huc advolasse, seque commisisse SENNERTO. In quo profectò ei id penè accidit, quod T. Livio, Illustri Romanarum rerum auctori, evenisse legimus. Ad quem visendum ac venerandum ex ipsis Gadibus, quas finem rerum habuere antiqui, profectus nescio quis Romanam est, eloquentiæ atque ingenij gloria, qua inclaruerat scriptor nobilis, evocatus. Ac multum quidem reverentiæ inde ac nominis crevisse Livio, persuadeor facilè, ut credam; illi tamen, qui in Italiam tantum terrarum magisque

emenfus

emenſus venerat, quiſtam longinqui itineris fructus conſtare potuerit, cognoſſe difficile eſt. Nam multò luculentius veriusque in Scriptis ſuis Livium videre poterat & contemplari. Quæ ipſam mentis ingenijque pulchritudinem, & hodieque durantem, exhibebant qua homo maximè præcipuèque æſtimandus. Gaditano itaque felicior Polonus fuit: qui non vidit tantum atque coram admiratus SENNERTUM eſt, ſed maſtus ingenti beneficio etiam, cùm vidiffet, diſceſſit. Ut intelligeret, nil ſupra verum narraſſe famam: & pauciora propemodum retuliſſe: expertus noviffimè opitulatorem feliciffimum; quem Medicæ eruditionis principem ſalutaverat antè. Subit autem mirari, cur qui in tanta admiratione extra Germaniam poſitus, in ſola patria invenerit, cui videretur nauci; & qui vocare in dubium vellet unus ſuffragijs gentium probatam virtutem. Morbi genus eſt: imaginofum abs re Latini appellant. Quòd obſervari ſpecies variæ hòc ægrotantibus ſoleant: quas turbidus, ac ſua de ſede errans animus ſibi exſtruit ipſe ac fingit. Simile quiddam & eruditi quandoque patimur: ac quæ ſunt nuſquam, videmur videre. Si intra modum ſe malum continet, nihil ſuaviuſeſt, nec ludos ullos præ illo velis ſpectare. Sed ſi augeſcit improbè, & in profeſſam tandem inſaniam erumpit, tum melius certè non tangere eſt. Ni Hippocratis vinculis ſtringendum putaveris; aut admovendum cucurbitas, quò atram bilem ægrotus deponat. Non noſtra eſt ratio, libenter de alijs ferre cenſuram. Neſcio tamen, utrumnè hòc intemperiarum genere correpti fuerint, qui hætenus ingenioſi in Scriptis SENNERTI eſſe voluerunt. Quicquid ſit, ſeu aliorum tueri adverſus ipſum, ſeu ſuam firmare opinionem, ipſius inſtiterunt elidere, multò ni fallor, feciſſent prudentius, ſi paulò majorem habuiſſent modèſtiæ curam; nec debacchati in eum tot atrociffimis eſſent convicijs, qui nemini hætenus inclementer dixiſſet. Non diſſitemur: diſſentit Noſter à multis ſæpius: nec junioribus duntaxat, ſed iſſis antiquis. At petulantia omnis atque malignitas abeſt: ſecurusque de reliquis, ſoli intentus eſt veritati. Hanc unam quærit, hanc intuetur unam atque ſpectat: ratus, hoc literatorum nemini unquam fraudi; gloriæ potius ac laudi ſemper eſſe. Non in tyrannide vivimus: nec in Republ. noſtrâ locum habet, quod Agamemnon olim Achivis dixit, REX UNICUS ESTO. Æquali omnes cenſemur



semur jure : & ut sit ordo aliquis ; eadem tamen potestas est veritatis quærendæ. Censet Plato : dicit sententiam Aristoteles : Hippocrates atque Galenus audiuntur : non cæteris tamen idè silendi incumbit necessitas. Et in suffragiis, non tam quis dixerit, quàm quid quis dixerit, æstimandum. Latet altissimè demersa veritas, Excussa verteribus plura sunt : non pauciora minorum diligentiam manent. Aperit viam alius, quâ itur ad verum, alius ipsum invenit. Cum suis cuique interim debetur honor : nec tantum effectio nobilium operum, sed & voluntas egregia præmium habet. Contendere & disceptare negotium anceps, tam non illicitum est ; quàm in Senatu ac Curia sententias committere, quæ in diversa feruntur. Sed abstinendum ab omni verborum amarulentia, & procul habere caninam illam facundiam oportet : alienam eruditorum congressibus, & mulierculis relinquendam, quæ vendunt olera, aut furnos ac balnea calefaciunt. Quæ omnia adeò semper præstitit Noster, ut eruditissimi non modò scriptoris, sed sapientissimi etiam ferre laudem abundè queat. Explicate quæso librorum volumina : observate, si lubet, disputantis mores : num fastus, num supercilium, num juvenilis ferocia ullibi notantur ? Quàm nihil cum bile, nihil cum stomacho unquam dicitur ? Quàm placida atque tranquilla omnia sunt ? ut docere, non præliari videatur. Nec sapientis profectò est, erumpere in turbas, ac impotente tumultu miscere omnia. Aliter provinciarum quies asseritur : aliter veritas propugnatur. Quæ modestissimum quemque maximè sequitur : intemperantes ac turbidos, dum altercantur, ut ad alia dilapsos, ferè relinquit. Sæpè ne nominat quidem, quibuscum ipsi negotium est : & si quos nominat, vix unquam sine prolixa laude dimittit. Modestus pariter, nec malignus. Est, cum & Socratis artificio utitur plane : & nec affirmat quicquam, nec negat : contentus in partem utramvis versasse rem, & judicandi suppeditasse materiam, dum nihil interim ipse decernat. Quam divinam modestiam cum nusquam non servet, & liberaliter præstet omnibus, dignus profectò videbatur, ut non aliis, quàm suis moribus, cum ipso ageretur. Nunc tota plaustra conviciorum in ejus exonerantur caput, & quicquid exulcerata mens, ac impotentia furoris acta in præceps, dictare cuiquam atque subicere virulenti potest, id omne in ipsum evomere, præclarum atque magnificum

gnificum habetur. Scilicet tuenda majestas veterum est : nec committendum , ut convellantur à quoquam fundamenta temerè immotæ hætenus veritatis. Esto : labi ac falli quandoque Nostrium contigerit. Homines sumus, non Dij. At flagris & scutita redigere in viam, à qua quis fortè, nec sua sponte declinasset, num come erit atq; humanum ? In formosissimis corporibus etiam apparent nævuli. Cœli ipsius nunquam tam suda serenaque facies est , quin aliqua nubecula tenuis offuscet. Nec idèò tamen in aspectantium odium veniunt : & multos his ipsis rebus magis delectant. Viderint itaque SENNERTIÆmuli , ne fortè in ipsos congruat, quod apud scriptorem veterem legitur : *Invenitur, inquit, & istud hominum genus, qui obirectare bonos, quàm imitari malint; & quorum similitudinem desperent, eorum affectent similitatem.* Scripsit doctissimus Chæronensis librum inter plures alios, quo vincere conatur, Herodotum non satis candido atque benevolo animo historiam scripsisse. Quàm verè & rectè, nunc non disputo. Et memini isthoc negotium agitatum jam olim inter doctos. Hoc nemo negabit, has notas sapientissimum scriptorem maligni atque malevoli hominis pinxisse ibi, ut nullus Apelles aut Protogenes teterrimi vitij imaginem complecti expressius potuisset. Hanc itaque normam si adhibere aliquis, atque ad eam exigere eorum scripta, quibus rogatum hoc bellum cum nostro hætenus agere libuit, velit; vereor equidem, ut candoris ac liberalitatis laudem tueri queant. Sed illud non agam. *Qui vitia odit, homines odit,* dicebat Thrasea. Et satius est officium pro sua virili facere, quàm secus commissa ab aliis exaggerare. Chymix studium primus in Academia ista exciravit Noster. Ne nobilissima per se & præstantissima, si rectè tractetur, Philosophiæ ac Medicinæ portio diutius, non sine aliorum convicio, jaceret contempta. Quam eò diligentius excoluit, quò plures abuti non ignorabat. Ne aut invidiæ, aut noxæ esset, unde tot impetrari commoda possent, si quis scienter atque perite in ea versetur. Sed commendabat maximè, probabatque commentum nobile, qua medicinas morborum; non item, qua thesauros ac opes & tantum non regina ipsa pollicetur. Non quòd non posset efficere, quod hîc promittat; sed quòd abstruserit tanto opere, &, ut subduceret profanorum oculis penitus tam grande arcanum, tot mira flexuum implicaverit circà, ut satius sit, vel Labyrinthum in-

gredi, quàm semel tentare has tantas ambages: quas superare atque emergere paucissimis datum; & nisi Dns genit, nulli potuere. In exercendâ Medicinâ tam felix erat, quàm gnarus aliàs peritusque artis. Neque enim audaces magis fortuna, quod verbo veteri dicitur, quàm prudentes ac doctos sequi solet. Quam inde Appius suis cujusque moribus fingi, pronunciavit. Cum nullum ægritudinis genus, nulla affectio ullius morbi nihil eorum, quæ intervenire ut plurimum atque accidere solent, ipsum fugeret, cum omnes medendi artes ac vias haberet cognitâs, non temere unquam fefellit eventus. Quem prævidere Medicus prudens; præstare ex voto, nec felicissimus semper potest. Atque id adeò supra Medicum est, quàm Imperatorem suprâ, vincere semper. Interim tamen uterque functus officio, & suâ laude habetur dignus; si neque hic ignoravit morbi exitum, & imminentiâ cladium iste prædixit. Neutrum enim sua decepit ars: nec tam scientia ipsis defuit, quam successus. Qui à fortunâ ac fato; sive, ut Christianè magis loquar, à DEO maximè expectandus. Quid Imperatori consilium, quid sua ratio Medico prodest, si immodestos ille milites ac parum audientes dicto habeat; & iste ægrotum, non nisi malæ libidini suæ indulgentem? Jam sine præsidiiis necessariis nec benè suscipi res, nec administrari feliciter potest, si oportunitates temporum absint. Quæ omnia, ut extra nos sunt, sic neuter eorum præstare hæc sibi, & ut respondeant planè, solus DEUS efficere potest. Insistam imagini: & quoniam semel cum Imperatore contendere Medicum cæpimus, videamus & porrò, ecquid ad demonstrandas Nostri virtutes, ab ejus laudibus peti commodè queat. Habet uterque quibuscum confligat: hostium copias concidit alter, alter morbos profligat ac delet. Ille, ut securitatem periclitantibus; iste, salutem jacentibus ut reddat. Multa ac magna in bellis per occasiones se præbent. Quas operiri captareque, ut ejus est, qui moretur cautè; sic, uti se dederint in ipso invadere articulo, festinantis prudenter est. Tamen celeritate sapius, quæ inimica consilio; quàm morâ peccatur. Quæ & constantiæ propior, & optimas quasque rationes invalescere facit. Quare cum duæ maximæ Imperatorum artes sint, nunc quiescendo rem gerere, nunc faciendo strenuè urgendoque; tamen majores semper habiti, qui cauta & tardiora, ne provocarent casus; quàm præcipitia ac immatura,

tura, ut tentarent fortunam, fuerunt amplexi. Juxta temeritatem habetur velocitas: sapientiæ assidere cunctatio putatur. Noster quoque, etsi nunquam temporibus deerat, & callidissimè inserviebat; in curandis ægrotis tamen cautior semper, quàm festinator fuit. Quod nescio quàm meticulositatem imperiti ac vani, sapientissimi quique prudentiam summam, & rationem maximam interpretabantur. Quibus SENNERTUS non alio animo languentium exercere videbatur curas, quàm optimi quique ac perfectissimi Imperatorum bella gerere. Quorum mentibus intimis perpetuò velut hæc cantilena Tragici insonat:

*Qui magna moluntur, cunctari solent.*

Et noster subinde recogitabat, quod apud Euripidem Jocasta, prudentissima princeps, juveniliter festinanti filio subjicit:

*Consilia tarda providum excidunt opus.*

DEI effigies pariter ac domicilium homo est: creaturarum nobilissima, & quoddam compendium universi. Idcirco ejus vitæ illudere, ejus salutem contemtam habere ac vilem, magna impietas videbatur. Quare quò circumspectior cautiorque in ea tuenda ac protegenda Noster exstitit, eò majorem laudem ac gloriam auferre etiam debet. Obruor dicendi materia, AUDITORES, & dum ad alia propero, nondum me istis sentio absolutum. Nam injicit manum bonitas: & commemoratâ medendi prudentiâ, ipsa non minus amat exponi. Nec certè filerici tra culpam potest. Nobiles illi de Porticu Sapientes finem hominis, juvare hominem; & nasci ea quèmq; de causa statuebant, ut alter alteri prodesset. Non certè omninò dixerunt nihil: & ea lege, ut se cepisse Noster olim existimabat; ita in faciendis medicinis haud aliter sibi versandum, habebat persuasum. Patebat omnibus: audiebat omnes: consilium nemini, nemini opem denegabat. Ac ut impleret officij partes, & suum assequeretur finem, non conditionem in homine atque fortunam, sed genus ipsum ortumque communem intuebatur. Hac ratione cum omnibus se facilem præbuisse: ac bonum, maximum virtutis fructum in conscientia collocabat. Nam ut mercedem exigeret, tantum aberat, ut sæpe reddiderit oblatam: & vix acceperit unquam, nisi cunctanter. Exprobrare cuiquam tenuitatem munusculi, tam alienum ejus moribus, ut offerentium pudori ipse prospiceret maximè, prolixa humanitate sollicitudinem excusan-



tium prævertens. Ex quo constare potest, quàm liberalis atque ingenuus animus, nulla attaminatus avaritia, nec immoderata divitiarum libidine corruptus, ei contigerit. Quas conculcare penitus, & omnem earum curam hobere procul, dementis & parum providi; admittere ita, ut præstò essent virtuti, & citra cujusquam injuriam querelamque inculpatissimis rationibus partæ constarent, sapientis putabat. Decem ipsi anni sunt, quod, cum tot aliis salutis fuisset, & ejus quoque apponi valetudini ceptus est, in cujus vitâ ac incolumitate tum nostra omnium salus, tum Republ. ipsius spiritus vertitur. Ita enim existimabat Sere-  
nissimus Princeps, non tam SENNER TI interesse laudum, si suis allegeretur Medicis; quàm pertinere ad decus aulae, si is accederet qui gloriâ nominis tot gentes ac populos implevisset. Quin ad exemplum facere etiam: ne ignorari putaretur tanta virtus, ubi notam cumprimis & honoratam esse oportebat. Atque auspiciu nobile honori novo explicitus morbo ejus potissimùm ope ac operâ Elector ipsemet dedit. Ut simul & ingrederetur aulam Noster, & ibi esset magnus. Cujus accessionem tamen ac partem summus Ducum hac ratione esse voluit; ut Academiae pariter suum in eo constaret decus: cœtibusque discipulorum ne subtraheretur, quò Præceptore atque Magistro proficere possent maximè, qui arti medendi attendere vellent. Cavens scilicet, ne sui studio publicis commodis deesset. Collegij Medici summam Decanus per vices administravit sapius: Academiae fascis designatus Rector sexies, quod nemini ante contigisse meminimus, gessit. Tantâ integritate, fide ac circumspectione, quanta esse, cum summa est, solet. Sed & quoties aliàs Academiae tractaret negotia, nihil agebat curabatque magis, quàm ne decederet aliquid, aut studiorum honori, aut dignitati proficentium, aut publico omnium bono. Quæ conservare non modò ac tueri; sed amplificare etiam atque ornare perpetuò semper contendebat. Cum invenisset ordinem ac domum, jam de familiâ cogitabat. Et hanc ut conderet, dispicienda præcipuè conjux. Quæ custodiret parta ac tegeret, & inde prospiceret familiaribus, & fulcimenta daret generi, patriæ cives: denique solatio juxta ac levamento viro esset in omni fortunæ colore. Cæterum eo fato ingressus matrimonium est, ut ruptum semel ac iterum, tertio esset instaurandum. Primam omnium, MARGARETAM SCHATONIAM

NIAM, ANDRÆ SCHATONIS, Viri Clarissimi, qui Medicam artem in Academiâ istâ summâ laude aliquam multos professus annos, filiam, adolescentulam, cum vix ingressus esset virilem ætatem; reliquas duas, HELENAM BURENIAM, & MARGARETAM CRAMERIAM grandiore natu, & viduas, ipse aut jam iturus in senium, aut senex, duxit. Vetustissimi præcepti memor, quo congruentes ducere jubemur. Nec ignorabat admirandum illum Samium, connubia quoque, sicut alia, ad concinentes aptè numeros, & quandam harmoniæ legem, revocasse: eaque, ut felicia existerent, modulata præcipuè voluisse. Has ut ex æquo amarit omnes, in singulis tamen invenit quippiam, quod peculiari illécebrâ, & propriâ quadam Venere duceret animum ac moraretur. Non sine factorum benevolentia: ut ex diversis uxorum dotibus intelligeret, quæ ornamenta miscenda in unum, quæ constipandæ cum primis laudes, ut absolutum matronæ exhiberetur exemplum. Id autem SCHATONIA præ cæteris maximum & peculiare habuit, quod fecit patrem: septies quidem, & eâ sobole, quam genuisse poenitere nunquam posset. Non dicam de filiarum alterâ à non de duobus etiam filiis, quos aut parvos extulit, aut vix dum adolescentiæ propinquos. De DANIELE tacebo etiam, quem omnium natu maximum, in ipso flore ætatis, Patavii, in illustrissimâ Venetorum Academiâ, ubi tum medicinæ navabat operam, inclytæ Nationis Germanicæ, quam Artisticam vocant, Consiliarius, amisit extinctum, acri & capacissimâ indole juvenem. De ANDREA autem & MICHAELE superstites, quid non eximij atque præclari sperandum nobis? Quorum ille, Collegij Philosophorum Adjunctus, eâ sacrarum literarum scientiâ ac eruditione instructus est, ut jamdum inservire Ecclesiæ cum singulari commodo possit: & iste junior Medicæ arti diligentissimè incumbit. Facili augurio, si æquare paternæ laudis gloriam haud possit, eâ haud tamen de-generare. Nec MARGARETA tacenda est: quæ Viro Amplissimo, LAURENTIO PABST, Serenissimi Electoris Saxonie Archiatro, feliciter nupta, mereri & ipsa de bono publico potest egregiè, edendo prolem; si non SENNERTI nomen & genus, at indolem tamen, avitasque virtutes repræsentantem. Contigit Nostro justî habitus corpus, firmum, nervosum, temperie optima & valetudine, ne in maligna & ruinosa domo habitaret animus,

(G) 5

qui

qui longè pulcherrimus ei contigerat, & tot ingentibus do-  
 ribus ornatus. Erat quippe in eo prompta perquam & ve-  
 lox intelligendi vis, excellens ingenium, memoria incredi-  
 bilis: cui parare subsidia ab arte quoque, si esset opus, no-  
 verat, quam ille Chius Simonides aut condidit primus, aut  
 invenit. His cùm judicij acrimonia & gravitas singularis  
 accederet, quid defuisse ipsi existimabimus horum, quæ na-  
 turam humanam in summum fastigium adducere solent?  
 Nec mirum ideò est, tot literas, tot disciplinas ac artes in  
 unius ingenio hominis effloruisse, qui tanta naturæ boni-  
 tate præstaret. De Medicina cum alibi dictum sit, nihil  
 nunc repetendum hoc loci est. Quantus in Philosophia  
 fuerit, tum alia ostendunt, tum vincunt maximè libri illi,  
 quibus naturam rerum non ita magno ambitu, sed subtilis-  
 simè tamen executus est. Scientias Mathematicas mirè  
 semper amavit, olim & diligenter excoluit. Senior Optice  
 delectatus imprimis: & inde ejus de umbra adhuc in scri-  
 niis conditus, & nondum editus liber insignis. Attigit &  
 Poëticen: nec legit libenter Poëtas tantum, sed meditan-  
 dis carminibus & ipse quoque non rarò expertus ingenium  
 est: vel ludum honestum daturus animo, vel ut ostende-  
 ret, quàm amicorum honori ipse faveret. Habebat & hoc  
 in more positum, ut nihil unquam susciperet operis, cujus  
 auspicia non carmine aliquo dedicaret. Musarum delicias  
 pro instrumento juxta habens, & voluptatis innocuæ, &  
 pietatis. Quæ ut est prima sapientiæ ac maxima pars, sic  
 aliena visa haud est, quæ exerceret id artis genus, quæ anti-  
 quissima contubernalis sapientiæ credita esset. Atque Poë-  
 tice sanè, priusquam tota propemodum detruderetur in  
 theatra ac scenas, & obolarij scorti instar improborum eu-  
 jusque prostitueretur libidini, nusquam libentiùs, quàm  
 inter Numinum aras & penates sacrorum conversata est:  
 ut vel commendaret Diis orantium desideria, vel pro jam  
 impetratis votis redderet gratias, ac caneret laudes. Præter  
 Latinam, & Græcam Linguam haud vulgariter calluit.  
 Ebrææ etiam peritus: neque ignarus Gallici atque Italici  
 sermonis. Orium atque desidiam summoperè semper de-  
 testatus est: gnavus, industrius, & si quis alius laborum pa-  
 tiens, ut frugi homines solent cum primis. Manè surgebat  
 in tempore: deinde legebat, commentabatur, mandabat  
 literis cogitationes, dissererebat, visitabat ægrotos, docebat.  
 Vacare ac otiosi vix unquam vidisses SENNERTUM: qui  
 & re-



& remissioni dicata tempora ita locabat, ut vel ipse utilitatis inde aliquid, vel illi caperent, quibus cum esset. Quas tantas laudes probitas vitæ & innocentia, & illa quibusvis patens humanitas, mirificè commendabant. Pietatis studium tam curæ semper habuit, ut cætera omnia postponere longè videretur. Cujus rationem ut accuratè erat complexus animo, sic vitâ ipsâ exprimere nunquam non sedulò laboravit. Ne tam sermone ac verbo, quàm ipsa re esset Christianus. Cujus officium non in sciendis decretis magis, quàm exercendis operibus Christianis consistere, planè erat persuasus. In quo ut rectiùs versaretur, Christianum non-Christianum sanè quàm praphicè delineaverat. Nam quò exactius nossèt vitium, hòc sese melius constantiusque repræsentaturum virtutem existimabat. Enimverò & Lacedæmonij ut sobrietatem commendarent pueris: in ebriorum turpitudines intueri jubebant. Et pictor ille, cum simulaturus equum esset, asinum sibi proposuit. Ut intelligeret, quod in imagine suâ deberet sequi maximè, cum quid vitandum in primis, coram spectaret. Nec aliò pertinet, qui est jamdudum ab ipso editus de rectè vivendi & benè moriendi arte sapientissimus libellus. Nam mori benè, nec poterit temere, qui malè vixerit ante, atque vix viveret unquam rectè, qui aut ignoret rationem veram, aut hanc assiduè non meditetur. Nam quò intercidunt plura per vitam, quæ avocent animum, abducantque perniciosis illecebris, ac quasi venenis quibusdam excantent; eò curandus diligentius, & excitandus crebrius est, ne somnum sibi patiatur obrepere in multò tristissimam ac mortalem quandam mortem continuandum. Evecti per omnem vitam nostri sumus: non ut in minutissimis occuparemur, sed ne quid transiremus ejus, quod luce dignum præcipuè esset. Suprema restant: quæ ipsa quoque juvabit expone-re. Sicut fluminum non capita tantum decursusque, sed exitus quoque inquirimus, ita in viris ingentibus post ortum, & quæ cum eo connexa hærent, finem quoque ac obitum non sine peculiari voluptate consideramus. Acquievit d. XXI. Julij, anno proximo; cum nondum IV. decubuisset dies: appetenti fatali termino, qui ut descriptus depactusque semel erat, ita nullâ ratione humanâ moveri poterat atque proferri. Morbus qui ipsum peregit, ex contagione manarat seu lue, quæ vehementer tum grassabatur. Hòc plus offundens formidinis, quod ipsa præsidia quoque



quoque jam occuparet. Delicati hominis est, eligere atque optare morbi quo finiatur, genus: Sapiientis & Christiani, nullum quod venerit deprecari. Si nihil in morte ipsa vitij sit, num quid in causa inesse potest? Non felicitatem, quæ manet pios in cælo: non laudem ac gloriam, quæ magnas virtutes in terris sequitur, aut potest donare ulla febris, aut adimere pestilentia. Nihil idcirco interest, quo exigatur instrumento spiritus, quod avolet ille feraturque, hoc refert. Nec est plebejum, & popolare penitus, ex peste mori: solet & sceptris ipsis incumbere, ac post pannorum centones sordidos, & ostrum ac purpuram venenare. Tot maximos autem Medicos & ante nostrum sustulit, ut sit difficile numerum inire. Hac GESNERI, hac CAPEVACCII, & illi HERCULEI SAXONIÆ, nec cæteros nominem, mortalium cœtibus exempti sunt. Ac tantum abest, quicquam eorum id detrahat gloriæ, ut augeat penè, atque amplificet. Quasi alio morbi genere magni antistites vitæ nequierint perimi, ni perniciosissimus omnium, & qui plus aliquid, quàm morbus, supervenisset. Natus est Anno c. 15. 15. LXXII. D. XXV. Novembr. sub occasum solis. Itaque omnis ejus vita hætenus in quinque & sexaginta annos, si paucos menses eximas, patuit. Non contemnendum spatium, ni multò amplius sibi aperuisset viri gloria, cui nec tempus nec meta posita est, & finis haud alius veniet, nisi qui literis & omnis generis sapientiæ erit communis. Ego verò, AUDITORES, ut intempestivas lacrymas, quæ fluant post annum; & quàm inania, tam quoque inepta lugendi officia censeam, quæ serò suscipiuntur, non possum tamen sine dolore quodam animi hoc tantum vulnus recordari. Nascuntur quotidie, qui literis studiisque animum applicent: & qui morborum promittant auxilia, passim reperiuntur: SENNERTOS, aut invenire in præsentia, aut expectare in posterum, næ arduum multò ac lubricum est. Tot uno in viro amissimus res, quot plures raro possident. Quæ evehunt singula alios, & vel in summa ponunt laude, hæc maximam partem conjuncta habuit Noster, & unus, ut ita dicam, pro populo penè fuit ac turbâ. Magna ingeniorum vanitas hodiè, nec minor seculi infelicitas est. Quæ matri scientiarum Græciæ olim, quæ artium omnium Genio, Italiæ tempestates bellorum quondam invexisse novimus, & nostram manere Germaniam possunt. Non Africæ uni, atque Hispaniæ

Hispaniæ humanitatem literarum Gotthicus furor, & sapientiæ studia excussit. Cuius potest accidere, quod cuiquam potest: & tam incerta futurorum mortalitas misera est, ut nefas sit scire, quid serus afferat vesper. Non possunt doceri sine stipendiis literæ, non absque impensa ac sumptibus disci. At quotusquisque est, cui de fortunis suis tantum reliqui fecerit armorum furor, unde alere prolem in sapientiæ studia, & digno seculo nomen possit, aut si quis sit, qui non præcipitet vota: vel aliò vertat, unde majoris emolumenti ac nominis spes fulget? Nempe non circumscribuntur bonæ artes tantum, & committuntur cum inopiâ consumptis præmiis; calcantur etiam, & quod calamitosos sequitur, contemtu sunt. Hoc magis, quò minus posse in bellis existimantur, quæ sola nunc regnant. Adimitur itaque omne pretium literis: & cùm Doctores liberalium hunc fermè ex suis vigiliis fructum ferant, ut egeant acriter, & miserè contabescant fame: nemo sequendum sibi temerè putet, quod præter derisum atque miseriam vix quicquam promittat. Quid nunc de ratione studiorum perversa memorem? Quæ tanta inolevit dudum, ut nihil auspicati ac læti literas augurari liceat. Non ordo servatur, non gradus fiunt. Confusè geritur res: nec tam pervadimus plerique studia, quàm persultamus. Ruunt in disciplinas, qui primis vix literis initiati sunt: & has, ut olim de Nilo canes feruntur bibere, transeundo delibant. Nam Græca aut & Latina eruditione quotusquisque paullò uberius se implet? Quæ tamen claves ipsæ sunt, quibus humanæ juxta atque divinæ sapientiæ adyta referantur. Deus avertat omen, ac irritum faciat, quicquid hac cogitatione defixus animus timet: sed videor tamen imminentem videre immensam quandam noctem literis: quæ, nisi maturè eatur obviam, & sapientiæ studia è situ, è squalore ac sordibus, quibus oppressa, & fastidita ab aliis, ab aliis conculcata jacent, vindicentur, novum chaos importabit terris, & instar vastæ voraginis humanitatem omnem hauriet ac absorbebit. Nam de Religione, AUDITORES, quid dicam, maximo humani generis bono? Quæ licet innixa opibus propriis, externis præsidiiis nihil indigeat: sic delectata semper est tamen comitatu Musarum ac ministerio, ut destituta his satellitibus, pulsa regno: nec tantum honorem ac decus, sed ingenuitatem ipsam propè, captivi mancipii instar, perdidisse Domina rerum videretur. Convenite memorias veteres, relegite tempora lapsa

lapſa retrò, quando, aut ſtetit Veritas, niſi cum literis, aut concidit quoque, niſi iisdem prolapſis? Ut inſtituit eam in terris condiditque ac ſanxit, æterni Patris ſermo æternus ac ratio, & Sapientia, quæ nihil ignorat, & unde noſtra omnis fluit; ſic, quibus digrediens mundo mandavit vices, quod non didicerant ſub ſtudiorum incude poſiti, monſtrante ſpiritu, qui mentibus eorum illabebatur, acceperunt illicò, & diſſeruerunt linguis totidem Sacramenta cœleſtia, quot univerſus orbis propemodum loqueretur. Ac his qui ſucceſſerunt deinceps, qua eruditione, qua incredibili doctrina plerique omnes fuerunt? Jam cum Baſilij, cum Nazianzeni, cum aurei illi Chryſoſtomi ac Athanaſij (ut reliquos Græcorum taceam) cùm Cypriani, atque Ambroſij, & Hieronymi, ac Auguſtini tenerent ſuggeſtum, quanta, per immortalem DEUM, Eccleſia luce ſplenduit? In quod faſtigium arx pietatis fuit educta? Nunquam profeſſò eorum monumenta divina & tero manibus, & oculis luſtro, quin hæream tacitus, & quodam deſigar ſtupore, incertus, divinorumne oraculorum ſcientiam ſummam, cum incomparabili morum ſanctitate conjunctam: an eruditionem literarum in illis, tam variam, tam infinitam ac inuſitatam demirer magis: Ita omni ſcientiarum genere, omnium artium ac diſciplinarum inſtrumento locupletatſe animum; ac nihil fermè non tenuiſſe eorum videntur, quibus humani ingenij cultus ac eruditio ſolet attolli. Poſtea verò, cùm tam recederent ab innocentia veterum ac ſanctimoniâ ſacrorum præſules, quàm ſapientiâ copiâque doctrinæ iidem conceſſiſſent dudum; nec præter potentiam ac opes, aut quærerent quicquam, aut mirarentur; factum per faſtum eorum atque inſcitiam eſt, ut contaminaretur illicò religionis puritas, & nescio quibus interpolaretur fucis, donec potiâ rerum undique barbarie obliteraretur penitus, & plusquam Egyptiæ tenebræ in univerſam Eccleſiam, quaſi vaſta illuvies, inundarent. Quæ dira & illætabilis nox non antè evanuit, quàm vindicari à ſitu literæ, & obbruteſcenti orbi magis ac magis indies humanitas artium ac literarum reddi cepiſſet. A qua quò alienior quiſque erat, ac magis rudis, hòc quidem ſecurius pro falſitate ſtabat in armis, & cum in lucem iterum niteretur veritas, eò infeſtiùs ei ſe opponebat. Nam neque cum luce convenit tenebris: & acerbiffimum hoſtem ignorantiam peritia haber. Contra ea, qui non omnino abhorruiffent Muſarum con-

fortio,



fortio, & bonis literis implessent pectus, studiosius ferme, & vestigarunt verum latens, & porrexerunt denuò apparenti manus: certè, se non tam duros ac implacabiles præbuerunt. Sed alibi rectius de nostra infelicitate licebit conqueri: nunc parta tibi felicitas gratanda SENNERTE. Qui eò provectus, ubi & ista, & alia quævis mala, quorum perpetuò nos circumagit metus in terris, nec vides, nec sentis. Non de scorbuto inquiris amplius: non de ardoribus febrium disputas, aut & gangrenæ ac canceri pertentas foetores: DEO conjunctus, amplexus Servatorem optimum cœlestibus gaudiis efflorescis. Quicquid erravit Plato: quicquid non vidit Aristoteles, quicquid Philosophi cæteri aut ignorarunt aut irriserunt: Hæretici verò & corruperunt, id omne & notas facile, & planè intelligis, & penitus tenes. Non hîc quietem interturbat tuam aut furor armorum, aut nihilo mitior improbæ linguæ rabies. Quæ in convicia & contumelias ubi prorumpit, acrius lancinat, & altius lædit non rarò, quàm omnis sævitia ferri potest. Tranquilla circum omnia, lætaque sunt, atque, ut verbo dicam, cœlestia. Quorum natura quàm à terrenis istis divergit: tam posita quoque extra hæc omnia est, quæ duro quodam necessitatis munere sustinenda in terris. Salve SENNERTE igitur: iterum dico, SENNERTE salve: & hoc, quod in præsentî officium solvimus, hanc pietatem nostram, qua tibi cupimus placere, gratam jucundamque habe. Non æra aut marmor in tuos formamus vultus: non cœlo educimus superbas moles, quæ simul honorem nominis tui, & admirationem oculis injiciant. Parabili materia, & facili artificio memoriæ tuæ consilimus: complexi scripto, quod sumtuosa industria alii & magno opere vix exprimant. Nam pulchritudo mentis ac forma, nec manu pictoris, nec statuarii artificio ostendi potest, & sola oratione figuratur. Salve, inquam, & iterumque salve, SENNERTE. Quem nec ereptum putabimus, cujus tot maxima pignora retinemus. Spiras in liberis, superstes in libris tuis es. Quorum beneficio nunquam non tuo divino ingenio licebit frui, dum morum exemplar interim in optimi cujusque æmulatione durabit. Hanc vitam tibi, non casus ullus atque calamitas, non pestis ulla aut lues adimet, & sola converteret æternitas,

D I X I.

IN



MEMORIA  
IN EFFIGIEM  
*Viri Summi,*

DANIELIS SENNERTI.

**C***Vrando, dubitem, an fuerit Podalirius, agris,  
Hippocratesne docens. Egit utrumq; simul.*

Sive:

**U***mbra redire possant ÆSCULAPII,  
Et si GALENUS inferos relinqueret,  
SENNERTUS hospes esset primus omnium.*

E P I T A P H I U M.

D. O. M. S.

CALCARE. SI. QUIS. HOC. SOLUM. QUONDAM.  
POTES. RESISTE. DUM. QUID. TE. VELIT.  
SAXUM. LEGAS. HIC. SITUS. EST.

DANIEL. SENNERTUS.

URATISLAVIENSIS. SILESIUS.

QUI. EXERCENDO. DOCENDOQUE. MEDICI.  
NAM. XXXV. AN. PUBLICE. QUODDAM.  
QUASI. SALUTIS. EGIT. AUGURIUM.

EAQUE. DE. RE. INTER. ELECTORALES. ARCHI-  
ATROS. ASSCRIPTUS. IN. LOCUM. PRINCI-  
PEM. SUA. VIRTUTE. ASPIRAVIT.

NATUS. EST. D. XXV. NOVEMBR. A. c<sup>l</sup>o I<sup>o</sup> LXXII.  
OBIIT. D. XXI. JULII. A. c<sup>l</sup>o I<sup>o</sup> c XXXVII.

GLORIA. ET. NOMINE.

QUOD. ILLUSTRIBUS. ANIMI. INGENIIQUE.  
AC. INDEFESSÆ. INDUSTRIÆ. EDITIS. MO-  
NUMENTIS. PER. UNIVERSAM. EUROPAM. ET.  
SIBI. PARAVIT. VIVUS. ET. HUIC. CIRCUMFU-  
DIT. ACADEMIÆ. SUPERSTES. PERPETUO. ET.  
IMMORTALIS. PATRI. INCOMPARABILI.

ET. DE. SE. ETIAM. OPTIME. MERITO.

SUPERSTITES. LIBERI.

MOERENTES. LUGENTESQUE.

P. P.

SCRI-

## S C R I P T A.

- Quæstionum Medicarum controversarum liber, cui accessit tractatus de Pestilentia: *VVitteb.* 1609 1610. in 8.  
 Epitome naturalis scientiæ: *ib.* 1618. 1624. 1633 1650. in 8.  
 Auctarium Epitomes Physicæ: *ibid.* 1635. in 8.  
 De Chymicorum cum Aristot. & Galenicis consensu ac dissensu: *ibid.* 1619. in 8. 1629. 1655. in 4.  
 Institutiones Medicinæ libri quinque: *ib.* 1620. 1644. 1667. in 4. 1633. in 8. *Lugd. Batav.* 1633. in 8. Redactæ in tabulas à Christoph. Winckelmanno: *VVitteb.* 1636. *Parisiis* 1637. in fol.  
 De Febribus libri quatuor: *VVitteb.* 1619. in 8. 1628. 1653. in 4. *Lugd. Bat.* 1627. 1647. in 8. *Parisi.* 1633. in 4. *Genevæ* 1647. in 8.  
 Epitome Institutionum Medic. & librorum de Febribus: *VVitteb.* 1631. 1634. in 12. *Lion.* 1635. *Amsterod.* 1644. in 12. *Patavij* 1644. in 8.  
 De Scorbuto tractatus: *VVitteb.* 1624. in 8. *Francof.* 1654. *Ienæ* 1624. 1668. in 4.  
 Medicinæ practicæ liber primus: *VVitteb.* 1628. 1631. 1636. 1654. in 4. *Lugd. Bat.* 1629. in 8.  
 Ejusdem liber secundus: *VVitteb.* 1629 1640. in 4.  
 Ejusdem liber tertius: *ibid.* 1631. 1648. in 4.  
 Ejusdem liber quartus: *ibid.* 1632. 1649. in 4.  
 Ejusdem liber quintus: *ibid.* 1634. in 4.  
 Ejusdem liber sextus: *ibid.* 1635. in 4.  
 Epitome Instit. Medicarum Disputat. XVIII. comprehensivæ: *VVitteb.* 1631. in 12. 1647. in 8.  
 De Dysenteria Tractatus: *ibid.* 1626. in 8.  
 De Arthritide Tractatus: *ibid.* 1631. 1653. in 4.  
 Medicamenta officinalia: *Lipsiæ* 1636 *VVitteb.* 1670. in fol.  
 De bene vivendi beateque moriendi ratione Meditationes: *VVitteb.* 1636. in 12.  
 Hypomnemata Physica: I. De rerum naturalium principiis: II. De occultis qualitatibus: III. De Atomis & missione: IV. De generatione viventium: V. De spontaneo viventium ortu: *Francof.* 1635. 1642. *Lugd. Bat.* 1637. in 8.  
 De origine & natura animarum in brutis, sententiæ Clarissimorum Virorum in aliquot Germaniæ Academiis: *Francof.* 1638. in 8.

(H)

Parali-

Paralipomena, cum præmissa methodo discendi medicinam tractatus posthumus: *VVitteb.* 1642. in 4. *Lugd. Bat.* 1643. in 12.

De Fermentatione Platonica Epistola: *Francof.* 1643. in 8. *Amsterod.* 1646. in 8.

Opera omnia in tres Tomos divisa: *Parisiis* 1633, 1645. *Lugd.* 1650. *Venetis* 1651. in fol.

## ORATIO FUNEBRIS

*Viri Clarissimi & Eximij*

**DN. PETRI  
KIRSTENII,**

Medic. Doct. & quondam Ordin.  
in Regia Academia Upsaliensi Medicinæ  
Professoris, Extraordinarij S. R. M.  
Medici,

*Qui a. d. 8. April. Anno M. DC. XL. Upsaliæ  
piè decessit,*

Memoriæ consecrata & habita  
a

**JOHANNE LOCCENIO, J. U. D.**  
& Professore Juris Ordin.

**Q**uinquennium est, & quod excedit, cum eximius Medicus JOHANNES CHESNECOPHERUS, rebus humanis vale supremum dixit. Tunc factorum legi satisfactum credebamus, atque longiores vitæ moras cuilibet nostri ordinis tacito voto precabamur, & quæ grati desiderij natura est, sperabamus.

Ecce verò mors iterum manus iniecit ordini Professorum, rursus Medicum sustulit insignem, PETRUM KIRSTENIUM. Formidare liceat, & simul deprecari mali omnis exempla; ne licentius morbi grassentur, si facta terris eximant, quos DEUS valetudinis Statores esse jussit.

Cum autem de Viro Clarissimo verba faciendi partes mihi

nisi sint impositæ, excusandi quidem causas haberem, nisi illorum auctoritatem defugere piaculum ducerem, qui quodvis à me, si in meis viribus esset, impetrarent: neve Defuncti memoriæ deessem, quem vivum amare ut Collegam, ut amicum & senem colere non intermisi.

Edidit PETRUM KIRSTENIUM anno millesimo quingentesimo septuagesimo septimo, XXV. Decembris Silesiæ metropolis Uratislavia, quæ, nisi per se esset clara, nomen etiam ipsi dare potuisset eruditorum natio, quam ex ea prodisse novimus, & inter illos nostrum Kirstenium. Parentes ei fuere PETRUS KIRSTENIUS Primarius istius urbis civis ac mercator, & MARTHA MEUSLINGIA, qui filium honeste natum & sacro lavacro tinctum, non satis habuerunt aluisse, sed & de pabulis animi prospexere. Atque largius ei prospexissent, nisi in præmatura ætate utroque parente orbatu esset. Tutores tamen vice parentum functi, pietatis & literarum disciplinis eum fideliter imbui curarunt. Ipse circa decimum ætatis annum jam principia doctrinæ Christianæ, Latinæ linguæ & Arithmetices hausit, quæ tenerioris ætatis primitiæ sequentium annorum uberiores pollicebantur fructus.

Posnam Polonorum à tutoribus addiscendæ linguæ Sarmaticæ causa missus, intra sesquiannum eam perdidit, & quidem eo animo, ut beneficio istius linguæ cum vicina gente felicius commercia facere posset. Ad mercaturam enim tunc juvenilis inclinabat animus. In patriam ex Polonia reversus, mutato proposito mercaturæ renunciavit & Studiis liberalibus, ad quæ natura illum pepererat, ingenium addixit. In illis tanta animi & industriæ contentione progrediebatur, ut cum æmulis certans ad ulteriores discentium ordines brevi temporis spatio ascenderet. Præter Latinas, etiam Græcas addidit literas, cum nullâ non Hebrææ & Syriacæ linguæ cognitione Quibus Physicæ, Anatomix & Botanices Studium adjunxit: ut illis se ad medicinam præpararet. Hæc erant Scholæ patriæ Tyrocinia, non tyronum tantum, sed etiam adultorum digna. Ut autem his majora adderet incrementa, & ad Sublimiores disciplinas animum applicaret, in Academias curâ consilium cepit: & ivit in Lipsiensem, Wittebergensem ac Jenensem. In hisce locis per quadriennium substitit, non ut more degenerum sub umbra Academici nominis delitescens otio & delitiis indulgeret, sed ut animum sapientia,



vitam moribus expoliret. Quod tanto cum fructu fecit, ut doctrinæ & industriæ mercedem, summum in Philosophia gradum secundo Musarum plausu adipisceretur. In Gallias & Belgium profectus, præstantissimis quibusdam Medicis operam dedit. Sed & linguam Arabicam discendi cupiditas eum invasit: cujus talis erat occasio, quod ex præceptoribus suis intellexerat, quicumque Medicorum bonus exoptaret fieri practicus, eum bonum oportere esse Avicennistam (ita loquebantur) ardorem cepit legendi Avicennam Arabem. Verum quia tam infelicitè in Latinam dictionem translatus erat, ut non eundem agnosceres, studium Arabicæ linguæ vehementius urisit: quo mentem authoris in genuino idiomate rectius assequeretur, nec illum modo, sed etiam Mesues, Rhasis, Abenzoaris, Abukasis, Averrhois Medicorum libros Arabicos & legere & intelligere posset. Hoc suum institutum humanioris literaturæ dictatoribus Josepho Scaligero & Isaac Casaubono facile probavit: qui cum indolem hominis viderent, animum verbis & exemplis addiderunt, ut perenderet, atque istas literas, quæ nondum inter Christianos debitum cultum & nitorem acceperant, à barbarie vindicaret ac liberali manu assereret. Istud magno fore Reipub. literariæ bono, & sibi ornamento illustriori. His monitis excitatus nunquam postea deposuit curam excolendi illustrandique celebratam linguam. Verum ante persequi cæptum peregrinationis cursum placebat. Eo animo Basileam tetendit, ut hinc brevius esset iter in Italiam. Dum in eo est, Academia Basileensis ipsi contulit insignia Doctoris Medicinæ, cum ageret annum ætatis vigesimum quartum. Unde eruditionis ac industriæ, quam annorum in eo progressus fuisse celeriores intelligimus. Italiam, Angliam, Hispaniam & alias oras peragravit, non solum ut ingenium ac mores mundi disceret, sed etiam suæ artis præsidia firmiora & luculentiora domum referret. Post septem annorum peregrinationem incolumis rediit in patriam, *Terræ natus & alto,*

Domi non diu moratus, contulit se Jenam, familiaritatis usum cum veteribus amicis renovandi animo. Sed ibi celestis providentia ipsi lectam virginem BARBARAM SCHROTERAM Sponsam obtulit, cum ea individuum vitæ consortium, & secundum octo liberorum conjugium ipsi fuit: ex quibus duæ filiæ, unus filius adhuc superstitis, honestis

honestis parentum vestigiis incedunt. Cum a. præclara virtus non diu lateat, a Senatu Uratislaviensi Rector Gymnasij, & cæterarum istic Scholarum inspector creatus est. Quod munus ea fide ac cura administravit, quam expectatio juventutis postulabat: quæ cum regere se nondum posset, regi debebat, & ad recti decus præceptis ac disciplina formari. Sed in gravem postea incidit morbum, qui eum isti officio renunciare adegit. Forte etiam pertæsus Scholastici pistrini, unum oculum ad Arabicam suam linguam alterum ad Medicinam reflexit. Quibus ut se totum daret, aliis curis liberari gestiebas. A non uno Principe, a Carolo Archi-Duce Austriæ, Ferdinandi II. Imperatoris Romani fratre, ab ipso Imperatore, ab Electore Saxonie & aliis ad Archiatri munus aut professionem medicam evocatum, tamen patriæ desiderium domi tenuit, cui post DEUM se tacito naturæ jussu cum primis deberi agnoscebat. Ne tamen studio mollis quietis paternam sedem amplecti videretur, quicquid succisivi temporis laboriosæ praxi Medicæ suffurari potuit, hoc excolendæ Arabicæ linguæ totum destinavit; adeo ut cum lingua isthæc, velut cæteræ, superiorum facultatum, ut vocant, & imprimis Medicinæ ministra esse debuisset, contra praxis Medica isti linguæ sæpe serviret: dum quicquid herus inde lucri redundantis abraderet potuit, illud Arabicæ typographiæ adornandæ, & monumentis in illa edendis impendit. Raro sane & laudando exemplo. Quales sunt hujus ævi mores, plerique si rem faciant, aut fœnori eam locant, aut fundis emendis, aut gulæ deputant. In publicandis ingenij monumentis sumptus facere, rem sterilem esse credunt, & quæ nihil hæredem juvet. Attamen qui fructum eruditionis & laborum non tam privata quam publica metiuntur utilitate, rectius judicabunt. Nimirum quo quis intentius suis commodis studet, eò remissius illum pro communi bono labore comperimus. Nunquam profectò cujuscunque generis studia ad tantum excrevissent fastigium, si indefessi eorum vindices & cultores suum magis quam publicum usum spectassent. Cœterum quod invenire, quam inventis addere difficilius est, scripta sua Arabica etsi magnis impensis, doctrina & vigiliis elaborata, tamen pro omni parte absoluto & exactissimo opere non venditabat: Sed ingenue ac modestè in limine operis profitebatur, ea sibi per omnia non satisfacere. Se, qualiacunque publicasset, ad efflagitationem

tionein amicorum evulgasse. Aliorum, qui plura vel ingenij vel codicum manuscriptorum adjumenta possiderent, accuratiores labores his suis lucubrationibus elicere voluisse. Sic solent non minus humanitate, quam doctrina præstantes: de suis verecundè, de alienis laboribus honorificè, sentiunt ac loquuntur. Secus atque nonnulli se ac sua nimis admirantes, qui instar simiarum partum suum tam perditè amant, ut arctissimo complexu spem maturitatis in ipso ortu elidant & extinguant, qui nihil eruditum putant, nisi quod ipsi scripserunt. Quantum verò noster senex in medicina potuerit, viginti octo & ultra annorum praxis dicat, Etenim ut in aliis disciplinis:

*Per varios usus artem experientia fecit,  
Exemplo monstrante viam.*

Ita quoque in Medicina, unde solis Medicorum placitis non acquiescens ipsam experientiam, velut vivam magistram advocavit: quo artem usu firmaret, usum arte dirigeret. Quod non minoris esse prudentiæ, quam laboris existimamus. Antiquitas in Æsculapij medicorum principis imagine boni Medici partes videtur effinxisse, dum illius pedibus adjunxit draconem & canem, manum armavit bacillo nodoso, caput laurea coronavit. *Draco* clarissimam oculorum aciem habere fertur, quo medici solertiam & oculum intellectus etiam in parva, quorum ex contemptu majoris morbi causa nasci possit, intendendum adumbrarunt. Ut morbi naturam, principia & signa, hominis temperamentum, ætatem, vitæ victusque rationem, & cætera quæ huc faciunt, accurate exploret, antequam medicamenta præscribat, cum explorarit, pertinentia, & salutaria subsidia ex arte suppeditet. *Canis* excubitor & custos ædium, sobrietatem, industriam, vigilantiam medici signat, & ut nihil in expertum relinquat visitando, monendo, medendo, consulendo, quod ægroto sanitatem reddere potest. *Baculus nodosus* difficultatem artis medicæ significat, quæ non unius, sed plurium annorum observationes magno labore, cura & prudentia quæsitæ exigit. Quod quidem juniores Medici non satis ponderant, qui illotis pedibus in hanc artem irruunt, quasi tam facile esset morbum curare, quam vulpes pirum comest. Quin etiam si plurium annorum usus accesserit, tamen eventus ex animi sententia non semper respondet: vel quod vis major ac divina humanam superat; vel quod gravissimi & novi morborum casus

casus occurrunt, explicatu difficiles: vel quod Medicus omnes naturæ affectiones & arcana indagare nequit, & quæ sunt aliæ causæ Medicis magis quam mihi notæ. Et tamen *laurea* sua, honore præmioque dignus est Medicus, si ex fide, quod debet, fecerit. Istam veri Medici imaginem nostrum senem non adumbratis & in animis, sed genuinis ac vivis coloribus expressisse arbitramur. Auspiciis suorum laborum, à pietate Christiana fecit, quam *Æsculapius* ignorabat. Noster autem senex sciebat, virtutem herbarum & usum medendi inutilem esse sine virtute divina: Itaque à DEO, cui soli est potestas summa in omnia à se creata, in ipsam vitam & mortem hominum, Medicinæ felicitatem & successum petendum esse. Ita ægroti non minus DEO reconciliari curationem aggrediebatur. Ab ægrotis tamen in valetudine adhuc recenti, quam ingravescente, advocari malebat, præsertim in gravibus & acutis morbis, qui morâ pertinaciores reddituri difficulter expelluntur. Insuper homines volebat æstimare medicinam, ceu DEI donum, corporum humanorum salutis repertum: nec vilipendere aut odio habere ad exemplum Petrarchæ, qui etsi cætera doctus, tamen duram gravemque necessitatem esse ajebat, quæ adversus hostem non nisi ab hoste poscere opem, aut sperare cogeret. Nam Medicum esse hostem morbi, morbum autem hostem ægroti. Qui vero rempub. carere Medicinæ usu posse contendebant, quod natura cuique pro Medicina esset: & quod Roma sexcentos anno sine Medicis sterisset; hos ita retundebat, ut diceret validam quidem naturæ facultatem aliquando medicatricem morborum esse, imbecillam vero facile succumbere morbo etiam levissimo. Utrique vero Medicum velut naturæ ministrum oportere arte sua prudenter succurrere, ut valentem naturam conservet, imbecillam non destruat, sed erigat ac suffulciat. Romam quidem per tot annos fuisse sine Medico, non vero sine Medicina. Medica stros illos, & vanas artis suæ quam profitentur, nec didicerunt, jactatores, ferre plane non poterat. Ecquid mirum? cum nec partis affectæ rationem, nec vires medicamentorum, nec quid ægroti natura valeat, quid ferre recuset, intelligant; tamen ægrotos curare audent, ipsi non satis mente sani. Corpora ægrotorum quanto volunt pretio (nam hic est scopus istius professionis) negotiantur, & ut quisque loquendo pollet, Imperatorem illico vitæ necisque agit. Discunt periculis



miserorum, & experimenta per mortes agunt: ut graviter differit Plinius: cumque hominem impune occiderint; intemperantia culpatur, ultroque qui periere, arguuntur. Cæterum istos medicastro non solum sua vel inscitia vel impudentia, vel utraque, sed etiam utentium credulitas peccare facit. Quæ enim hominum ex vulgo stoliditas est, capita sua & vitam imperitis hujusmodi pseudo-medicis studiosè committunt; cum ne quidem calceos suos imperito sutori tradant consuendos. Quod flagitiosius est, non nulli in morbis utuntur opera magorum & incantatorum id est ipsius Diaboli: ab eodem, cujus insidias quotidie deprecantur, opem (horrendum!) petentes: ab illo servari desiderantes, qui corporis & animæ quærit internecionem. Ægrotum sibi uni dicto audientem esse volebat, non aliis imperitis: nec pharmaca salubria unâ manu accipere, altera rejicere: quo sibi magis quam Medico nocet, & erga DEI munera ingratus est. Quas enim sani herbas dum animi causa deambulamus sæpe pedibus conculcamus eas quidem semper, sed cum primis in morbo, si saperemus, exoculari, & ad salutem hominum natas, quasi ex ipsius DEI manu gratis accipere animis deceret. Hanc divinam artem suo æstimans merito Zaleucus Locrensiū legislator, sub severâ capitis pœnâ contra præscriptum periti Medici facere prohibuerat. In medicamentis adhibendis noster KIRSTENIUS non præcipitanter, sed consilio procedebat. Morborum causas & Symptomata per evidentia signa atque argumenta sedulò investigabat, quod remedium cuique esset aptissimum, qua copia, quo tempore, & quomodo præbendum, exactè norat. Nonnunquam, ubi opus erat, quiescendo & naturæ velificando plus quam movendo promovebat. In quocunque autem morbo cautus, & providus, non securus, non audax nimis ac præfidens erat, velut nonnulli etiam in ancipiti ac lethali morbo certam audent promittere salutem, quasi in sua manu eam haberent: aut quasi malum arte sæpenuerò non esset potentius. Quod quando prævidebat, ut hac in re longo usu sagax erat, ægroti propinquos inani spe, ac majori sumptuum impendio desistere monebat. Ægroti malo ex lege humanitatis indolebat eumque bono animo esse Decque fidere jubebat, etiam in morbo dubiæ salutis: quod cum Comico sciret, bonum animum in re mala dimidium esse mali. Ægrotum jam à Medico desertum, vel Solo DEI nutu

nutu facile ad sanitatem reduci posse, si DEO volenti, ipsi salutem esset. Aut ex hac calamitosa vita ad meliorem transferri.

Quamvis autem tot annorum experimenta collegisset, & artem suam Scriptis atque usu confirmasset, ita ut falli in ea non facile posset, nec fallere ipse vellet: Tamen illud sui Hippocratis cogitans, Vitam brevem, artem longam, occasionem præcipitem, experientiam periculosam, iudicium difficile esse; sibi nimium haut tribuebat, sed ut in quodam suo Scripto fatetur, *in professione sua medica, quoad viveret, dicere cupiebat.* Ubi fata sic tulerunt, ut in Bo-

russiam domicilium transferret, Illustrissimo Regni hujus Cancellario, Domino AXELIO OXENSTIERNA innotuit qui pro singulari erga doctos favore tanta eum gratia & munificentia prosecutus est, ut majorem optare non auderet. Excellentiam ejus cum in Germaniam comitaretur, Eique Medici operam præstaret, Erfurdia ad docendam Medicinam ipsum evocavit. Inde Halam Saxoniae & Magdæburgum forte negotiorum suorum causa ex-

currebat, sed cum ab hostibus omnia circumquaque infecta redderentur, ad urbem Erfurdensem tutus ipsi non paruit regressus. Ideirco Magdeburgi substitit & hinc Regni Cancellarium in Megaloburgum, & tandem in inclutum hoc Regnum secutus est. Anno millesimo sexcentesimo trigesimo sexto, præter Medici Regij munus, ipsi professio medica in hac Academia à supremo Magistratu commissa est. Quanta cum dexteritate & industria hoc officio sit defunctus, omnibus nobis haut ignotum est. Non semel mirati sumus, virum tam senili ac debili corpore adhuc istis laboribus parem esse. Sed majora & luculentiora tanta experientia Vir præstitisset, si vires corporis animi vigori respondissent. Nam etsi animi adhuc integer erat, nec ut corporis, ita quoque mentis senectus cum annis, ut sæpe solet, accedebat;

tamen ubi hospitio, corpori nimirum, malè est, non potest satis bene esse hospiti ejus animo, aut certe functiones suas non tam commodè obire, quam salvo corpore, valet.

Sed ætas ejus ad metam properabat, ad quam mea quoque sistetur oratio, si prius de interioris vite consuetudine, quæ cujusque ingenium ut sit, ostendit maximè, pauca dixerò. Non solum ipse pietatis exercitio vacabat, sed ad eadem liberis exemplo erat; ita judicans, optimam ad liberos hæreditatem ac patrimonium transferri, exemplum pietatis & bonam famam.

A Bibliorum le-

stione diem ordiens & claudens multoties, illa pervolutavit. Sedecies ab illo perfecta liberi ferunt. Equidem si ullum librum, certè sacrum codicem.

*Non legisse semel satis est, juvat usq; morari.* Quod in illo divinæ veritatis & salutis nostræ via nobis digito DEI monstratur, ad quam per omnem vitam manuduci indigemus. Quippe in eo inexhaustus sapientiæ ac voluntatis divinæ fons, & latex dulcedinis perpetuus fluit, quem quo crebrius libamus, eò flagrantius desideramus, nec unquam satis explere animum possumus. Aliis libris ad mundum, hoc codice eruditi reddimur ad cœlum. Dum virès finebant, noster sacra publica adire non cessavit, Ubi verò gravitas & infirmitas corporis exire domo non permittebat, templum sibi in corde erexit, ubi cum Servatore suo locutus est, & Servator cum ipso, per preces, suspiria & sacras lectiones. Ingenium ejus erat vividum & excitatum. Animus non abjectus, sed masculus, cordatus & gravis; quem nonnunquam in liberales jocos, & suavem præteriti temporis memoriam relaxabat. Animi motum, ut solent igneæ mentes, facile capiebat, sed quem ratio citius, quam tempus præverteret, ac rite moderari suaderet. Ita mente sua quietus, tamen aliquot corporis vexationes extrema ætate passus est, quas medicamentis, quantum poterat, allevabat. Ipse quidem se Medicum, sed ut alios homines infirmitatum haut expertem se animadvertit. Quod ineptus ille Medicus Asclepiades Prusienses, qui Pompeji Magni ætate vixit, agnoscere nolebat. Quippe tam elatam artis suæ fiduciam habebat, ut sponsonem cum fortuna faceret, ne Medicus crederetur, si unquam invalidus ullo modo ipse fuisset. Et victor, inquit Plinius, suprema in senecta lapsu scalarum exanimatus est. Plinio victor fuisse visus est quasi & hoc non infirmitatis argumentum esset, vel solum lapsum ipsi fuisse fatalem. Sed casus in culpam transivit. Nam qui tam altè ac supra se scandebat, ut se omni corporis imbecillitati eximeret, non visus est mitiori fato dignus, quam ut uno lapsu, quam validus esset, experiretur, ac proprium suæ jactationis ludibrium fieret. Eo animo noster Collega non erat, sed hominem bullam esse norat, & quicquid adversorum corpori accideret, id velut paternam DEI castigationem æquo animo sustinebat, ab eodem benignam liberationem expectabat. Quod ex voto ipsi quoque contigit, Nam ante paucos dies cum gravis & tandem



tandem lethalis catharrus ipsi in pulmones decubisset, admonuit ipsum ut sarcinas colligeret, & ad extremum iter ex hac terrestri in cœlestem ac veram patriam accingeret. Ille vero ut paratior abiret, à DEO precatus veniam delictorum, per Christum mediatorem sibi certam divinæ gratiæ spem fecit, & in ejus firmamentum, optimum animæ viaticum, cœnam Domini sumsit. Horas vitæ reliquas, inter pias meditationes, hymnos & preces traducebat. Si DEO placeret ipsum in pace cum Simeone sene dimittere, sibi exoptatam fore missionem post tot hujus vitæ ærumnas ac labores, indicabat. DEI velle suum esse velle, quod pro Symbolo usurpabat. Sic lætus vitæ finem exspectavit, quo feriâ primâ Paschatis etiam potitus est. Hodie, inquit, Christus Caput meum surrexit, quapropter & ego membrum ejus in sepulchro non relinquer. Et pluribus aliis Spiritus S. eloquiis animum munivit, quæ crebra lectione in pium usum & mortis meditationem observarat. Ultimò suis liberis DEO commendatis, & admonitis ut ab illo solo penderent, eo præsentius fore divinum auxilium; in dextrum latus corpus inclinavit, & quasi ad quietem se compositurus, placidè Spiritum emisit, cum annum ætatis sexagesimum tertium, quem climactericum vocant, ageret. Ita hic fuit PETRUS KIRSTENIUS. Sed bene ac beatè illi, qui jam fruitur illo gaudio, quod nemo nostrum oculis usurpavit, auribus hausit, mente concepit: & tamen omnes desideramus: jam ad veram quietem secessit, ubi nullus morbus, nulla anxietas, nullus dolor illum tangit. Imperator Christianus Theodosius morti proximus, hoc solum inscribi sepulcro suo jussit: YFIEIA, id est, SANITAS. Quo piè innuebat, quod à morte sua ad veram demum ac beatam sanitatem perventurus esset. Ad illam sanitatem quam nemo Medicorum, sed solus & optimus Medicus JESUS CHRISTUS dare potest, quam sanguine suo nobis acquisivit, quo animarum nostrarum vulnera per peccatum inflicta sanavit, quam etiam beatus noster senex abunde consecutus est. Jam Christo capiti suo junctus est, qui corpore ejus ultimo die resuscitabit, & animæ conjunctum, immarcescibili gloriæ corona donabit.

Summus & misericors DEUS, in cujus manu sunt dies nostri, nos omnes vitæ nostræ dies sic transigere faciat, ut  
extremi



extremi semper memores, peccata seridò fugiamus. Et quando ultimus aderit dies, talem nobis excessum benignè concedat, qui sit ingressus cœlestis beatitudinis, & vitæ nunquam finiendæ natalis. DIXI.

## EPITAPHIUM.

D. O. M. S.

Placidis, manibus. Doctoris. Eximij.  
Conterraneus. & quondam, Hospes.  
meritò. posuit.

*Siste, Lector. & mirare.*

*Tot, naturam, dona, in, uno, condidisse,  
aut, potuisse, condere.*

## PETRUS, KIRSTENIUS. URATISLAVIENSIS.

*Hanc, ad, Aram, situs, est.*

*Vir, præter, Artem, quam, profitebatur, Apollinis,  
Insigni, rerum, scientiâ,  
ac, Eruditione, incomparabili.*

*Cui, Nomen,*

*quod, proprium, competebat,*

*Polytropi, Polyhistori, & Polyglotti, celeberrimi,*

*Nisi, nostra, Religio, Theopœian, ignoraret.*

*Posteritas, Ipsum, pro, Æsculapio, aut, Apolline,  
meritissimo, suo, coleret.*

*Literarum, certè, ornamentis, ei, pares, Pauci,  
superior, Nemo, fuit.*

*Ipse, viginti, sex, Linguarum, peritus,  
plus, decies, Cecropem, superavit.*

*Ille, non, contentus, nostro, cœlo, nec, pleriq, Germanorum,  
Academiis.*

*Angliam, quoq, & Galliam, Italianq, Hispanos,  
atq, Batavos, visitavit.*

*Nec, huic, satis, fuit, tot, vidisse, Populos, Europa, celeberr.*

*Ni, Matrem, olim, Artium, permearet, Graciam,*

*Et, Alcurani, sedem, permigraret, Asiam.*

*Vinosamq, per, Hungariam, reverteret.*

*Sed, & sati, quadam, via, arcana, Meum, urset, Kirstenium,  
ne, diceretur, atropus.*

*Vt. senex, quareret, inclyta, Penates, Suecia,*

*Qui, puer, in, vicinâ, Polonia,*

*Hospes, fuisset.*

*Tot, ad, Linguas, ediscendas, totq, ad, visendum, Populos,*  
*nec, voluptas, Ipsum.*

*nec, vana, Curiositas, impulit.*

*sed, ut, fieret, Medicus.*

*Ac, melius, intelligeret, Avicennam, & Auerthoem.*

*Hic, velut, alter, Vlysses,*

*Mare, mundanum, emensus,*

*Ac, variabilis, fortuna,*

*Expertus, varietatem,*

*Postquam, diu, sua, ser visset, Patria,*

*OBoq, & viginti, annos, Medicum, egisset, Practicum,*

*& multa, scripta, perutilia.*

*Imprimis, in, Arabica, & aliis, linguis, Orientalibus,*  
*edidisset.*

*Ab, ipso, Casare, & multis, Germania, Principibus,*

*Expetitus, Medicus,*

*Tandem, Anno, ante, obitum, quarto.*

**CHRISTINÆ. AUGUSTÆ. Archiater,**

**& Professor, Vpsaliensis, factus, est.**

*Qua, fuere, tanta, Viri, Virtutes,*

*Multi, quod, inviderent, habuerunt,*

*Quod, nemo, mortalium, suis, defectibus, caret,*

*Pauci, bonorum, qua, carperent, invenerunt,*

*Satis, ubi, mundo, sibiq, vixisset.*

*Anno, atatis, sue, LXIII.*

*Catarrhis, atq, morbo, victus,*

*Vpsalia, Nonis, Aprilis, Anno, M. DC. XL.*

*Natura, Legem, coadimplevit.*

*Natus, Vratislavia, ipso, Matutino, Nativitatis, Dni,*

*Anno, M. D. LXXVII.*

*Lector,*

**Vale, & in, his, Kirstenium, numera,**

**Quos, scient, Posteris,**

**FVISSE,**

**G. Schröer.**

**SCRI-**

## S C R I P T A.

Decas Sacra Canticorum & Carminum Arabicorum ex aliquot MSS. cum Latina interpretatione. *Bresla* 1609.

Evangelistarum quatuor ex antiquissimo Codice MSS. Arabico Cæsareo erutæ: *Francos.* 1609. in fol.

Tria specimina Characterum Arabicorum; nempe Oratio Domini nostri Jesu Christi, Psalm. L. &c. *ibid.* 1609. in fol.

Grammatica Arabica: *ibid.* 1609. in fol.

Liber Secundus, de Canone Canonis à filio Sina studio, sumptibus ac typis Arabicis, quâ potuit fieri fide, ex Asiatico & Africano exemplari MSS. Cæsareo Arabicè per partes editus, & ad verbum in Latin. translatus, notisque textum concernentibus illustratus: *ibid.* 1610. in fol.

Epistola S. Judæ ex MSS. Heidelbergensi Arabico ad verbum translata, additis notis ex textuum Græcorum & versionis Latinæ vulgaris collatione: *Bresla* 1611. in fol.

Liber de vero usu & abusu Medicinæ: *Francos.* 1610. & Germanicè *ibid.* 1611. in 8.

Oratio Introductoria in Gymnasio Uratislaviensium habitata: *ibid.* 1611. in 4.

Notæ in Evangelium S. Matthæi, ex collatione textuum Arabicorum, Syriacorum, Ægyptiacorum, Græcorum & Latinorum: *Bresla* 1612. in fol.

Ἰνformationis, five informatio Medicæ artis studioso perutilis, aliquandiu in Pharmacopolio versaturo Caspari Peuceri, edita è MSS. Petri Kirstenij: *Vpsalia* 1638. in 8.



V I T A

# JOANNIS BAPTISTÆ VAN HELMONT,

Bruxellensis,

Philosophi per Ignem,

Toparchæ in Royenborgh, Pellines, &c.

*Descripta,*

*Partim à se, partim à Filio ejus,*

FRANCISCO MERCURIO  
VAN HELMONT,

Philosopho (ut se vocat) per unum, in quo omnia,  
Eremita peregrinante.

**A**Nno 1580. totius Belgij calamitosissimo, parens meus  
Obijt: Fratrum ac Sororum postremus, & vilissimus  
ego. In studiis enim educabar. Anno autem 1594. cur-  
sum Philosophiæ absolveram, qui erat mihi decimus septi-  
mus. Itaque cum solam matrem haberem, videbar Lova-  
niæ, totus mei juris & arbitrij factus. Quocirca videbam  
neminem ad examina admitti, nisi tunica talari & cuculla  
larvatum, quasi vestis doctrinam sponderet; cæpi cogno-  
scere, quod Professores, ab olim, juvenes, in artibus propo-  
nendos, ludibrio exponerent: delirij quoddam genus in  
professoribus, adeoque in toto mundo admirabar, ut &  
simplicitatem credulitatis juvenum. Contraxi me in cal-  
culum, ut saltem meo judicio cognoscerem, quantus essem  
Philosophus; an veritatem, an scientiam adeptus, ipse ex-  
aminabam. Comperi, me litera inflatum, & velut man-  
ducato pomo vetito, planè nudum, præterquam quod arti-  
ficiosè altercari didiceram. Tum prius enotuit mihi, quod  
nihil scirem, & scirem quod nihili. Sphæra namque in  
Physicis aliquid scientiæ promittere videbatur, cui idcirco  
Astro-



Astrolabium, usum annuli, & theoricæ Planetarum adjun-  
 xeram; Logisticam simul & Algebram, loco oblectationis,  
 quonies aliorum lectio tædiâ adduxerat, colebam: Quibus  
 elementa Euclidis necitebam, hancque doctrinam, socia-  
 lem feceram genio meo, eo quod veritatem contineret,  
 fortuitò autem, ars Cyclognomica Cornelij Gemmæ, velut  
 altera Metaphysica in manus venit. Quæ cum Nicolaum  
 Copernicum unicè commendaret, non destiti, donec eun-  
 dem mihi familiarem fecissem. Unde didici vanas excen-  
 tricitates, alium cœlorum gyrum, adeoque non impenso  
 tempore dignum, quidquid de cœlis magnis laboribus ac-  
 quisivisse præsumebam. Cæpit itaque vilescere studium  
 Astronomicum penes me, quod parum certitudinis ac ve-  
 ritatis polliceretur, inania verò plurima. Peracto ergo  
 cursu, cum nihil solidi, nil veri scirem, titulum Magistri ar-  
 tium recusavi; nolens, ut mecum inorionem Professores  
 agerent, Magistrum septem artium declararent, qui non-  
 dum essem discipulus. Quærens itaque veritatem & sci-  
 entiam, non autem apparentiam, me Scholis subduxi.  
 Canonicatus opimus mihi promittebatur, modò Theologiæ  
 me emanciparem; sed deterrebat me S. Bernardus, quod  
 peccata populi comederem. Rogavi autem Dominum  
 JESUM, me dignaretur eò vocare, ubi maximè ipsi pla-  
 cerem. Annus enim erat, quo Jesuitæ Lovanij cæperant,  
 docere Philosophiam, Rege, Proceribus, & Universitate,  
 invitis; idque cum illis à Clemente VIII. vetitum esset, di-  
 scipuli verò illorum ad gradum aspirantes, ad Pædagogia  
 confluiscent, cæteros verò ac ditiores, plausibili studio al-  
 liciebant Geographico: alterque Professorum Martinus  
 del Rio, qui prius Judex Turmæ Hispanicæ, ac dein in Se-  
 natu Brabantico fessus, ad Societatem allectus, confluxe-  
 rat, Disquisitiones Magicas exponebat. Ultramque lectio-  
 nem suscepi avidè. Ac tandem pro messe, solas stipulas  
 inanes rapsodiaque pauperrima collegi, iudicio privatus.  
 Interim ne hora absque fruge evanesceret, trivi L. Annæū  
 Senecam, qui mihi impensè placuit, ac præsertim Episte-  
 tus. Videbar itaque in morali Philosophia, veritatis suc-  
 cum reperisse: Statim dein cogitavi, hancesse, pro qua  
 Pythagoras tot annorum stricta exigeret silentia, iudicium  
 excellens ac propterea obedientiam insignem. Tandem  
 paucis mutatis, videbam Capuccinum, esse Stoicum Chri-  
 stianum. Arrisit quidem studium pro æternitate: Sed pro  
 tanta

tanta austeritate, obstabat valetudo tenerior. Oravi Principem vitæ aliquoties, vires daret, quibus nudam veritatem contemplerer, immediateque amarem; auxit hoc mihi desiderium Thomas à Kempis, ac deinde Taulerus. Cumque per Stoicismum me proficere in perfectione Christiana præsumerem, & certò fiderem, tandem post aliqualem in isto exercitio moram & fatigationem, incidi in somnium. Videbar factus Bulla inanis, cujus diameter, à terra, in cælum usque vergeret: Supernè enim eminebat Sarcophagus, infernè verò, loco terræ, abyssus erat obscuritatis, horruì immensum, simulque excidi extra omnem rerum meique notitiam. Ad me verò rediens, intellexi unico conceptu: Quod in CHRISTO JESU vivimus, movemur, & sumus. Quod nemo, vel nomen JESU, ad salutem dicere, sine peculiari gratia DEI possit. Quod continuo orandum sit; & ne nos inducas intemperationem, &c. Datus est mihi nimirum intellectus, quod sine peculiari gratia, ad quashbet actiones, non nisi peccatum nos expectet. Quo conspecto, & saporabiliter cognito, admiratus sum priores meas ignorantias; & cognovi, quod Stoicismus me, inanem & tumidam belluam, inter abyssum inferni & mortis imminenti necessitatem, detineret. Cognovi inquam hoc studio, specie mediocritatis fieri me arrogantissimum: quasi libertatis arbitrij fretus, gratiæ divinæ renunciarem, ac quali, quæ vellemus, per nosmetipsos efficeremus. Absit tale nefas, dixi. Quapropter istam blasphemiam. Paganismo quidem indulgendam; at Christianum decedere censui, adeoque Philosophiam Stoicam, hoc titulo, odibilem censui. Interim cum nimia rerum aliarum lectione, tædio afficerer, ac fatigarer, recreationis ergo, Matthiolum ac Dioscoridem volvebam, ducens mecum, nil mortalibus æquè necessarium, quam DEI gratiam, in vegetabilibus admirando, propriis ministrare necessitatibus, fructusque eorundem carpere. Mox dein camperi, à diebus Dioscoridis, nil artem herbariam increvisse; quin imò hodiè ab ipso traditis herbarum iconibus, nominibus atque faciebus plantarum, utrimque dumtaxat disputari: nil verò virtutum, proprietatum, ac usuum, esse adjectum priori inventioni, atque historiis: Præterquam quòd posterì confinxerint gradus qualitatum elementarium, quibus tota herbarum crasis tribuenda est. At cum ducentas fortè herbas, unius qualitatatis

litis & gradus, diversas habere proprietates comperissem, atque aliquot diversarum qualitatum, ac graduum, Sympioniam (puta in potionibus vulnerariis) habere in productione ejusdem effectus, cæpere mecum vilescere, non quidem herbæ (pentacula divini amoris) sed ipsi herbarij: cumque causam instabilitatis effectuum, tantæque obscuritatis, in applicando, ac medendo, mirarer: Inquisivi, num esset liber aliquis, tradens axiomata & regulas Medicinæ? Rabar namque Medicinam doceri, ac per disciplinam tradi posse, instar artium & scientiarum, adeoque esse traditivam: Non autem, quod esset merum donum. Saltem cum Medicina sit scientia, donum bonum descendens à Patre luminum, cogitabam, quod haberet sua theoremata, suosque Principes Authores, scientiâ infusâ instructos, quibus, tanquam Besaliel & Ooliab, Spiritus Domini inspirasset morborum omnium causas, & cognitionem, simulque scientiam proprietatum rerum. Cogitabam itaque hos illustratos, esse antesignanos Professores medendi. Inquisivi inquam, an non esset alter, qui descripsisset vegetabilium dona, proprietates, applicationes, & convenientias, ab Hyssopo usque ad Cedrum Libani? Respondit mihi Professor quidam Medicinæ, nil horum in Galeno, vel Avicenna desiderari posse. At cum non essem credulus, nec apud Scriptores reperirem certitudinem quæsitam, illam suspicatus sum juxta veritatem, quod dator Medicinæ maneret continuus ejusdem dispensator. Itaque anxius, & incertus, cui professioni me resignarem, respexi ad populi mores, leges, ac Principum placita; vidi jus esse traditiones humanas, incertas proinde, instabiles, & veritatis expertes: Quippe quod in humanis nulla esset stabilitas, nullaque scientiæ medulla; videbar inutilem vitam transigere, si in placitis hominum illam traducerem. Cognovi denique, me ipsius gubernationem mihi sat fore difficile, judicium verò de bonis, ac vita aliorum, esse obscurum, & mille spinis obnoxium: Quapropter prorsus studium juris, aliorumque regimen, abnegavi. Ex altera parte instabat vitæ humanæ ærumna, & DEI voluntas, qua quisque se tueri debet, quàm potest longissimè: propendebam autem singulari aviditate, in rerum placidissimam naturalium cognitionem: & prout anima, serva advenit suis inclinationibus, omnino in scientiam naturalium, insensibiliter lapsus sum. Legi itaque Institutiones Fuchsi & Fernelij



Fernelij, quibus totam medendi Scientiam, velut per Epitomen, me inspexisse cognovi, & subrifi mecum. Siccine scientia medendi traditur, absque theoremate, & doctore, qui ex adepto medendi donum hauserit? Itaque tota naturalium proprietatum historia, clauditur qualitatibus elementariis? Itaque legi opera Galeni bis, semel Hippocratem (cujus Aphorismos pænè memoriter didici) totumq; Avicennam, & tam Græcos, Arabes, quàm modernos fortè sexcentos seridò, & attentè perlegi, ac per locos communes annotans, quidquid singulare mihi in iis, & calamo dignum videretur. Tandem collectam suppellectilem relegens, cognovi meam egestatem, piguitque me insumpti laboris atque annorum. Cum scilicet libros omnes, eandem cum institutionibus cantilenam canentes, animadverteterem, solidi nihil, nihil quod scientiam veritatis, aut veritatem scientiæ sponderet. Interim vel ab initio comparaveram à Mercatore omnia simplicia, ut tantillum singulorum penes me servarem, deinde ab Amanuense officinarum, sive simplicium collectore, habui omnes plantas usuales patriæ nostræ: Sicque plurium cognitionem, per vultum eorundem, didici. Simulque perpendi mecum, quod faciem quidem simplicium, & nomina agnoscerem: nil minus autem, quàm eorundem proprietates. Volui itaque comitari practicantem Medicum; mox insufficientiæ, incertitudinis, & conjecturarum medendi, me etiam atque etiam pœnituit. Noveram quidem problematice disputare de quovis morbo; at ne dolorem quidem dentium, radicitus curare sciebam, vel scabiem. Vidi denique febres, morbosque obvios, nec certò, nec scienter, nec tutò curari: Graviore autem, & qui non sponte cessant, plerumque incurabilium in catalogum destitui. Subiit mihi tum in mentem, quod ars medendi inventum esset imposturâ plenum, citra quod Romani feliciter quingentos egerant annos. Reputavi, artem medendi Græcorum falsam esse: remedia verò ipsa, aliquot velut experimenta, juvare absque methodo non minus: quàm quod eadem remedia cum methodo plerosque fallerent. Utrobique, canonum medendi, in complexionum diversitatibus fundatorum, fallaciam, atque incertitudinem deprehendens, dixi, corde meo, Bone DEUS! quousque eris mortalibus succensus? qui hactenus ne unam quidem veritatem, medendo tuis Scholis reclusisti? quousque populo te confitenti, veritatem



tatem denegabis? hisce diebus plusquam præteritis necessariam? At tibi placet holocaustum Moloch? vis tibi vitas pauperum, viduarum & pupillorum, sub miserrima morborum incurabilium tortura, & desperatione, consecrari? Quomodo ergo non cessas, tot familias perdere, per medentium incertitudinem & ignorantiam? Concidi in faciem, & dixi. Domine, ignosce: si favor in proximum, me extra limites abripuit. Condona, condona, Domine, indiscretæ claritati meæ: nam tu es radicale bonum ipsiusmet bonitatis. Nosti suspiria mea, & quod fatear, quod nihil sim, sciam, valeam, possim, & habeam, sim egenus, nudus, vacuus, inanis: Da, Domine, da scientiam creaturæ, ut creaturam tuam intimè noscat, se primum, cætera præter se, propter mandatum tuum charitatis, ultimo in te, omnia, & super omnia. Quod cum à multo tædio, & animi fatigatione, intensè orassem, forè in somnium deductus sum, & vidi totum universum, in conspectu veritatis, tanquam aliquod informe chaos, quod merum penè nihil esset. Et hausi inde conceptum unius verbi, qui significabat mihi quæ sequuntur: *Ecce tu, & quæ vides, sunt nil; quicquid agas, minus quàm ipsum nihilum, in conspectu Altissimi. Ipse scit fines omnes rerum agenda- rum, tu tua salutem saltem intendas.* Imo in isto conceptu erat præceptum intrinsecum, quod fierem Medicus, & quod mihi daretur quandoque ipsum Raphaël. Actutum ergo, ac deinceps per triginta solidos annos, subsequentesque ordine noctes laboravi, meis impensis, ac vitæ detrimentis, ut vegetabilium, & mineralium noturas, atque proprietatum cognitiones, adipiscerer: interim non sine oratione, lectione, scrutinio rerum, errorum meorum trutina, & experientiis diurnalibus conscriptis vixi. Tandem cum Salomone cognovi, me frustra adhuc plerumque Spiritum meum torfisse, vanamque esse scientiam omnium, quæ sub sole sunt, vanas curiositatum indagaciones. Et quem Dominus Jesus vocaverit ad sapientiam, ille, & non alius venturus est: Imo qui ad fastigium pervenerit, minimum adhuc poterit, nisi Domini favor benignus affulserit. En sic adolevi, factus Vir, & nunc quoque senex inutilis, & ingratus DEO, cui omnis honor.

Subjungit ejus filius, Fr. Mercurius van Helmont, quæ nunc sequuntur: Incidit Genitoris mei obitus in irascendum Decembris diem, anni supra millesimum sexcentissimi, quadragessimi quarti, ad vespertinam sextam, cum plena adhuc ratione

tione uteretur, priusquam omnia ejus Sacra solemnia & iusta ipsius postulasset, nactusque esset, morbus sibi fuisse ejus ipsa vita, qui ipsi permansit septimanis septem hunc in modum ordiens: Aliquando gelidâ fatentique nebulâ ad meridiem subito pedes domum revertebatur, quod ipsi fuit in causa, ut cum epistolium quindecim circiter linearum exarare conaretur, aut longiori nimis discursui indulgeret, respiratio in tantum sibi deficeret, exsurgere cogeretur, perq; fenestram proximam spiritum haurire, quo binis diversis vicibus Pleuritis ipsi accersebatur, à quâ tamen omninò incolumen se restituebat; Imò pridie exitus sui erectus adhuc scribebat amico cuidam Parisios, inter cætera hæc insequentia verba: *DEO laus & gloria in sempiternum, cui placitum est hoc me mundo evocare, ac prout conjicio, non ultra viginti quatuor horarum spatium vita suppetet: Hodie siquidem primum febris insultum sustineo præ imbecillitate vite, ejusq; defectu, quibus mihi finiendum. Quod ita insecutum, postquam specialem mihi benedictionem impertivisset, quam ingens legatum duco, &c.*

*In Nobiliss. & Praclariss. D.*

**J. B. HELMONTII**

**Opera contra Galenistas.**

**C**laude Scholas, Galene, tuas: Satis occisorum est,  
*Ohe jam satis est: plena sepulchra sonant!*  
*Namq; cruor chyli tibi sunt pharmaca; sapa*  
*Das nihil: In Critico spes tibi sola die.*  
*Interea in tablu vena, linguaq; perusta,*  
*Totus & urinâ, stercorebusq; stupes.*  
*Non agrum juvat hoc: illi Medicina paranda,*  
*Nil opus est morbi testibus: at Medico.*  
*Attamen exspectas pretium post funera magnum*  
*Sic canis agrotum spectat, amatq; pecus.*  
*Vnus Apollineâ potius est HELMONTIUS arte,*  
*Quos alter morti liquerat, eripere!*

**JANUS WALHORNIUS D. Majest.**  
**suz Consiliarius,**

22(0)25

(I) 3

SCRI-

## SCRIPTA.

- De Magnetica vulnerum naturali & legit. curatione, contra  
 Joann. Roberti, Soc. Jesu Theologum: *Parif.* 1621.  
 Supplementum de Spadanis fontibus: *Leodij* 1626. in 8.  
 Febrium doctrina inaudita: *Antverpia* 1642. in 12.  
 Opuscula Medica inaudita: I. De Lithiasi. II. De Febribus.  
 III. De humoribus Galeni. IV. De Peste: *Colonia*  
*Agripp.* 1644. in 8.  
 Ortus Medicinæ, i. e. initia Physicæ inaudita, Progressus  
 Medic. novus, in morborum ultionem, ad vitam lon-  
 gam: *Amsterod.* 1648. 1652. in 4. *Venet.* 1651. in fol.  
*Lugd. Bat.* 1655. 1667. in fol.  
 Opera Medica: *Amsterod.* 1652. in 4. *it.* in fol. *Lugd. Bat. ap.*

P R O G R A M M A  
 IN FUNERE

*Nobilis, Excellentissimi & Experientissimi Viri*

DN. CASPARI  
 HOFMANNI,

Medicinæ Doct. & Prof. Publici  
 ac in sua Facult. Senioris meritiss. &c.

RECTOR UNIVERSITATIS ALTORPH.

GEORGIUS KÖNIG, SS. Theol. Doctor,  
 & P. P. &c.

*Civibus Academicis S. D.*

Qui vitam humanam *fabula* comparârunt, sive ea *Co-*  
*mœdia* sit, sive *Tragœdia*, sive, ut Plautus loquitur,  
*Tragico-Comœdia*, appositè, imò rectiùs dixisse quàm sen-  
 sisse videri possunt. Respexerunt enim, ut conjicere licet,  
 ad ludos tantùm & *ludibria Fortuna*, quæ ut in Scenâ oculos  
 spectatorum tenent, ita in hac vitæ humanæ Orchestrâ  
 animos hominum non tam capiunt, quàm turbant, an-  
 gunt, cruciant, intentos ad eventum, multum plerunq; di-  
 versum ab eo, quem sperârunt. Verùm enim verò qui nihil  
 hîc nisi fabulam vider, nihil videt. Ut enim in *Comœdiis*  
 qui vulgo sagaciores sunt, non tam ad id, quod agitur, quàm  
 ad solertiam Poëtæ & dexteritatem ludentium respiciunt,  
 hæc.



hæc si laudabiliter sese habent plausu digna præ aliis judicant: ita in his vitæ nostræ vicissitudinibus is demum aliquid videt, qui post aulæ latentem summi Choragi *Providentiam* agnoscit. Se verò non otiosum spectatorem, sed vel medium in choro recordatur, cui unicè hoc debeat esse curæ, ut personam sibi impositam rectè gerat, cura de eventu ante diem ventis commissâ. Tali tabellâ vitæ Humanæ exemplar exhibere, hoc potissimum tempore, quo justa funebria solvenda sunt *Viro Nobili, Clarissimo, Experientissimo & Excellentissimo* DN. CASPARO HOFFMANNNO, *Medicinae Doctori ac Professori Publico, & in sua facultate Seniori meritisissimo*; Religio nobis fuisset, prohibitis gravitate Viri, omni Scenâ superiore, nisi & alii Magni & Graves Viri, inter quos etiam fuit *Augustus Imperator*, tum suam tum aliorum vitam eodem penicillo depinxissent: & singularis in cursu hujus NOSTRI gubernando DEI Providentia spectatum nos, tanquam in Theatrum, Tragicum, si Honestatem, Comicum verò, si beatam Catastrophen respicias, vel invito deduxisset.

Natus est Vir laudatissimus *Gothæ Thuringiæ*, A. C. c13 Ic LXXII. Ad V. IDUS NOV. HORA IV. A.M. Patre *Viro Integerrimo* JOHANNE HOFFMANNNO *cive Gothano*, Matre verò *Matrona Honestâ* ANNA LEVFFERA. Susceptorem è S.S. Baptismatis lavacro habuit *Virum* itemdem *Honoratum* CASPARVM MVNCKIVM *Civem Gothanum*. Sed ecce tibi protasin ejus quam diximus Comœdiæ, iis qui fortunam habere videntur iniquiorem, apprimè notabilem. Deus Pater pupillorum, ut vices parentis ipse sustineret, & quod sustineat, tantò clarius ostenderet, Patre ipsum primo statim ætatis anno privavit. Orbum Patre *Avus Maternus* JOHANNES LEVFFER pro filio educatum, & disciplinâ domesticâ ad omnia honesta institutum, *Scholæ* ibidem oppidanæ *Sexennium* admovit, ubi in annum usque ætatis decimum nonum commoratus, in *Academiâ Lipsiensem* de consilio Scholæ Gothanæ Rectoris DN. M. JOHANNIS HELDERI, & cum ejusdem commendatitiis ad *Virum Clarissimum* DN. MATTHÆVM DRESSERVUM *Historiarum Professore* sese contulit. Minus favente uti videbatur fortunâ huic conatui. Subsidiis quippe vitæ admodum exiguis, adversa insuper valetudine, ex constitutione loci, Naturæ ipsius minùs conveniente, afflicto. Post semestre igitur ægrè ibi peractum do-



num rediit, ubi per totam Hiemem Anni cło Io XCI. malè habens, adeò ut *Hydrops* etiam insultum meditaretur, cò cum suis redactus est, ut quamvis restituta valetudine de abruptendis tamen literarum Studiis cogitaret, Sed hìc apparuit, non humanis, sed DEI Sapientiss, consiliis gestum esse, quod hactenus gestum esset, prævidentis jam tunc, quanto bono carendum esset Reip. literariæ, si hoc Viro destitueretur. Venit in ipsius patriam præter opinionem Vere sequentis A. cło Io XCII. Argent. Studiosus per-eruditus, nomine PHIL. WALDECKER, mirè prædicans *Univerfit. Argentinæ* tum in seipsà, pro tenuioris fortunæ Studiosis commoditatem, tum verò Professorum illius loci erga tales Humanitatem & ad inopiam illorum sublevandam promptitudinem. Movit ea res tum ipsum, tum cognatos, & potissimum Avum Maternum, ut ipsi eo proficiscendi, viatico simul suppeditafo, autor fieret. Cui obsecutus, *Padagogiis* in illa *Academia privatis* vitam ita, ut in hoc vitæ genere necesse est, tenuiter scilicet sustentavit. De cursu tamen Studiorum tantò minùs interim remittens, quantò magis stimulasse ipsum consentaneum erat Virgilianum illud:

- - - labor omnia vincit

*Improbis & duris urgens in rebus egestas.*

Biennio ibi exacto de Promotorum sententia *Noribergam* venit. Ubi iterum pro ipso vigilans Divina Providentia Fautorem ipsi singularem dedit, *Virum Præstantiss. atq; Literatiss. Dn. MATTHIAM SCHILHERUM, Inclÿta Reip. Norib. Proto-Notarium*, qui ejus virtutum apud Viros Reip. Primar. laudator, effecit, ut *Menſe Aug. Anni cło Io XCV.* cum Stipendio & *Discipulis privatis* ad nos *Altdorphium* mitteretur, ubi septennium ita peregit, ut sibi simul & concreditis fidei ipsius laudabiliter prodesſet. Docentes auditit celeberrimos illius temporis Professores, nominatim *Viros Clariss. atq; Excellentissimos Dn. NICOL. TAURELLUM, & Dn. PHIL. SCHERBIUM, Med. Doctores*: quorum famam & celebritatem nominis beati cineres nec hodie spirare desinunt. Ita deniq; sese gessit, ut cum suorum Præceptorum omniumq; bonorum favore *Sipendium* etiam *Medic. Studiosis destinatum*, cum quo *in Italiam* proficisceretur, impetraret. Declaravit autem ipso facto in illo Eruditionis & Peritiæ mercatu, quâ sciret foro uti; quippe qui & *Padua* nihil prætermitteret, quod ad locupletandum Studii Medici thesaurum facere videretur, & cum *triennio* ibi exacto reditum in patriam meditaretur,

taretur, *alia* prius etiam *Italia* loca rerum conspiciendarum monumentis clara, sibi contemplanda duxerit. Qua ratione præter aliorum multorum cognitionem *Italica* etiam *lingua* expedire eloquendæ dexteritatē sibi comparavit. Autumno An. c. 15 15c V. *Basileam* venit, *Recl. Magnif. FELICE PLATERO Archiatro, Decano* verò in eadem Facultate *Speciatiss. PETRO RIFIO Mathem.* Ubi memor illius Horatiani

*Parvum sepulta distat inertia*

*Celata virtus.*

*Doctoris* gradum petiit, & pro sua eruditione aliisque ingenij morumque dotibus eā cum laude impetravit, ut IV. Idus Dec. primo loco inter quatuor *Candidatos Doctor Medic.* solenniter renunciaretur. Hisce adeò opibus apud exteros sibi comparatis, *Noribergam* rediit circa Pascha A. c. 15 15c VI. cumque postea *Autumno ejusdem, Pestis* in hanc urbem & ipsam etiam *Academiam nostram* grassaretur, relato cum aliis in censum *Libitinæ Dn. NICOLAO TAURELLO* suprà laudato, à *Nobilissimis atq; Prudentissimis Inclita Reip. Noribergensis Proceribus* nominatum tum *Scholarchia, tum Provinciarum Curatoribus, Dominis, Nutritis ac Mæcenat. nostris Benignissimis, Medicus* est constitutus *peste insectorum.* Quod iterum documentum singulare divinæ non modò directionis, sed & protestationis & promotionis. Officio enim illo difficili & sollicitudinis ac periculi plenissimo, cum esset ita perfunctus, ut ejus benevolentiam & dexteritatem experirentur plurimi, omnes verò boni celebrarent; *Humanitatis suæ* putabant qui tunc erant *Professores, non modò completi Virum omnium favore dignissimum, sed etiam ad Nobilissimos atq; Amplissimos Vniuersit. Curatores* commendare, tanquam dignum, qui in locum *Dn. D. TAURELLI* piè, ut diximus, defuncti, *Medica Facult. Professor* constitueretur. Hanc *Spartam* nactus, promissam Mense Febr. Anni c. 15 15c VII. solennibus autem *Petro-Paulinis Publica* ipsorum *Nobilissimorum Dominorum Scholarcharum* renunciatione sibi commissam, *Conjugio* etiam ornandam duxit. Ducta *Honestissima Virgine, nunc Vidua mæstissima MARIA MAGDALENA, Viri Consultiss. atq; Clariss. Dn. JOHAN. BUSENREUTH, Incluta Reip. Norib. Consil. Primiq; in Facult. Philosophica apud nos Decani, & MARIE è Nobiliss. Füh-RERORUM Familia oriundæ Filiæ, celebratis hinc Altdorphijs Nuptiis* IV. Idus Novembris An. C. c. 15 15c VII. prolem è conjugio suscepit sequioris quidem tantum sexus, sed vir.

(1) 5

tute



tute nulli secundam : sex nimirum filias. Ex quibus duæ, ANNA SIBYLLA & altera SABINA nupserunt Viris Clarissimis atq; Excellentissimis Medicina Doctoribus. Illa DN. CHRISTOPHORO RERN/ Medico Gothano, ad Vitam meliorem ante paucos Annos cum ipsâ Coniuge translato : Hæc DN. ANDRÆ LAUXIO, Incluta Reip. Noribergensis Phys. Ordin. piè & ipsi defuncto, viduâ tamen, & duabus, in spem crescentis solatii filiabus vivis adhuc per DEI gratiam relictis. Cæteræ partim infantes, partim plenis quidem Annis nobiles, innuptæ tamen decesserunt. Ut omnibus quæ à Professore requiruntur officii partibus in Annum usque Quadragesimum & primum, ita nominatim Rectoris munere quater, Decani in sua Facultate à promulgatis Novis Academiæ in Universitatem elevatæ legibus quinquies cum laude perfunctus est. *Lectionum* verò, aliarumque cædro dignarum & Exteris dudum celebratarum *lucubrationum*, & inter has Medicorum Principis Galeni enucleationum operas ut fama illustri dudum loquitur, ita posteritas, nisi ingratissima sit, nunquam conticescet. Ingravescente senectute, cum vires inciperent decrescere, assiduitas tamen in docendo nequaquam decrevit. *Manebit*, inquebat, *verum* prophetæ illud : *Maledictus qui facit opus Domini negligenter*. Cum in publicum prodire non posset, domum suam auditores invitabat & comparentes fideliter docebat. Invalescente tandem & vires planè prosternente, lecto tandem ipsum defigente, *senectutis* quæ ipsa *morbus* est, *adversaria*, quod factum est VIII. Idus Oct. cum brevi sibi migrandū intelligeret, de Viatico Cœlesti ante omnia sibi prospexit. S. S. Cœnâ postridie debita cum devoto usurpatâ, quod vitæ adhuc erat reliquum, in eo spe & patientiâ plenus devotiss. ad fata sua obsequium piis precibus aliisque indiciis Christiano homine dignis DEO declaravit & comprobavit. Donec tandem III. Non. Nov. *dimidiâ circiter primâ post merid.* Spiritum DEO redderet, cum pridie vespere Uxori charissime, Filia & Neptibus suavissimis *extremum vale* dixisset, & de paterna DEI misericordiæ ope, optimè ipsas, & DEI verbo, & suo ipsius exemplo doctas sperare iussisset. Atque hic est, Cives Academici cui contigit, quod paucis contingere ajunt Sapientes, ut & *Diu* pro hodierna hominum ætate & *benè*, imò quod adhuc paucioribus & *sibi* & *aliis* vixerit Sibi vixit, qui ita vixit, ut deinceps in æternum vivat, aliis vixit, qui plurimis profuit, imò pluribus adhuc, dum monumenta ipsius extabunt, proderit.

Pro-

Polixius jam Vos ad *cohonestandas* Exequias hortari, Cives Academici, suadet sanè sanctè defuncti dignitas & merita; dissuadet contrà plenissima de Vestra pietate & in præceptorem gratitudine, fiducia. Quod virtutes hæ vos jubent, facite. Ita funus frequentia vestrà, ritè & ut vos decet decoratum forè confidimus. Valete P.P. VII, Id Novembr. A.Æ.C. clj Ioc XLIIX.

## IN EFFIGIEM

Celeberrimi Medici,

## CASPARIS HOFMANNI.

**H**ortorum Vitas qui in floribus excolit, HOFMAN  
Dicitur, & Medici quid magis ornat opus?

## SCRIPTA.

De Thermis Hirsbergens. liber. Extat cum consiliis & Epistolis Joh Cratonis. *Francos.* 1591. in 8.

De usulienis, secundum Aristotelem, liber singul. *Lipsia* 1615. in 8. *Lugd. Bat.* 1639. in 12.

De Ichoribus, & in quibus illi apparent, affectibus collectanea: *Lipsia* 1617. in 8. *Lugd.* 1639. in 12.

De usu Cerebri, secundum Aristotelem, Diatriba: *Lipsia* 1619. in 8. & *Lugd. Bat.* 1639. in 12.

Oratio de Barbarie: *Breslarvia* 1620. in 4.

Variarum lection. libri VI. in quibus loca multa Dioscoridis, Athenæi, Plinij, Hippocratis, Aristotelis, Galeni & aliorum, quæ illustrantur, quæ explicantur: *Lipsia* 1619. in 8.

Oratio in Promulgat. Privilegiorum extensorum Academicæ Altorphinæ habita: *Altorphi* 1623. in 4.

Oratio in Creat. duorum Medic. Doct. d. XXIV. Novemb. An. M. DC. XXIII. habita: *ibid.* 1624. in 4.

De Thorace ejusque partibus commentarius tripartitus, in quo discutiuntur præcipuè ea, quæ inter Aristot. & Galenum controversa sunt: *Francos.* 1627. in fol.

Commentarii in Galeni de usu partium corporis humani, lib. XVII. cum variis lection. in utrumque codicem Græcum & Latinum: *ibid.* 1625. in fol.

De Generatione hominis libri quatuor, contra Mundinum Mundinum: *ibid.* 1629. in fol.

Epistolæ variæ extant cum Cista Medica Joh. Hornungi: *Norib.* 1625. in 4. & Epistolis Georgii Richteri: *ibid.* 1662. in 4.

Rejecta.



- Rejectione Pathologica, quæ de Morbis formæ & materiæ à Fernelio Argenterioque per somnium visis : *Helmstadij* 1639. in 8.
- Notæ perpetuæ in Cl. Galeni de Ossibus ad Tiroques librum : *ibid.* 1630. in fol.
- Pathologia parva, in qua methodus Galeni practica explicatur : *Iena* 1640. in 8. *Paris.* 1647. in 4.
- De locis affectis libri tres : *Norib.* 1642. in 12.
- Relatio historica judicij acti in campis Elysiis, coram Rhadamanto, contra Galenum, cum approbatione Apollinis in Parnasso, communicata per Mercurium : *ibid.* 1642. in 12.
- Animadversiones in Com. Montani libros quinque de morbis, & Thomæ Eraſti Anatomen eorundem, nec non Ant-Eraſtica ejusdem Montani, cum auctario de causa continente : *Amſterod.* 1641. in 12.
- Institutionum Medicarum libri sex : *Lugd. Bat.* 1645. in 4.
- Institutionum suarum Medicarum Epitome in sex libros digesta : *Parisijs* 1648. in 12. *Lugd. Bat. & Heidelb.* 1672. in 12.
- De Medicamentis officinalibus tam simplicibus quàm compositis libri duo. Accesserunt quasi Paralipomena, quæ vel ex animalibus vel mineralib. petuntur, Opus triginta annorum : *Paris.* 1646. 1647. in 4.
- Opuscula Medica in duas partes divisa : *Paris.* 1647. *Francos.* 1667. in 4.
- Pro veritate opellæ tres : *Parisijs* 1647. in 4.
- Digressio ad circulationem sanguinis in Anglia natam. Exstat cum Jo. Riolani opusculo Anatomico : *ibid.* 1647. in 4.
- Expiræis* in Aug. Buccium & Ludov. Buccaferreâ de Principatu partium corporis, & Jul. Cæs. Claudinum, de sede facultatum principum : *ibid.* 1647. in 4.
- De calido innato & spiritib. syntagma : *Francos.* 1667. in 4.
- De Methodo Medendi : *Lipsiæ* 1668. in 4.
- Cardianastrophæ admiranda, seu cordis inversio : *ibid.* 1671. in 4.



MEMO-